

259

ԱՐԵՎԻԹԻՒ

ՀԱՅԱՍՏԱՆԻ ԱԳԱՐԱՆԸ



8
P-93

An. 841

FFS 28003

2011

Ann. 841

Հ
ՀԱՐՄ.

ՔՐԻՍԹՈՒԹԻՒՆ
Ք-93

2-6679/
3+12

ՀԻՆՆՈՒԱԳԱՐԱՆԸ

ԵԿԱՄ

ՈՇՈՅՏԵՆԻՔ, ՔՈՂՑՔ ՀՈՅՏԵՆԻՔ

Հ
Հ
Հ

معارف عموميہ نظارت جلیلہ سنک ۷ ذی القادہ ۳۰.۱ و ۱۶ آگسٹوس
۲۰۰۴ء تاریخی و ۶۶ ہرولی رخصنا مہ سیلہ طبع اول نشادر
Հրամանաւ ժوپیվոյ պաշտօնէին հասարակաց կրթութեան

Կ. ՊՈՂԻՄ
ՏՊԱԳՐՈՒԹԻՒՆ Գ. ՊԱՇՏԱՌԵԱՆ
(ԱՐԱՄԵԱՆ)

ԽՆԲ. №

1884

43057 - ии.



27/94-62 R

ՓՐԻՍԹԻԻ

ՀԻՆ ՆՈՒԱԳԱՐԱՆԸ

ԵՒ ԿԱՄ

Ո՛ ՀԱՅՐԵՆԻՔ, ՔԱՂՅՐ ՀԱՅՐԵՆԻՔ

ԳԼՈՒԽ ԱՌԱՋԻՆ

ՀԻՆ ՆՈՒԱԳԱՐԱՆԸ

Լոնտոնի անհշամ եւ աղքատ թաղի մը նեղ եւ աղտեղի փողոցներէն միոյն մէջ կար հին եւ անշուք տուն մը , որոյ սենեակները վարձու կը տրուէին աղքատ օտարականաց : Այս տան առաստաղին առկ փոքրիկ խուցի մը մէջ կ'երդուէր արկղ (օրկան) կոչուած նուագարանաւ սա ծանօթ երգին եղանակը , «Ծ հայրենիք , քա՛զցր հայրենիք : » Բայց այսպիսի երգ մը օտար էր թէ այն տան եւ թէ հոն բնակողներուն , որ հաճոյք չէին կրնար զգալ անկէ , քանզի չէին տեղեակ ընտանեկան քաղցրութեան , եւ բարեպաշտ գերդաստանի մը երջանկութեանը թաղին փողոցներն այնպէս նեղ եւ աղտեղի էին , եւ տուներն արեւ չտեսնելով այնպէս խոնաւ , որ այն թաղը բնակողներն էին ընդհանրապէս այնպիսի աղքատ օտարականներ , որ , անկողին անգամ չունենալով , կը պառկէին տախտակներու կլայ ,



Եւ համարելով թէ ընտանեկան հաճոյք իրենց համար չեն, էին միշտ թշուառ :

Դիշեր մը վերոյիշեալ փոքր խուցին մէջ, թէպէտ շատ ուշ էր, ճրագը զրեթէ սպառած, եւ վառարանին կրակը մարելու մօտ, յիշեալ եղանակը, «Ո՛ հայրենիք, քա՛զցը հայրենիք», » կ'երգուէր անընդհատ այն նուագարանաւ :

Եթէ ոք հետաքրքրութեան համար ելլէր այն տան(*). Վերնայարկը, եւ մտնէր այն փոքրիկ սենեակն առոտաղին տակ, կը տեսնէր զուարթ ծերունի մը որ առանձին նուած, աչքը նուագարանին փրայ, անդադար կը դարձունէր անոր դաստակը, քանզի այս ընել միայն բաւական է այնալիսի նուագարան մը հնչեցունելու : Ծերունոյն անունն էր Թրէֆի, անոք, անօգնական մարդ մը, քանզի ազգականք նորա փոխուած էին յաշխարհէս : Թրէֆի չունէր նաեւ ծանօթ : անոր մի միոյն բարեկամն էր երկրի փրայ իւր կին նուագարանը :

(*) Ծանօթութիւն. — Եւրոպա եւ Ամերիկա տուներն ընդհանրապէս մեծ եւ բամբ են, եւ իւրաքանչիւր յարկի վրայ կը բնակին այլեւայլ ընտանիք, քանզի յարկերը բաժնուած են մաս մաս իրեւ ուրոյն տուներ առանձին դուռներով, որ կը բացուին յարկը հանող սանդղին զոլիսը : Տան ընակիչները փողոցի մեծ դուռնէն մենելով, սանդղէն վեր կ'ելլեն իրենց յարկը, եւ կը մտնեն յատուկ դուռնէն իրենց բնակարանը : Յայսնի է թէ այսպիսի տան մը վերնայարկը շատ դժուարութիւներ ունի, թող սանդղին այնչափ ատիմաններն ամէն օր ելլելու իշնելու աշխատութիւնը եւ ուրիշ դժուարութիւններ : Ուստի եւ ընդհանրապէս շատ աղքատ մարդիկ կը բնակին այն տուներուն վերի յարկը, մանաւանդ վերնազոյն յարկը որ առաստաղին տակ է եւ զոր առ մեզ ուամկօրէն սովորութիւն է ուժու կոչել :

Ծերացեալն թրէֆի իւր բոլոր ոէրը եւ փափաքը տուած էր իւր այս հաստիկն մէջ այն կին նուագարանին, թէպէտ զիտէր թէ անոր գործածութեան գործն արդէն անցած էր : Շատ անգամ, կ'ըսէր, «Նուագարանո ինձ կը նմանի, երկուքիս եւս ժամանակն անցած է : » Զայս կ'ըսէր թրէֆի, վասն զի գիտած էր որ, մինչ կ'անցնէր փողոցներէն նուագարանը հնչեցունելով քանի մը գտհեկան շահելու համար, միտ դնուլ շատ քիչ կը գտնուէր . ամէն մարդ կ'անցնէր կ'երթար :

Օր մը, որոյ պատմութիւնը պիտի ընենք հոս, թրէֆի քան զսովորականն աւելի տխուր էր : Շատ ցուրտ էր, կը փէտ սաստիկ հով, միով բանիւ բոլոր ընութիւնը կը թուէր արտօւմ եւ վշատհար : Թրէֆիի բարակ վերարկուն զրը շատ տարիներէ հետէ կը հագնէր՝ այնպէս մաշած էր որ անոր թելերը կը մայիսին համրուել . ուստի թշուառ ծերունին սկսաւ միթլ եւ գողալ, բայց եւ այնպէս քանի մը փաղ առնելով, համար ստիպել էր հնչեցունել նուագարանը՝ փողոցներուն անկիւնները կենալով այնպէս երկար, որ սկսան ցուրտէն թմրել մատուըները :

Թրէֆիի նուագարանը ոչ միոյն հին էր, եւ իր եւ նուագարան արդէն զրեթէ խափանուած, այլ եւ ունէր չորս եղանակ միայն, որոց մին էր եղանակ երգին, «Ո՛ հայրենիք, քա՛զցը հայրենիք : » Քան միւս եղանակներն աւելի կը սիրէր զայս թրէֆի, ուստի երբ, հնչեցունելով կարգաւ եղանակները որ անոր գրամագլուխն էին, կու գոր իւր սիրելի եղանակին, «Ո՛ հայրենիք, քա՛զցը հայրե-

նիք, » կը սկսէր ծանր ծանր գարձունել դաստակը, որպէս զի երկայն տեւէր եղանակը: Այն ցաւրտ օրն եւս այսպէս ընելով կը հնչեցունէր փողոցները, բայց ոչ ոք միա կը դնէր թրէֆի եւ ոչ անոր նուագարանին: Արդարեւ փոքր տղայք խոնհեցան զնովաւ, եւ կը խնդրէին լսել անկէ այս ինչ կամ այն ինչ եղանակը, բայց թրէֆի որ այն եղանակաց անունն անգամ լսած չէր՝ մասց տարակուսեալ, եւ համարելով թէ անոնք այն երգին եղանակէն, «Ո՛ հայրենիք, քա՛զցր հայրենիք», » չախորժեցին, գնաց ուրիշ փողոց մը, եւ այն ինչ սկսած էր հնչեցունել նուագարանը, մարդ մը գուրս հանելով գլուխը պատուհանէն ըստ ցասմամբ, «Նուագածու, ի՞նչ եկած ես հոս ձանձրացունել զմեղ, գնա ուրիշ աեղ: » Թշուառ ծերունին լսելով զայս, առաւ նուագարանը եւ ցուրտաէն դողալով գնաց ուրիշ բաղմամարդ փողոց մը եւ հոս սկսաւ նուագել, բայց սատիկանութեան տեսուչ մը գալով ըստ, «Ո՛վ ծերունի, հոս նուագել արգելեալ է, գնա ուրիշ փողոց: »

Թրէֆի կը նուազէր անօթութենէ, քանզի գեռ դրած չէր բերանը պատառ մը հաց: տասը փող չունէր գրպանը որ հաց մը առնուր: Տիկին մը որ կ'անցնէր այն փողոցէն՝ տեսաւ ծերունին, եւ գթալով տուաւ անոր քսան փող: Օրն ի բուն փողց փողոց պտտելով իւր սովորական չորս եղանակները կրկին եւ կրկին նուագելէ ետքը, ահա այս քսան փողը միայն շահեցաւ տառապեալն թրէֆի: Տեսնելով թէ արեւը մանելու մօտ էր եւ նուագարանը հնչեցունելով բան շահելու յոյս չկար, որոշեց

թողուլ երթալ իւր սենեակը: Ուստի այն քսան փողով զոր առաւ կնջմէն հաց մը գնելով՝ եկաւ գծուարութեամբ տուն եւ մտաւ իւր անշուք սենեակը: Մեծ վարանման եւ տագնոտի մէջ էր այն դիշեր: Ինք ծեր եւ անկար էր, նուագարանը կին, նուագարանին տեսակը խափանուած, եղանակները մարդոց ականջին անախորժ, այս ամէնը բաւական անձկութիւն կու տային անոր: Մանտուանդ երբ կը յիշեր թէ ինչպէս այն օրերը, մինչ նոր գնած էր նուագարանը, մարդիկ կը խոննէին ուր եւ կ'երթար եւ տիսորժելով կը լսէին եղանակներն, աւելի կը սաստկանար սրտին տագնապը: Բայց ի՞նչ կրնար ընել: այն օրերուն վրաց գրեթէ դար մը անցած էր, կին ձեւերը փոխուած էին, կին եղանակները խափանուած, եւ նորեր յօրինուած, կամաց տկամաց գոհ ըլլալու էր իւր վիճակէն:

Թրէֆի այս խորհուրդներով կ'աշխատէր գիշերուան համար քիչ մը կրակ վառել ածխոյ մանր մանր կտորներով: Կրակը վառելէն ետքը տաքցուց իւր երեկունէ մնացած թէյը, ախորժակաւ խմեց հացովը զոր գնած էր: Այսպէս քիչ մը կազդուրելով սուրին նեղութիւնը փարատելու համար սկսաւ հնչեցունել նուագարանը, քանզի անգէտ էր քան զայն լաւագոյն Մխիթարչի որ սիոնիէր զնա: Իւր չորս եղանակները կրկնելով կը զուարձանար, մանաւանդ որ չկար ոք անոր քով որ ըսէր, «Այդ եղանակները խափանուած են, ատոնց գարն անցած է» ընդհակառակն ունէր այն դիշեր այն եղանակներէն ախորժող ունինդիր մը, որուն անգէտ էր ինք, այսինքն՝ աղքատ եւ որդ պատանի մը

Քրիսթի անուն , որ այն գիշեր պատսալարուելու համար մտած էր այն առունը եւ քարէ սանդղին վրայ կը պատկի՞ր : Քրիսթի լսելով նուագարանին ձայնը՝ ելու վեր , զնաց Թրէֆի սենեկին առջեւ . եւ միտ կը դնէր ուշադրութեամբ : Երբ Թրէֆի , առաջին երեք եղանակները կարգաւ նուագելէն ետքը եկաւ չորրորդին , «Ո՛ հայրենիք , քա՛ղցր հայրենիք , » Քրիսթի սկսաւ տւելի աշոգ միտ դնել եղանակին : Վասն զի այն երգը վերջին երգն էր զորդեռ երեք ամիս առաջ անոր մայրը մահուան անկողին մէջ երգած էր : Երբ Քրիսթի լսեց այս եղանակը , յանկարծ նկարուեցաւ անոր մտաց առջեւ այն մահուան ախուր եւ սրտկեղ ժամը . իրը թէ կը տեսնէր անզարդ սենեակին ուր պառկած էր մայրը , կը դիտէր անոր թալկացեալ դէմքը , կը լսէր անոր հեծութիւնը եւ այս երգը զոր կ'երգէր նու հրեշտակային քաղցրութեամբ , մինչ դողդոջուն ձեռօք կը զգուէր իւր սիրելի որդեակը Քրիսթի : Քրիսթի յիշեց մանաւանդ մօրը սա վերջին խօսքը , զոր ըսելով աւանդած էր նա հոգին . «Քրիսթի , ահա կ'երթամ հայրենիքս , կ'երթամ քաղցր հայրենիքս , վերին հայրենիքս , սիրուն հայրենիքս : »

Քրիսթիի կեանքն , անոր մօրը մահուանէն մինչեւ այն օրը , ցաւօք եւ հեծութեամբ անցած էր : Պատանին կեանք չէր համարեր այն կեանքը զոր անցուցած էր առանց մօր , քանզի յորմէ հետէ մեռած էր մայրը , Քրիսթի չխնդաց երեք : Որչափ եւ կ'աշխատէր իւր հայր հայթայթել իւր մօրը պատուերին համեմատ , չատ անգամ կը հառաջէր ըսելով , «Բարէ , երանի՛ թէ ես եւս երթայի այն քաղցր

օթեւանն , իմ մօրո քով : » Այս երեկոյ առաւել եւս զօրացաւ Քրիսթիի այս բաղձանքը , երբ լսեց իւր մօրը սիրելի երգին եղանակը :

Որովհետեւ գիշերը շատ անցած էր , ծերունին դադրեցուց նուագարանը , եւ Քրիսթի մեղմով վար իջնելով սանդղէն եւ դնելով գլուխը սանդղին քարէ ասափաններէն միոյն վրայ , ննջեց : Երազին մէջ տեսաւ մայրը որ կ'ըսէր անոր , «Քրիսթի , ես հանգեայ իմ քաղցր հայրենիքս , յօթեւանս արդարոց . այսուհետեւ զերծ եմ ամէն ցաւէ եւ նեղութենէ . ասոր նման գեղեցիկ բնակարան չկայ : »

Գ Լ Ո Ւ Խ Ե Ր Կ Ր Ո Ր Դ

ՔՐԻՍԹԻ ՑԱՆՑՈՒԱԾ ԱՒԱՆԴԸ

Քրիսթի իւր մօրը սիրելի երգին եղանակը լսելու համար սկսաւ ամէն գիշեր երթալ այն տունը : Տան տիկինը տեսնելով զբրիսթի աղքատ եւ թշուառ , ցուցուց անոր պատկելու համար մեծ սենեակ մը ուր դրած էր ուրիշ մարդիկ : Տիկինը կու տար Քրիսթիի նաեւ սեղանէն աւելցած հացի կտորներէն : Այս պէս յաջողեցաւ Քրիսթի ամէն գիշեր վեր ելելով կենալ Թրէֆի սենեկին առջեւ , եւ լսել անոր եղանակները :

Գիշեր մը մինչ Քրիսթի այսպէս Թրէֆիի զրան առջեւ կեցած միտ կը դնէր , յանկարծ լուց նուագարանին ձայնը , եւ թնդիւն մը լսուեցաւ , որպէս

թէ ծանր բան մը տապալեցաւ գետին : Քրիս-
թի այս թնդիւնը լսելն եւոքը կեցաւ վայր մի ,
եւ երբ տեսաւ թէ ձայն հանող չկար ներսէն , բա-
ցաւ գուռը եւ նայեցաւ ներս : Թէպէտ կրակը
մարած էր եւ ճրագ չկար , լուսնին լուսով որ
ծագած էր պատուհանէն ներս՝ տեսնելով զի երու-
նին գետնատարած իրեւ կիսամեռ , իսկոյն գնաց
րոնեց ձեռքէն : Ծերունւոյն ձեռուըները պաղած
գտնելով՝ մեռած կարծեց զնա , եւ մինչ կը խոր-
հէր երթալ կոչել տան տիկինը , թրէֆի սթափելով
վեր առաւ գլուխը եւ հարցուց , «Ով է» : «Ես եմ ,
տէր ,» ըստ Քրիսթի . «սենեկիդ դրան առջեւ
մորիկ կ'ընէի նուագարանդ , եւ իմանալսվ թէ ին-
կար , ներս մոտայ . հիմա ի՞նչպէս ես :» Յետոյ գնե-
լով զնա անկողին՝ հարցուց գարծեալ , «Ի՞նչպէս
ես , քիչ մը հանգարտեցա՞ր :» «Այո՛ , որդեակ» ,
պատասխանեց ծերունին , «Հանգարտեցայ , բայց
շատ ցաւրտ է , եւ ես ծեր եւ տկար , ուստի չուտով
կը մոխմ :» Յետոյ Թրէֆի սկսաւ քնանալ հան-
գարտ , եւ Քրիսթի այն գիշեր պառկեցաւ հօն :

Այնուհետեւ Թրէֆի եւ Քրիսթի եղան բարեկամ :
Քրիսթի ըստ կարի կը ծառայէր ծերունւոյն . կ'աւ-
էր եւ կը մաքրէր սենեակը , ուտելիք կը պատրաս-
տէր , ամէն առաւօտ կ'իջեցունէր նուագարանը վար
փաղոց , ուստի եւ ծերունին անոր այս ծառայու-
թիւններուն փոխարէն թոյլ տուաւ նմա պառկել
իւր սենեակը , եւ վառարանին քով նոտել մինչ ինք
կը հնչեցունէր նուագարանը :

Ամէն անզամ որ կը հնչեցունէր Թրէֆի ստէոյ յիշ-
ուած երգին եղանակը , «Ո՛ հայրենիք , քա՛ղցր հայ-

թենիք ,» Քրիսթի կը յիշէր իւր մայրը եւ անոր
խօսքը : Գիշեր մը մինչ երկոքին կը նոտէին վա-
սարանին մօտ , Քրիսթի հարցուց Թրէֆիի , «Թրէ-
ֆի , զիտեսուր է քաղցր հայրենիքը» Թրէֆի նայելով
տան պատերուն որ ուրեք ուրեք փլած էին լսաւ ,
«Զեմ զիտեր ուր է , զիտեմ սակայն թէ այս տու-
նը չի :

«Ես կը կարծեմ թէ այն հայրենիքը մենէ շատ
հեռու է ,» կրկնեց Քրիսթի :

«Այո՛ ,» լսաւ ծերը , «մարդուս համար բնակու-
թեան լաւագոյն տեղ մը , հանգստեան վայր մը
ըլլալու է , չեմ գիտեր սակայն թէ ուր է :

Քրիսթի գարձեալ ըստ , «Մայրս սովոր էր եր-
բեմն խօսել արքայութեան մը վրայ , արդեօք այն
է քաղցր հայրենիքը» Թրէֆի պատասխան չուռաւ
այս հարցման քանզի չունէր տեղեկութիւն արքա-
յութեան վրայ :

Ցաջրորդ օրը հովմ այնպէս սասափիկ էր , որ ծե-
րունին մեծ գժուարութեամբ կ'երթար փալցոցնե-
րէն , բայց եւ այնպէս կը խորհէր նախընթաց ե-
րեկոյին խօսակցութեան վրայ , այն է՝ արքայու-
թեան եւ քաղցր հայրենեաց վրայ , այլ ի զոր կը
յոգնեցունէր միտքը :

Այն իրիկուն Քրիսթի կանուխ գալով սենեակ՝
կրակ վառեց եւ թէյի ամանը դրաւ կրակին վրայ :
Յետոյ եկաւ Թրէֆի , հիւանդ , եւ խմելով թէյը
պառկեցաւ , եւ առաւօտուն չկրցաւ ելլել Մինչ
նա այսպէս հիւանդ կը պառկէր , Քրիսթի հոգ
կը տանէր անոր : Թրէֆի եւ Քրիսթի երկու օր
կերան ինչ որ ունէին , երրորդ օրը բան չմնաց .

ուստի Թրէֆի ըստ Քրիսթիի , «Կերակուր չմնաց , եւ ստակ չունիմ . հիմո ի՞նչ լնենք . կրնմմ արդեօք շրջեցունելով նուագարանն քանի մը փող շահել : » «Դուն չես կրնար ,» ըստ Քրիսթիի , «Հրաման կու տա՞ս որ ես տանիմ եւ շրջեցունեմ : »

Թրէֆի սկսաւ խորհել : Մէկ կողմանէ կը վախնար ուրիշի յանձնել նուագարանը թէ գուցէ աւրուելք . միւս կողմանէ կը տեսնէր իւր մեծ կարօտութիւնը , ուստի ըստ Քրիսթիի , «Վաղիւ գուն շրջեցուր նուագարանը , բայց զգուշութեամբ եւ մեծ խնամով որ չվկասես : »

«Այո՛ , տէր , ամէն հոգ կը տանիմ ,» ըստ պատանին , «Եւ վաղիւ երեկոյին անվաս կը յանձնեմ քեզ նուագարանը : »

Առաւօտուն կանուխ ելաւ Քրիսթի , լուաց երեսը , սանտրեց մազերը , եւ երբ պատրաստ էր երթալ , տեսաւ զթրէֆի ի քուն , մինչ թռչունք սկսած էին երգել , եւ ամէն մարդ կ'երթար իւր գործին :

Քրիսթի տեսնելով թէ ծերունին յերկարեց բունը , մեզմով դպաւ կողին : «Ծերունին արթննալով ըստ , «Քրիսթի , սրդեակ իմ , ի՞նչ է : » «Առաւօտ եղաւ , տէր ,» ըստ Քրիսթի , «ի՞նչալէս կը կոմիս , երթամու : » «Այո՛ , գնա՛ ,» ըստ Թրէֆի , «Բայց արագ մի դարձուներ նուագարանը , քանզի կը վնասուի : » «Ոչ տէր ,» ըստ Քրիսթի , «այնպէս կը դարձունեմ ինչպէս դուն ստվոր ես դարձունել : » «Բըրիսթի ,» ըստ ծերը , «փողոցի անառակ տղացոց հետ մի խօսիր . եթէ նոր եղանակ խնդրեն , մի անսար անոնց : »

«Շատ բարի , տէր ,» ըստ Քրիսթի , «չեմ անսար : »

«Հիմա նոր եղանակ մը հնարուած է , Մարսէյեէզ անուն ,» ըստ ծերը , «չեմ գիտեր սակայն թէ ինչ է , կը կարծեմ թէ ծոյլ զինուորի մը վրայ է : Տղայք շատ անգամ կ'ուզեն լսել այս եղանակը . բայց ականջ մի դներ անոնց : »

«Շատ աղէկ , շատ աղէկ , մնաս բարեաւ ,» ըստ Քրիսթի , եւ ելաւ գուրս :

Երբ Քրիսթի փողոց ելաւ նուագարանաւ , դատարկ տղայք անոր ետեւէն երթալով կը նեղէին զնա ըսելով , «Այսինչ կամ այն ինչ եղանակը կ'ուզենք լսել ,» բայց Քրիսթի ականջ չդնելով անոնց , կ'երթար թաղէ թաղ , հնչեցունելով նուագարանը : Եւ թէպէտ սենեկին մէջ շատ անգամ փորձած էր հնչեցունել նուագարանը , տեսաւ սակայն որ փողոցները հնչեցունել զայն շատ տարբեր էր : Քրիսթի ստէպ կը կրկնէր նուագարանին չորս եղանակները , եւ երբ կարգը կու գար եղանակին , Ո՛հայրենիք , քաղցր հայրենիք , կը յիշէր նա իւր մայրը եւ անոր երգելը , եւ շատ կը յուզուէր : «Հիմա մայրս ո՞ւր է , քաղցր հայրենիքն ո՞ւր է ,» կ'լսէր մոռէն , եւ կը բաղձար , եթէ հնար էր , փնտուել եւ գանել այն հայրենիքը :

Այն օր ի զուր չաշխատեցաւ Քրիսթի . ողորմած անձինք տեսնելով անոր փոյթը , կուտային մէն մի քսան փողոց : Երբ երեկոյ եղաւ , Քրիսթի քիչ մը ուտեկիք զնելով դարձաւ սենեակ ծերունոյն քով : Երբ տեսաւ Թրէֆի թէ նուագարանն անվաս հասաւ ձեռքը , եւ թէ Քրիսթի ուրախ էր , ինքն եւս

ուրսխացաւ : Եւ մինչ Քրիսթի կը պատրաստէր թէ-
յը , ծերունին ուրախութենէն առաւ նուագարանը
եւ սկսաւ հնչեցունել այն չըսր եղանակները , եւ
երբ կու գար կարգը Քրիսթիի սիրելի եղանակին ,
Ո՛ հայրենիք , քա՛զցր հայրենիք , կը դարձունէր
նուագարանը մեղմով եւ յուզեալ սրտիւ :

Գ Լ Ո Ւ Խ Ե Ր Ր Ո Ր Դ

Թ Ե Ր Ե Ւ Ս Ա Մ Ի Ս Մ Ը Կ' Ա Պ Ր Ի

Թրէֆի չկրցաւ առողջանալ , ուստի Քրիսթի
կ'երթար ամէն օր նուագարանով , բայց գործը չեղաւ
ամէն օր այնպէս յաջող , ինչպէս էր առաջին օրը :
Մերթ ձիւն կը տեղար , մերթ անձրեւ , կամ սաս-
տիկ հով կը փչէր . եւ շատ անդամ մէգ կամ մա-
սախուղ այնպէս կը պատէին փաղոցները , որ ինքն
անդամ կը ձանձրանար երբեմն նուագարանին
ձայնէն : Բայց առանց գանդատանաց բոլոր ձմեռը
տարաւ այն ծանր աշխատութեան : Երբ ձմեռն ան-
ցաւ եւ հասան գարնան զուարթ օրերը , Քրիսթի եր-
թալով քաղաքին արուարձանաց պարաէզները , կը
հնչեցունէր նուագարանը , եւ կը շահէր քիչ մը ստակ :

Գարնան տաք օր մը մինչ պատանին նուագարա-
նով կ'երթար արուարձան մը , շատ յսդնելով կեցաւ
գեղեցիկ տան մը տաջեւ : Այն տան առջեւ կար
պարտէզ մը գարնան ծաղիկներով այնպէս գեղե-
ցիկ զարդարուած , որ կը գրաւէր անցորդներուն

մտադրութիւնը : Քրիսթի սկսաւ հոն հնչեցունել
նուագարանը : Այն ինչ երկու կամ երեք անգամ
դարձուցած էր նուագարանը , երկու զուարթ-երես
տղայք դուրս հանելով պատուհանէն իրենց գլուխը
սկսան ունեն դնել նուագարանին : Տղայսց մին էր
հնզամեայ աղջիկ մը , Մէյլը անուն , միւսը՝ Զարլի
անուն , անոր եղացյը :

«Տես , Զարլի ,» ըսաւ Մէյլը իւր եղբօրը , «ի՞նչ
գեղեցիկ կը նուագէ !»

«Այս՛ ,» ըսաւ Զարլի , «շատ գեղեցիկ կը նուա-
գէ , մանաւանդ եղանակն ի՞նչ քաղցր է !»

Քրիսթի հնչեցաց կարգաւ առաջին երեք եղա-
նակները , եւ երբ կարգը եկաւ չորրորդին որ էր
եղանակ երդին , «Ո՛ հայրենիք , քա՛զցր հայրե-
նիք ,» տղայք սկսան երգել նուագարանին հետ ,
«Ո՛ հայրենիք , քաղցր հայրենիք ,»

«Զկայ նմանդ , ո՞ հայրենիք !»

Որբ պատանին՝ Քրիսթի , հիացմամբ կը նայէր ա-
նոնց : Հասկցաւ թէ անոնք գիտէին փորձով թէ ո՛ր-
շափ քաղցր է մարդուս իւր հայրենի տունը , եւ
կ'ըսէր մաքէն սրտառուչ , «Ծնդէ՞ր չունիմ ես հայ-
րենի տուն , եւ չեմ վայելեր ընտանեկան քաղց-
րութիւն » Այս միջոցին տղայք գացին ներս , եւ
առնլով իրենց մօրմէն նուագածու պատանւոյն հա-
մար երկու քսան փողոց , նետեցին պատուհանէն
դուրս պարտէզը : Քրիսթի բացաւ մեղմով պար-
տիզին դուրս եւ ներս մտաւ առնուլ ստակը ,
բայց չգտաւ , քանզի քսաննոցները պարտիզին
ձիւնածաղկանց մէջ ինկած էին : Տղայք տեսնելով
թէ Քրիսթի չկրցաւ գտնել ստակը , վաղելով գացին

պարտէզ, եւ գտնելով ստակները տուին անոր ։ Քրիսթի հանելով գլխարկը չնորհակալ եղաւ անոնց, եւ նայելով պարտիզին գեղեցիկ ծաղիկներուն, «ի՞նչ գեղեցիկ ծաղիկներ ունիք, օրիորդ» ըստ աղջկան։

«Կ'ուզե՞ս որ գեղեցիկ ծաղիկ մը տամ քեզ,» ըստ աղջիկը։

«Շնորհակալութեամբ կ'ընդունիմ,» ըստ Քրիսթի Մէյլըլ իսկոյն վազեց ներս հրաման առնուլ մօրմէն, եւ գալով ըստ Քրիսթի, «Մօրս հարցուցի, կրնամ տալ քեզ չորս ծաղիկ անոնցմէ որ աւելի հաճոյ են գեղ. ընտրէ ուրեմն։»

Դիւրին չէր Քրիսթիի այս ընտրութիւնն ընել այնչափ ծաղկանց մէջ, որ զիրար կը գերազանցէին գեղով բայց զիրադ եւ իցէ ընտրեց չորս հատ, եւ Մէյլըլ քաղելով զանոնք, կատեց եւ տուաւ Քրիսթի։

«Մայրս անգամ մը տուաւ ինձ այսպիսի գեղեցիկ ծաղիկներ,» ըստ Քրիսթի, մինչ կ'առնուր փունջն աղջկան ձեռքէն։

«Ուրիշ անգամ չիտար,» հարցուց Մէյլըլ։

«Ոչ. ի՞նչչէս կրնայ տալ. մեռած է մայրս,» ըստ Քրիսթի հառաջելով։

«Թշուառ պատանի,» գոչեց Մէյլըլ. յետոյ եղորը դառնալով ըստ անոր ականջէն, «Հարցուր թէ ի՞նչ է անունը»

Զարլի չուզեց հարցունել, եւ Մէյլըլ դարձեալ ստիլեց զնա: Զարլի կարմրելով ըստ Քրիսթի, «Անունդ ի՞նչ է,» եւ Քրիսթի ըստ իւր անունը, եւ ապա շալկելով նուագարանը՝ մեկնեցաւ Մինչ Քը-

րիսթի կ'երթար, Մէյլըլ եւ Զարլի կ'աղաղակէին, «Քրիսթի, դարձեալ եկու, օր մը դարձեալ եկու, բայց մի յապաղեր»

Քանի մը օր ետքը դարձեալ Քրիսթի եկաւ, եւ կենալով տանն առնեւ, կը հնչեցունէր նուագարանը, բայց ոչ ոք երեւեցաւ: Մէյլըլ եւ Զարլի սպասուր աղջկան հետ գուրս ելած էին: Այս անգամ Քրիսթի հետ խօսող եւ ծաղիկ տուող չեղաւ անոր։

Գանք թրէֆիի: Այս թշուառ ծերունին դեռ անկազինն էր: Գիշեր ցորեկ տուաստաղին տակ պառկած մնալով սկսու նեղարտել, եւ նեղարտութենէն եղաւ գժգոհ եւ դիրացասումն: Օր մը որ Քրիսթի քիչ ստակ բերած էր, թրէֆի ըստ անոր բարկութեամբ, «Երանի՛ թէ առողջ ըլլացի, եւ ես շրջեցունէի նուագարանն ինչպէս առաջ»

Բայց Քրիսթի որ շատ կը սիրէր զթրէֆի՝ չվշտացաւ անոր խօսքէն, եւ արդարեւ, յորմէ հետէ մեռած էր մայրը, թշուառ տղան քան զթրէֆի լաւագոյն բարեկամ մը գտած չէր յաշխարհի: Մէրը կը համբերէ, կը զիմանայ ամէն բանի. ուստի Քրիսթի փոխանակ վշտանալու, կ'ըսէր մանաւանդ մտքէն, «Երանի՛ թէ գտնուէր մարդ մը որ յոյս տար այս ծերունոյն եւ միմիթարէր զնա:» Դիշեր մը հարցուց անոր Քրիսթի, «Հայրիկ, բժիշկ բերե՞մ քեզ:»

«Ոչ, ոչ,» ըստ թրէֆի, «թո՛ղ զիս իմցաւովս»

Բայց Քրիսթի դիւրաւ չէր փոխուեր, երբ բան մը ընել կ'որոշէր, ուստի միտքը դրաւ բժիշկ մը բերել: կը խորհէր մանաւանդ թէ բոլորովին անոր եւ անտերունչ պիտի մնար յաշխարհի, թէ թրէֆի մեռ-

նէր : Անոր այս կասկածն աւելի կը զօրանար , մինչ կը տեսնէր զթրէֆի օր քան զօր աւելի հալած , դեղնած եւ տկարացած :

Տանուտէր տիկինը սանդղին վրայ լինուրվ կոտրած էր բազուկը , ուստի բժիշկ մը դարմանելու համար զնա այցելութիւն կ'ընէր անոր երբեմն : Քրիսթի խորհեցաւ թէ հնար էր արդեօք համոզել բժիշկը քանի մը աստիճան աւելի ելել եւ նայել զթրէֆի : Այս խորհրդով գրեթէ չքնացաւ այն գիշեր : Մերթ կ'ելլէր լուսնին լուսավ եւ կու գտր թրէֆիի քով , եւ տեսնելով անոր գէմքը դեղնած եւ հիւծած եւ երեսին սակրները ցցուած , կ'ըսէր սրտառուչ , «Բա՛րէ , վախնամ թրէֆի եւս մօրս պէս պիտի թողու զիս մինակ եւ երթայ : »

Յաջորդ օրը որոշեց սպասել գալստեան բժշկին : Թրէֆի տեսնելով թէ Քրիսթի կը յազաղէր երթալ նուազարանով , ինչպէս սովոր էր ամէն օր , կարծեց թէ պատանին առ ծուլութեան կը գանդաղէր , բայց Քրիսթի որոշած էր չերթալ տունէն առանց տեսնելու բժիշկը որ զիտէր թէ պիտի գար այն օր , ուստի կը զիտէր անոր գալստար , եւ երբ բժիշկը եկաւ եւ մտաւ տանուտէր տիկնոջ սենեակը , Քրիսթի զնաց կեցաւ դուրսը սենեկին առջեւ : Բժիշկը հիւանդը տեսնելէն եաքը ելաւ դուրս , եւ մինչ աճտափարելով կ'իջնէր վար , լսեց ետեւէն ձայն մը , «Տէ՛ր բժիշկ , տէ՛ր բժիշկ : » Երբ դառնալով տեսաւ զՔրիսթի , հարցուց անոր , «Ի՞նչ է , որդեակ : »

«Կ'աղաքնեմ , տէր իմ , » ըսաւ Քրիսթի , «կը կամի՞ք ելլել վերի յարկը եւ տեսնել ծերունին թրէֆի որ ծանր հիւանդ է : »

«Ո՞վ է այդ ծերունին » հարցուց բժիշկը : «Իմ տէրս է , » ըսաւ Քրիսթի , «որ կը խնամէ զիս , կամ թէ ըսեմ , զոր կը խնամեմ ես : »

Բժիշկը այս խոսքէն բան մը չհասկցաւ , բայց դարձաւ , եւ մինչ կ'ելլէր սանդղէն , հարցուց , «Ի՞նչ է հիւանդութիւնը : »

«Ճիշդ այս կ'ուզեմ գիտնալ եւ ես , » ըսաւ Քրիսթի : Այս ըսելով եւ քան զբժիշկը կանխելով մոտաւ սենեակը , ու ըսաւ թրէֆիի , «Բժիշկ մը կու գոյ տեսնել գեեղ : » Այս լուրը թէպէտ անակնալ էր թրէֆիի համար , չընդդիմացաւ սակայն , եւ թոյլ տուաւ բժշկին իւր քննութիւններն ընել :

Բժիշկը զգուշութեամբ քննեց զթրէֆի , եւ խոստացաւ գեղզրկել անոր , եւ հարկաւոր պատուէրները տալէն ետքը , իջաւ սանդղէն վար , եւ մինչ կը մոնէր կառքը՝ որ դրան առջեւ կը սպասէր անոր , Քրիսթի վազելով եկաւ եւ հարցուց , «Կ'աղաքնեմ , տէր , համեցէք ըսել ո՞րշափի :

«Ի՞նչ որչափ » ըսաւ բժիշկը :

«Կ'ուզէի գիտնալ թէ ո՞րչափ պարտական եմ ձեզ այս մեծ չնորհաց համար զոր ըրիք մեզ . » Եւ հանելով գրասնէն քանի մը դրամ՝ ըսաւ , «Առ այժմ այստի միայն ունիմ , տէր . մնացածը կը խոստանամ վաղիւ բերել ձեր տունը : »

Բժիշկը ժամելով ըսաւ , «Այդ դրամները պահէ , պէտք պիտի ունենաս անոնց , ես ստակ չեմ ուզեր . » Նաեւ խոստացաւ վեր ելլել տեսնել ծերունին , երբ այցելութիւն ընէր տանուտէր տիկնոջ :

Քրիսթի կրկին եւ կրկին չնորհակալ ըլլուրէն ետքը բժշկին , հարցուցանոնք , աՏէք , կ'ինչ կը խորհրդ մեր հիւանդին վրայ : »

«Թթերեւս ամիս մը կ'ապրի» ըստու բժիշկը , եւ մեկնեցաւ : Քրիսթի տրտութեամբ վեր ելլելով սանդուղներէն , «Աւա՛ղ» , կ'ըսէր մտքէն , «ամիս մը թերեւս կրնայ ապրիլ Թրէֆի , ի՞նչ պիտի ըլլամ այնուհետեւ ես . մայրու գնաց , Թրէֆի եւս կ'երթայ , ոչ բարեկամ ունիմ , ոչ ազգական , բնակարան անդամ չունիմ . ի՞նչ պիտի ընեմ : »

Երբ Քրիսթի սենեակէն ներս մտաւ , Թրէֆի հարցուց , «Որդեակ իմ Քրիսթի , ինձի համար ի՞նչ ըստու բժիշկը : »

«Բժիշկը կ'ըսէ քեզի համար թէ ամսուան մը կեանք ունիս , » ըստու Քրիսթի , եւ սկսաւ կական բառնալով լալ :

Երբ Թրէֆի այս լուրն առաւ , լուս կեցաւ . արդարեւ ծանր էր տարտոք մարդուն լսել թէ ամիս մը միայն պիտի ապրէր :

Ամսէ մը ետքը թողլով իւր սենեակը , զՔրիսթի եւ հնացեալ նուագարանն՝ պիտի երթար , բայց չէր զիտեր ո՛ւր : Ստուգիւ ծանրութեամբ խորհելու կարեւոր խնդիր էր այս , բոլորովին նոր Թրէֆիի համար , որ մինչեւ այն օր թերեւս խորհած չէր թէ այնպէս շուտ կլնար ելլել աշխարհէս , եւ ոչ թէ ո՛ւր պիտի երթար եւ ի՞նչ պիտի ըլլար իւր բաժինը :

Թրէֆի այն բոլոր օրը գրեթէ լուս անցուց , շատ քիչ խօսեցաւ , բայց մտքէն կ'ըսէր ստէպ , «Ամիս մը ետքը ի՞նչ պիտի ըլլամ , ո՞ւր պիտի երթամ : »

Նոյնպէս Քրիսթի խոռվեալ եւ շատ տրտում ըլլալով , այն օրը չելաւ գուրս սենեակէն , եւ հոգ կը տանէր ծերունայն , բայց ինչ որ ընէր , ո՞ր զի դառնար , աս խօսքը կը հնչէր ականջին , «Ամիս մը թերեւս ապրի : »

Այսպէս երեկոյ եղաւ եւ մութը հասաւ , բայց սենեկին մէջ ուրիշ լցո չկար բաց յաջոտ լուսոյ կրակին որ կը վառէր կրակարանին մէջ : Մինչ այսպէս կը նստէին լուռ , Թրէֆի որոյ խորհուրդները շատ յուզուած էին , լսաւ , «Որդեակ իմ Քրիսթի , ես ո՞ւր պիտի երթամ ամիս մը ետքը , ի՞նչ պիտի ըլլամ : »

«Մայրա , » ըստու Քրիսթի , «կը խօսէր արքայութեան մը վրայ , եւ ստէպ կ'ըսէր , 'Հայրենիքս կ'երթամ , հայրենիքս , եւ գրեթէ մինչեւ վերջին շունչը կ'երգէր 'Ո հայրենիք , քա՛զզր հայրենիք . ' այսպիսի խորհուրդներով աւանդեց հոգին : Կարծեմ մայրս երկնից համար կ'ըսէր 'Բաղցր հայրենիք .' Եթէ ճշմարիտ էր անոր կարծիքը , շատ գեղեցիկ , հրաշալի տեղ է երկինք :

«Թերեւս այսպէս է , » ըստու Թրէֆի , «բայց կը վախնամ թէ ես օտար պիտի երեւամ հոն , լքանզի այն տեղւոյն վրայ բոլորովին տգէտ եմ : »

«Նոյնաէս ես , » ըստու Քրիսթի :

«Մանաւանդ ոչ զոք կը ճանչնամ հոն , ո յարեց Թրէֆի . «ոչ դուն հոն պիտի ըլլաս եւ ոչ ուրիշ ծանօթ մը , նաեւ այս սիրական նուագարանս պիտի թողլում հոս . չեմ կրնար հետս տանել զայն եւ չեմ զիտեր թէ ասոր նման նուագարան մը պիտի զըտնեմմ հոն :

«Ոչ , պատասխանեց Քրիսթի , «մայրս այսպիսի նուագարանի վրայ խօսած չէ երբէք . երբեմն կ'ըսէր միայն թէ քնար կը հարկանեն երկինքը :

«Ես , » ըստու Թրէֆի , «ընարէ չեմ ախորժիր , ուստի չեմ զիտեր թէ հոն ինչպէս ժամանակ պիտի անցունեմ : »

Քրիսթի լոեց, քանզի չունէր պատասխան :

Անատեն ծերունին, «Քրիսթի, որդեակ,» ըստ, այն տեղւոյն վրայ տեղեկութիւն ունեցողներուն հարցու եւ լուր բեր ինձ, որ երբ հոն երթամ, բոլորովին օտար չգտնուիմ. մայրդ ստուգիւ «Քաղցր հայրենիք» կը համարէր երկինք :»

«Այս՝ ըստ Քրիսթի. «տարակոյս չոնիմ թէ մայրս երկնից համար կ'ըսէր «հայրենիք :»

Թրէֆի դարձեալ մեծ փափաքով ըստ, «Քրիսթի, որդեակ իմ, դուն այն հայրենեաց վրայ հարցու եւ քաջ տեղեկացիր, քանզի ես ամսուան մը կեանք ունիմ ։»

«Շատ բարի, տէր, » ըստ Քրիսթի, «կը ջանամ ըստ կարի լու տեղեկութիւն առնուլ» եւ արդարեւ ըրաւ Քրիսթի ինչպէս որ խոստացաւ :

ԳԼՈՒԽ ԶՈՐՈՐԻ

ՄԵՅՊԸ ԱՌԱՋԻՆ ԱՆԳԱՄ ՆՈՒԱԳԱՐԱՆ ԿԸ ՀԱԳԵՑՈՒԻՆ

Յաջորդ օրը Քրիսթի առնլով նուագարանը ելաւ փողոց . եւ որովհետեւ շատ տխուր էր, որոշեց քաղաքին արուարձանները պատիլ եւ երթալ դէպ այն մեծ տունը, որոյ դրան առջեւ յառաջագոյն հնչեցուցած էր նուագարանը : Քրիսթի որոշեց հոն երթալ, քանզի կը յուսար գտնել հոն այն երկու փոքր տղայք զորս տեսած էր առաջին անգամ, եւ

խօսելով անոնց հետ մեղմել գոնէ քիչ մը իւր տրամութիւնը : Քրիսթիի խորհուրդն յաջողեցաւ այս անգամ : Այն մեծ տան առջեւ համելով սկսաւ հնչեցունել նուագարանը, եւ այն ինչ երկու անգամ դարձուցած էր արկղին գաստակը, Մէյլըլ եւ Զարլի վաղելով եկան կեցան անոր քով :

Զարլի ըստ իւր քրոջ ականջէն, «Մէյլըլ, տես, ի՞նչ գեղեցիկ կը դարձունէ նուագարանին գաստակը :»

«Այս՝ շատ գեղեցիկ,» ըստ Մէյլըլ, «կ'երեւի թէ վարժած է երկար փորձով. երանի՛ թէ եւ ես ունենայի նուագարան մը եւ այսպէս դարձունէի :» Զայս ըսելով կը նայէր Քրիսթի երեսը :

«Օրիորդ, » ըստ Քրիսթի, «կը բաղձա՞ս դարձունել նուագարանը :»

«Այս՝ շատ կը բաղձամ, » ըստ Մէյլըլ, եւ սկսաւ դարձունել, բայց գեռ տղայ ըլլալով մեծ զժուարութեամբ եւ ծանր կը դարձունէր, այնպէս որ հազիւ կը լսուէր նուագարանին ձայնը : Տղոց մայրը նուագարանին ձայնին այսպէս յանկարծ նուա- զելէն կարծելով թէ վնասուեցաւ նուագարանը, ե- կաւ պատուհանին առջեւ :

Մէյլըլ տեսնելով թէ մայրը պատուհանին կը նայէր, սկսաւ ջանալ աւելի ուժով դարձունել նուագարանին բազուկը: Նուագարանն, ինչպէս ար- դէն ըստեցաւ, ունէր չորս եղանակ միայն որ կար- գաւ կը նուագուէին: Երբ Մէյլըլ սկսաւ դարձու- նել նուագարանը, նուագուած եղանակէն չախոր- ժեցաւ, ուստի տալով նուագարանը Քրիսթիի, ը- ստ, «կ'աղաջեմ, փոխէ այս եղանակը, մայրս կը միրէ Ո՛ հայրենիք երդին եղանակը :»

Քրիսթի արագ արագ դարձուց նուագարանը , եւ երբ սկսաւ Ո՛հայրենիք , քաղցր հայրենիք երգին եղանակը , նուագարանը տուաւ Մէյպլի , եւ Մէյպլ սկսաւ դարձեալ ծանր ծանր դարձունել , ինչ-պէս առաջ , մինչեւ եղանակին վերջը , եւ տուու նուագարանը Քրիսթի՝ ըսելով , «Ես շատ կը սիրեմ այս եղանակը : »

«Նոյնպէս ես , » ըսաւ Քրիսթի , եւ յանկարծ յշելով խոստումը զոր ըրած էր Թրէֆիի , հարցուց Մէյպլի , «Օրիորդ , կրնա՞ք ըսել ինձ ո՞ւր է այս քաղցր հայրենիքը : »

«Իմ քաղցր հայրենիքս այս է , » ըսաւ Մէյպլ , մատամիք ցուցնելով իրենց տունը . «ո՞ւր է քուկդ : »

«Ես հայրենի տուն չունիմ , » պատասխանեց Քրիսթի , «առ այժմ Թրէֆի անուն ծերունայ մը հետ կը բնակիմ հին տան մը վերնայարկն առաստաղին տակ , եւ ամիս մը ետքը պիտի կորսնցունեմ նաեւ այս բնակարանը , այնպէս որ գիշերները պառկելու տեղ անդամ պիտի չունենամ : » Յետոյ դարձեալ հարցուց Մէյպլի , «Օրիորդ , չկա՞յ արդեօք ուրիշ հայրենի բնակարան . ո՞ւր է այն տեղը որ կը կոչուի արքայութիւն . ինչպիսի՞ տեղ է այն , այն է արդեօք մեր հայրենի բնակարանը : »

«Այս , » ըսաւ Մէյպլ մեծ ուրախութեամբ , «երկնից արքայութեան մէջ կայ երջանիկ բնակարան ամենուս համար , անտարակոյս նաեւ քեզի համար : »

«Արքայութիւնն ո՞ւր է , » հարցուց Քրիսթի : Մէյպլ մատամիք ցուցնելով երկինքը , «Ահա , » ըսաւ , «այդ բարձր տեղը զոր կը տեսնես , հոն է

արքայութիւնը . հոն են նաեւ այն փոքրիկ լուսաւոր գունսերը զորս աստղ կ'անուանենք . ես առաջ կը կարծէի թէ անոնք հրեշտակաց աչուըներն են , բայց մեր սպասուհին կ'ըսէ թէ սխալ է այս կարծիքը : »

«Ես շատ կը սիրեմ աստղերն , » ըսաւ Քրիսթի , «երբ կը նայիմ անոնց , կ'ուրախանամ եւ կը բերկում : »

«Նոյնպէս ես , » ըսաւ Մէյպլ , «եւ դուն , Քրիսթի , երբ երթաս արքայութիւն , պիտի տեսնես հոն քան զաստեղս աւելի փառաւոր բաներ : »

«Կ'աղաքեմ , օրիորդ , համեցէք ըսել ինձ , » ո՞ր տեղւոյ կը նմանի արքայութիւնը : »

«Ճշդիւ նկարագրել զայն շատ դժուարին է , » ըսաւ Մէյպլ , «անհամեմատ գեղեցիկ եւ սքանչելի տեղ է այն . անոր բնակիչները կը հագնին սպիտակ հանդերձներ բեկեղէ . հոն վիզոցներն սոկով զարդարուած են . բայց որ աւելի սքանչելին է , հոն է թիսու : Զե՞ս բաղձար տեսնել զթիսու , Քրիսթի , չե՞ս սիրեր զնա : »

Քրիսթի շփոթեցաւ «Ինչպէս կրնամ , » ըսաւ , «սիրել զթիսու , որոյ վրայ շատ քիչ տեղեկութիւն ունիմ : »

«Ի՞նչ , » ըսաւ Մէյպլ լալով , «ուրեմն չե՞ս սիրեր զթիսու : »

«Արդէն լսի քեզ , օրիորդ , » ըսաւ Քրիսթի , «շատ քիչ տեղեկութիւն ունիմ թիսուի վրայ , ի՞նչ-պէս կրնամսիրել զնա : »

«Եղո՞ւկ , » գուեց Մէյպլ , դառն արտասուք թափելով , «եթէ չես սիրեր զթիսու , չես կրնար

երթալ արքայութիւն, ուստի եւ չունիս բնակարան
վերին հայրենեաց մէջ :

Մինչ Մէյլըլ եւ Քրիսթի այսպէս կը խօսէին,
զանգակ զարնուեցաւ, քանզի ճաշու ժամանակ
էր : Մէյլըլ աչուները սրբելով գնաց ներս, եւ
Քրիսթի գնաց իւր ճամբան խորհելով փոքրիկ աղջ-
կան սա խօսքին վրայ, «Եթէ չես սիրեր զթիսուս,
չես կրնար երթալ արքայութիւն, » եւ անոր այն-
պէս դառն արտասուելուն վրայ : Այսպէս խորհե-
լով կ'երթար Քրիսթի տրտմութեամբ եւ խոռվ-
եալ մտօք : Կը ցաւէր մանաւանդ որ, եթէ արքա-
յութիւն չերթար, զրկուած ալիսի մնար իւր մայրը
տեսնելու միմիթարսութենէն, եւ կ'ըսէր մտքէն,
Արդեօք Թրէֆի սիտի կրնայ երթալ արքայու-
թիւն, կը սիրէ՞ զթիսուս : Յիշած չէ երթէք անոր
անունը : Ողորմելի՞ ծեր, ամիս մը միայն կեանք
ունի, այնուհետեւ ո՞ւր պիտի ըլլայ, ի՞նչ պիտի
ըլլայ վիճակը :

Նուագարանին ծանրութիւնը եւ այս տխուր
խորհուրդներն այնպէս յոդնեցուցին զբրիսթի, որ
ճամբան գրեթէ նուազելով՝ գնաց նստաւ տան մը
դրան ասափիճաններուն վրայ : Հոն ըստ պատահ-
ման երկու կանայք իրարու հանդիպելով սկսան
խօսել, եւ Քրիսթի միտ կը գնէր անոնց խօսքին :

«Սա նոր չէնքն ինչ է, » հարցուց կանանց մին
ընկերին :

«Մեր նոր աղօթարանն է, » ըստ միւսը. «Հոս նոր-
ընծայ քարոզիչ մը ամէն կիրակի երեկոյ կու գայ
քարոզել, ես շատ կը սիրեմ այս անձին քարոզները,
եւ անոնք շատ կ'ազդեն ինձ :

«Ի՞նչ նիւթի վրայ կը քարոզէ, » հարցուց դար-
ձեալ միւս կինը :

«Արքայութեան եւ հոն տանող ճամբուն վրայ, » ըստ
ընկերը, «նուեւ Յիսուսի, մեղաւորաց Փրկչին,
վրայ, եւ ուրիշ շատ օգտակար եւ կարեւոր բանե-
րու վրայ : Շատ բարի մարդ է : Մօտերս լսելով թէ
որդիս Թօմի հիւանդ էր, եկաւ տեսնել : »

«Ուրեմն,» ըստ կինը, «վազիւ երթամ լսել անոր
քարոզը : Պաշտօնը ե՞րբ կը սկսի : »

«Երեկոյեան եօթներորդ ժամուն, » ըստ միւսը .
«Հանդերձիդ համար հոգ մի ըներ, հոն մեզի պէս
աղքատներ կու գան : »

«Շատ աղէկ, վազիւ երեկոյին կ'երթամ, » ըստ
միւս կինը, եւ գնաց :

Կանանց այս խօսակցութենէն շատ օգտեցաւ Քը-
րիսթի, եւ որոշեց յաջորդ կիրակին երթալ այն ե-
կեկցին եօթներորդ ժամուն :

«Թերեւս, » կ'ըսէր մտքէն, «կրնամ արքայու-
թեան եւ Յիսուսի վրայ աղէկ աեղեկութիւններ
տան Թրէֆիի, քանզի ահա ամսուն մէկ օրը գնաց : »

Այն գիշեր Քրիսթի սկսաւ խօսել ծերունոյն այս-
պէս . «Թրէֆի, հայրիկ, կը սիրե՞ս զթիսուս : »

«Զթիսուս, » ըստ Թրէֆի . «ոչ . չեմ կրնար ը-
ոել թէ կը սիրեմ, թէպէտ պէտք է սիրել զնա,
այնպէս չէ՞ Քրիսթի : »

«Թրէֆի, հայրիկ, » ըստ Քրիսթի յարգութեամբ,
բայց լուրջ կերպով . «Եթէ չես սիրեր զթիսուս, չես
կրնար երթալ արքայութիւն եւ տեսնել վերին հայ-
րենիքը, քաջոր հայրենիքը : »

«Այնպէս է, որդեակ, » ըստ Թրէֆի, «չտակ

ըսիր, այս է իմ երկիւլս : Այսպիսի խրատներ յա-
ճախ կը լսէի պատանեկութեանս ատենը, բայց
չնչին բան կը համարէի . հիմա այս հիւանդութեանս
ատենը սկսայ այդպիսի բաներու վրայ խորհել, բայց
մոռցած եմ այն խրատները, քանի մը բան միայն
կը յիշեմ վեր ի վերոյ : Ստուգիւ, Քրիսթի, վիճակս
շատ գէշ է, շատ գէշ :

ԳԼՈՒԽ ՀԻՆԳԵՐՈՐԴ

ԵՐԿՆԱՅԻՆ ՔԱՂԱՔԻ ՈՒՐ ՈՉ ՄԵԼՔ ԿԸ ՄՏՆԷ ԵՒ ՈՉ ՄԵՂԱԿՈՐ

Այն օր օդը ծանր եւ նեղացուցիչ էր, մանաւանդ
գիշերը : Քրիսթի կանուխ մտաւ անկողին, բայց
խորհուրդները չին թողուր նմա փակել աշուշները:
Երկար ատեն արթուն մնալէ ետքը, քնացաւ եւ
տեսաւ ահաւոր երազներ, մինչ միրիկ, որոտում
եւ փայլատակունք զարթուցին զնա յանկարծ : Բա-
յր տունը կը շարժէր, եւ փայլատականց լոյն
սահմա ստէպ կը փայլէր սենեկին մէջ : Թրէֆի եւս
ելաւ նստաւ անկողնոյն մէջ տժգոյն, եւ կը դոլար :

Քիչ մը ժամանակ դադրեցաւ փոթորիկը, բայց
յետոյ թանձր խաւար պատեց գարձեալ ամէն կողմ :
կը փայլատակէր եւ կը գոռար ստէպ ստէպ տւելի
ահեղ կերպով քան առաջ, այնպէս որ բոլոր տունը
կը թուէր վար գալ, եւ սենեկին մէջ տու ընջեան
պէս լոյս էր : Թրէֆի սարսափած էր, եւ Քրիսթի
որ բոլոր կենացը մէջ լսած չէր այնպիսի ահեղ ո-
րոտում՝ զարհուրեալ գնաց կծկեցաւ Թրէֆիի ահ-

կողնոյն մօտ : Դարձեալ վարյատակեց, եւ Քրիսթի
տեսնելով որ Թրէֆի սաստիկ կը գոլար իբր տենդէ
բունուած, բայտ, «Թրէֆի, հայրիկ, ի՞նչ եղար,
կը վախնա՞» :

«Այո՛, կը սսոկամ,» ըստւ Թրէֆի, «մինչեւ հիմա
փոթորիկ չի վախնար, բայց այս գիշեր բոլոր ե-
րակներուս մէջ մտաւ երկիւղը :»

Քրիսթի չկրնալավ պատափան տալ մնաց լուռ .
բայց Թրէֆի յառաջ տանելով խօսքը, «Քրիսթի,
որդեակ,» ըստւ, «կը թուի ինձ թէ փայլակն Աս-
տուծոյ տչքն է, եւ որոտումն՝ անոր ձայնը . եւ ո-
րովհետեւ սիրած չեմ զԱստուծ, շտա կը վախ-
նամ թէ . . . :»

Մինչդեռ խօսքը բերանն էր, դարձեալ փայլա-
տակեց եւ որոտաց այնպէս սաստիկ, որ Թրէֆի
սարսեցաւ անկողնոյն մէջ, եւ ապա յառաջ տանե-
լով խօսքը, «Ես,» ըստւ, «այս գիշեր մեռնել չեմ
ուզեր, քանզի եթէ մեռնիմ, թշուառ պիտի ըլլամ
յաւիտեան : Բայց կայծակը տակաւ կը մտենայ
մեզ, Մեղքն ի՞նչ է գիտե՞ս, Քրիսթի :»

«Այո՛,» ըստւ Քրիսթի, «չար գործել, չար եւ
պիտի խորհուրդներ ունենալ, կծու եւ աղսեզի
խօսք լսել, եւ որ ի կարգին : Ասոնք են մեղք,
ոյնպէս չէ՞ :

«Այո՛, այնպէս է :» ըստւ Թրէֆի : «Մեղք է չար
խորհուրդներ ունենալ, եւ ես որակս մէջ կրած եմ
միշտ չար խորհուրդներ . մեղք է աղսեզի խօսք ը-
սել, եւ ես շատ անգտամ ըստած եմ այսպիսի խօս-
քեր, ապա մեղաւոր եմ : Մինչեւ այս գիշեր բոլո-
րովին անփոյթ էի մեղաց վրայ, առ ոչինչ կը հա-
մարէի զայն :»

«Ի՞նչպէս եղաւ որ այս գիշեր սկսար այսպէս խորհել եւ զգալ,» հարցուց Քրիսթի :

«Ահաւոր երազ մը տեսայ, Քրիսթի,» պատասխանեց Թրէֆի :

«Կը խնդրեմ,» ըստ Քրիսթի, «պատմէ երազը, տեսնենք ի՞նչ է.» եւ ծերը սկսաւ պատմել այսպէս.

«Մինչ կը խորհէի այն խօսքին վրայ զոր ըսիրթէ, 'Եթէ չես սիրեր զՅիսուս, չես կրնար երթալ արքայութիւն՝, քնացայ, եւ տեսայ երազ, որպէս թէ կը կենայի ոսկեղջն եւ մարդուտեսոյ գեղեցիկ դրան մը առջեւ, որոյ ճակատը քանդակուած էին ոսկեզօծ գիրեր որ կը վայլէին իրեւ լցոյ : Հեգելով կարդացի գրուածը որ էր այս . 'Ո՛ հայրենիք, քաղցր հայրենիք՝ ' Խսկոյն գոչեցի, 'Ահա գտայ երկնային բնակարանը որուն կը վայիաքէի . Երանիթէ Քրիսթի եւս հոս ըլլար՝ ' Այն միջոցին դուռը բացուեցաւ եւ ոմն դուրս նայելով կը հարցունիր, 'Ո՛վ ծերունի, ի՞նչ կ'ուզես : 'Կ'ուզեմ ներս գալ՝ ' ըսի, վասն զի յոդնած եմ, եւ կը բազմամ հանդշել հոս : ' Երբ զայս լսեց նա, դացեց դուռը, եւ ըստ ներսէն մեղմ ձայնով, 'Հոս ո՛չ մեղք կը մտնէ եւ ո՛չ մեղաւոր՝ ' Խսկոյն հասկցաց թէ ինձի համար էր այն խօսքը, ուստի, իրեւ մեղաւոր եւ անարժան մտնելու հոն, տրտմութեամբ դարձաց ետ : Ճամբան կը տեսնէի որ ամէն զի մութ պատած էր, եւ յանկարծ սկսաւ գուռալ եւ վայլստակել, եւ ես արթնցայ : Քրիսթի, ես այս ահաւոր երազը չեմ կրնար մոռնալ, եւ պիտի չմոռնամ : »

Այն ինչ կատարած էր Թրէֆի իւր պատմութիւնը, դարձեալ սկսաւ որոտալ եւ վայլստակել, եւ

տառապեալ ծերունին դարձեալ սկսաւ դողալ երկիւզէն :

Քրիսթի, որ նոյնպէս շտա կը վախնար, չէր գիտեր ինչպէս միմիթարէր զԹրէֆի, ուստի լուռ կեցաւ վայր մի, եւ ամէն անգամ որ կը վայլատակէր եւ կ'որոտար, աւելի մօտ կ'երթար Թրէֆիի անկողնոյն :

Թիչ մը ետքը անցաւ վոթորիկը, որստումը եւ վայլատակունք դադրեցան, եւ սկսաւ տեղալ անձրեւ այնպէս սաստիկ որ կղմինտրներուն շառաչիւնը կը թնդացունէր առաստաղը : Երբ անձրեւը դադրեցաւ եւ եղաւ խաղաղութիւն, Քրիսթի մտաւ անկողին եւ քնացաւ :

Սուաօտուն ամէն րան փոխուած էր, արեգակը կը շողար եւ թուչունք կ'երգէին : Քրիսթի ելաւ անկողնէն, եւ երբ բացաւ ողատուհանը եւ կը նայէր գուրս, գիշերուան փոթորիկը, վայլակ, որստում, անձրեւ, իրեւ երազ կը թուէին անոր :

Սկսաւ խորհել թէ ի՞նչպէս պիտի սպասէր մինչեւ երեկոյ որ երթար եկեղեցի, վասն զի սպաշտոնը պիտի սկսէր երեկոյեան եօթներորդ ժամունը լստ եւրոպացւոց :

Թրէֆի կ'երեւէր այն օր շատ անհանգիստ եւ շատ տրտմած . եւ որովհետեւ կիրակի էր, Քրիսթի չելաւ դուրս նուագարանով, այլ մնաց տունը եւ կը սպասաւորէր Թրէֆիի : Վերջապէս կը մօտենար եկեղեցի երթալու ժամանակը : Երբ վեցերորդ ժամ եղաւ, Քրիսթի լուաց երեսը եւ պատրաստուեցաւ երթալ :

«Քրիսթի՝,» ըստ Թրէֆի, «զգուշութեամբ միտ

դիր քարոզչին ամէն խօսքին , որպէս զի ետքը
պատմես ինձ : »

«Շատ աղէկ , տէր , » ըստ Քրիսթի , «աղէկ միտ
կը գնեմ . » եւ գնաց : Երբ հոն հաստ , եկեղեցին
գեռ նոր բացուած էր , եւ լուսարարը կը վառէր
ճրագները :

Քրիսթի կասկածելով թէ գուցէ սխալ հասկցած
էր , հարցուց լուսարարին , «Այս երեկոյ հոս քարոզ
պիտի չըլլա՞յ : » «Քարո՞զ լսելու եկար , » ըստ
լուսարարը : «Այս' , » ըստ Քրիսթի : «Ուրեմն , »
ըստ մարդը , «եկու ներս , գեռ ժամանակ կայ քա-
րոզին : » Քրիսթի գնաց ներս եւ նստաւ բեմին դի-
մացը առաջին նստարանին վրայ : Քանի մը րոպէ
ետքը սկսաւ գալ ժողովուրդը , որոց մէջ կային
անձննք ամէն հասակէ եւ ամէն կարգէ , ծերք , ե-
րիտասարդք , արք եւ կանյք , նաեւ տղայք եւ
աղջունք , որ ծանր ծանր կը մտնէին եկեղեցին եւ
կը նստէին նստարաններուն վրայ պարկեշտութեամբ :
Ճիշդ եօթներորդ ժամուն փոքր դուռ մը բացուե-
ցաւ , եւ քարոզիչը գալով ելաւ բեմը եւ նստաւ :
Քրիսթի կը նայէր քարոզչին յառեալ աչօք : Քարո-
զիչը նախ համառօտ աղօթիւք խնդրեց Աստուծոյ
օրհնութիւնը , եւ ապա կարդաց եւ առաջարկեց
երգել ստ հոգեւոր երգը .

Քաղաք մը կայ պայծառ ,
Դուռներն են գոց մեղաց .
Մարդ պիղծ եւ չար ,
Մարդ պիղծ եւ չար ,
Ոչ երբէք հոն զընաց :

Փրկիչ , կու գտմ առ քեզ ,
Ո՛վ գու , Գառն Աստուծոյ ,
Մաքրես , փրկես ,
Մաքրես , փրկես ,
Լուսա զիս արեամբ քո :

Տէր , այժմէն զիս ըրէ
Քեզ սիրելի որդեակ ,
Տէր , զիս պահէ ,
Տէր , զիս պահէ ,
Չըլլամ քեզ խեռ զտւակ :

Ի հանդերձ ձիւնազարդ
Մտնեմ փրկելոց քով .
Ամբիծ , անպարտ ,
Ամբիծ , անպարտ ,
Մընամ հոն ապահով :

Երբ ժողովուրդն սկսաւ երգել , Քրիսթի յուզուե-
ցաւ եւ լցաւ անպատճեմ խնդութեամբ : Կը հիանար
ոչ միայն երգին իմաստին , այլ եւ եղանակին վրայ
որ շատ աղդեց անոր սրտին . սքանչացուց զնա մա-
նաւանդ տիկին մը , որ անոր մօտ նստած կ'երգէր
յատակ եւ քաղցրաձայն :

Երգէն ետքը քարոզիչը բնարան դնելով Յայտ-
նութեան իԱ. 27 համարը , «Հոն բնաւ անմաքրու-
թիւն պիտի չմտնէ , » նկարազրեց նախ երկնային քա-
ղաքը , անոր սոկեղէն փողոցները , մարգարեաց
դուռները , ապա կենաց գետը եւ կենաց ծառերն
աստի եւ անտի գետայն , բնակչաց կատարեալ եր-
ջանկութիւնը , անոնց սպիտակ հանդերձները եւ

սպակները , քաղցր երգերը , եւ անսպառ երանութիւնը : Յետոյ խօսեցաւ այն երկնային բնակութեան վրայ : «Այն գեղեցիկ երկրին մէջ ,» ըստ , «ոչ վիշտ կայ , ոչ հառաջանք , ոչ արտասառք . անոր սակի փողոցներուն մէջ չտեսնուիր յոգնած եւ անօթի մարդ , հոն չկան օդոյ անհարժութիւնք , ոչ սառնասառոյց ձմեռն , եւ ոչ տօթակէզ ամառն , հոն չկայ նաեւ հիւանդութիւն , ոչ մահ , ոչ մեռելոց յուղարկաւորութիւն , ոչ գերեզման : Կռուց եւ խռովութեան աղաղակներ չեն լսուիր հոն , այլ կը թագաւորէ կատարեալ սէր , եւ անվախճան երանութիւն :»

Ապա դառնալով ունկդրաց՝ հարցուց . «Բարեկամք , կ'ուզէք երթալ վերին հայրենեաց այս երջանիկ բնակարանը :»

Ամէնքը միանդամայն վեր նայեցան , եւ այնպիսի հառաջանաց զունջ լսուեցաւ իւրաքանչիւր բերնէ , որ յայտնի էր թէ ցած ձայնիւ կը սատասխանէին «Այս' , այս' :» Նաեւ Քրիսթի կ'ըսէր մտքէն , «Եւ ես կը բաղձամ երթալ , երանի՛ թէ ես եւ թըրէֆի եւս կարենայինք երթալ հոն :»

Քարոզիչն յառաջ տանելով խօսքը , ըստ , «Բարեկամք , ուրախ եմ , ուրախ եմ որ այդպէս ջերմ կը փափաքիք երթալ հոն . բայց պէտք չէ մոռնալ թէ , ՚Հոն բնաւ անմաքրութիւն պիտի չմտնէ : Զար եւ չարագործ չեն կրնար մանել անոր դուռներէն : Եթէ ունենաք մեղաց դոյզն արատ ձեր հոգւոյն վրայ , կամ մի միայն մեղք , չէք կրնար մանել հոն : Եթէ ես բնաւ մեղք գործած չեմ բոլոր կենացս մէջ , եւ մի միայն մեղք գործեմ հոս այս երեկոյ , այն

մեղքը միայն բաւական է արգելու զիս հոն մոռնելէ :»

Յետոյ , հարցուց դարձեալ քարոզիչը . «Այս իրիկուն հոս գտնուողներուն մէջ կայ ոք որ կը համարձակի ըսել , ՚Ես մի անգամ միայն մեղանչած եմ , մի միայն մեղք ունիմ' :» Երբ զայս ըստ քարոզիչը , բոլոր ժողովուրդն սկսաւ հառաջել եւ լոլ :

«Ո՞չ , ոչ ,» ըստ քարոզիչը , «ոչ ոք ի մէջն կը համարձակի ըսել զայս . մեք ամենեքին մեղանչած ենք բազմիցս . եւ իւրաքանչիւր մեղք իրրեւ սեւ արատ կը մնայ մեր ամենուն որտին վրայ :» Երբ Քրիսթի լսեց այս խօսքը , սկսաւ ըսել մոքէն , «Աւազ , եթէ այսպէս է , իմ եւ Թրէֆիի վախճանն ինչ արտի ըլլայ :»

Մնատեն Քրիսթի բերաւ իւր աչաց առջեւ վերնացարկի տխուր սենեակը եւ Թրէֆիի գեղնեալ եւ հիւծեալ դէմքը : «Այս' ,» կ'ըսէր մաքէն , «քարոզին խօսքը կը հաստատէ Մէյալի խօսքը եւ Թրէֆիի երազը . ստուգիւ , ստուգիւ գէշ է մեր վախճանը :» Եթէ Քրիսթի մինչեւ վերջը լուր միտ դնէր քարոզին , բաւական տեղեկութիւն կը ստանար մեղաւորաց Փրկչին , Քրիստոսի վրայ , բայց քարոզին առաջին մասն այնպէս զրաւեց անոր խորհուրդները , որ չկրցաւ միտ դնել վերջին մասին : Քարոզէն ետքը պաշտօնեայն սա ծանուցամն ըրաւ . «Յաջորդ կիրակի երեկոյ ,» ըստ , «ընդարձակ պիտի խօսիմ թէ մարդ . մը որոյ հոգին արատաւորեալ է մեղք , ինչպէս կրնայ մոնել երկնից երանելի բնակարանը :»

Քրիսթի տիսրութեամբ տուն դառնալով՝ գնաց նստաւ ծերունեցն քով , բայց չէր նայեր անոր , դարձուցած էր երեսը վառարանին , եւ սկսաւ խո-

սել այսպէս . «Թրէֆի , երազդ ճիշդ է . այս երեկոյին քարոզը վերին բնակարանին վրայ էր , եւ երգերը որ երգուեցան՝ վերաբերեալ էին անոր : ինչ տարակայս որ ունէի՝ փարատեցաւ . հիմու ստոցդ եմ թէ կայ վերին հայրենիք :

«Եը ինզգրեմ , թրիսթի որդեակ , » ըստւ ծերը , «պատմէ ինձ ինչ որ լսեցիր :

Թրիսթի պատմեց անոր ինչ որ ըստծ էր քարոզիչն այն հայրենեաց վրայ , նկարագրելով զայն իրարեւ շատ գեղեցիկ եւ ցանկալի տեղ : «Եթէ հոն ըլլայիր , » ըստւ թրիսթի , «շատ գոհ եւ ուրախ պիտի ըլլայիր : Բայց քարոզիչն ըստաւ նաևւ թէ , «Հոն քնառ մեղք չմտներ , » եւ այս խօսքը տարգեր բառերով յիշուած էր նաևւ երգին մէջ որ երգուեցաւ :

«Քաղաք մը կայ պայծառ ,
Դուռներն են գոց մեղաց .

Մարդ պիղծ եւ չար ,
Մարդ պիղծ եւ չար ,
Ոչ երբէք հոն գընաց :

Թրէֆի երբ լսեց զայս , «Ուրեմն , » գոչեց , «յոյն չկայ ինձի համար . աւա՛լ , ի՞նչ պիտի ըլլայ վիճակս : » Զայս ըստւ թրէֆի եւ սկսաւ լսւ :

Թրիսթի չէր գիտեր թէ ինչպէս միմիթարէր ծերը , նա մանաւանդ քարոզչին խօսքը յիշելով կ'ըսէր մտքէն . «Արդարեւ յոյս չկայ : » Ուստի առ անձկութեան սրտին կանուիս պառկեցաւ այն գիշեր , եւ կէս գիշերին արթննալով կարծեց թէ ծերունին կը քնառնար , բայց քիչ մը ետքը լսեց որ կ'ըսէր վերայիշեալ երգին այն տունը ,

«Քաղաք մը կայ պայծառ ,
Դուռներն են գոց մեղաց .

Մարդ պիղծ եւ չար ,
Մարդ պիղծ եւ չար ,
Ոչ երբէք հոն գընաց :

Թրէֆի լալով կ'ըսէր այս խօսքերը :

Թրէֆի եւ Թրիսթի կը կարծէին թէ իրենք միայն էին սենեկին մէջ , կար սակայն հոն երրորդ անձ մը , որ կը լսէր Թրէֆիի ողբագին հառաջանքը : Այս անձը քոջ գիտէր Թրէֆիի թշուառութիւնը , եւ պատրաստ էր լնդ հուսու բանալ անոր այն պայծառ քաղաքին դուռները եւ հրաւիրել զնոս սիրով եւ քաջցրութեամբ՝ ըսելով , «Եկու , պատրաստած եմ քեզ օթեւան հանգստեան :

ԳԼՈՒԽ ՎԵՑԵՐՈՐԴ

ՄԻ ՄԻԱՅՆ ՃԱՆԱՊԱՐՀ ՎԵՐԻՆ ՀԱՅՐԵՆԵԱՅ

Այն նօթնեակն անցաւ շատ ծանր : Թրէֆի եւ Թրիսթի անձկութեան եւ վարանաց մէջ էին : Ծերունին սրտին տափնապէն չէր ուզեր բանալ բերանը , միայն երբեմն երբեմն յոգւոց հանելով կ'ըսէր , «Մարդ պիղծ , մարդ չար , ոչ երբէք հոն գընաց . » Եւ նայելով Թրիսթիի՝ կ'ըսէր , «Թրիսթի , որդեակ , վայ ինձ , ինձի համար չկայ յոյս մտնելու վերին հայրենիքը : »

Թրէֆի մոռցած էր տմէն բան , ամէն բան չնշին կը թուէր անոր . իւր սիրելի նուագարանն անգամ :

Քրիսթի նուագարանաւ փողոցները չըջելով երբ երեկոյին կու գար սենեակ , Թրէֆի հպել անգամ չէր ուզեր նուագարանին : Դիշեր մը երբ Քրիսթի սկսաւ հնչեցունել , «Ո՛ հայրենիք , քաղցր հայրենիք» երգին եղանակը , Թրէֆի գոչեց , «Թող , թող այդ եղանակը . ի՞նչ կը յիշեցունես ինձ այն քաղցր հայրենիքը . ինձի համար ոչ քաղցր հայրենիք կայ , ոչ վերին բնակարան , ոչ հանգստեան տեղ : »

Այն էր մանաւանդ ցաւալի որ չկար այս թշուառ հիւանդը միմիթարող բան : Ծեր եւ հիւանդ , հարկաւ կը տեսնէր ամէն բան ախուր , ամէն բան կը նեղէր զնա , մանաւանդ երբ կը խորհէր թէ պիտի թողուր նաեւ իւր սիրելի նուագարանը : Այսպէս Թրէֆի տնէր նեղասրտելու չատ պատճառներ :

Բժիշկն ըստ իւր խոստման անգամ մը եւս եկաւ տեսնել զԹրէֆի , եւ գտնելով զնա անյօս ի կենաց , մեկնեցաւ ըսելով , «Այսուհետեւ մարդէ գարման մի յուռաք , Աստուծոց կը մնայ գործը »

Օրերը կ'անցնէին արագ , եւ Թրէֆիի կենաց շղթային մնացեալ սակաւ օզերն օր քան զօր կը պակսէին : Ինք եւս կը տեսնէր իւր վախճանը մօտ , եւ սա խորհուրդը թէ ի՞նչ պիտի պատահէր իրեն յետ մահուան , կամ ո՛ւր պիտի երթար , կը լնուր զնա ահիւ : Արդարեւ դառն եւ ահաւոր է մարդոյ , զիտնալ թէ մօտեցած է մոհուան ցուրտ եւ մութձորին որմէ պիտի անցնի յետ սակաւուց , չգիտնալ սակայն թէ ի՞նչ պիտի սատահի իրեն անկէ անդին , կամ թէ մարմնոյն գերեզման դրուելէն ետքը ո՛ւր պիտի գտնուի հոգին , եւ ի՞նչ պիտի ըլլայ : Այս-

պիսի ծանր խնդրոց տգէտ մարդն յիրաւի կը վախճայ , կը սարսափի :

Զիրդ եւ իցէ կիրակին եկաւ , եւ թէպէտ օդն անձրեւոտ եւ մրկային էր , Քրիսթի պատրաստուեցաւ երթալ աղօթարանն ուր գացած էր նախորդ կիրակին : Եօթնեակն ի բուն մտախոհ եւ հետաքըրքիր էր թէ ի՞նչ ճամբայ պիտի ցուցնէր քարոզիչը մեղօք վարակեալ հոգւոց մտնել վերին օթեւանը : Երբ հասաւ աղօթարանը , բազմութիւն չտեսաւ , բայց հոն գտնուող սակաւուց երեսէն յայտնի էր թէ ամէնքը մեծ փափաք ունէին քարոզը աելու : Երգէն եւ աղօթքէն ետքը քարոզիչն ելաւ բեմը , եւ բնաբան դնելով Յովհաննու Կաթուղիկեայց թուղթէն սա համարը , «Անոր Որդւոյն Յիսուսի Քրիստոսի արխւնը կը սրբէ զմեզ ամէն մեղքէ» (Ա. Յովհ. Ա. 7) , կրկնեց համառօտիւ անցեալ կիրակի աւուր քարոզին նիւթը : «Անցեալ կիրակուան քարոզիս մէջ ,» ըստ , «Նկարագրեցի ձեզ վերին փառաւոր երկիրը , եւ տեսայ ունկնդրաց հոն երթալու մեծ փափաքը : Կը յուսամ թէ կը յիշեք այն աւուր երգը , որոյ առաջին տունն էր ,

Քաղաք մը կայ պայծառ ,
Դուռներն են գոց մեղաց .

Մարդ պիղծ եւ չար ,
Մարդ պիղծ եւ չար ,
Ոչ երբէք հոն գընաց :
Սրդ , սիրելի ունկնդիրք , կա՞ն արդեօք ձեր մէջ մարդիկ որ կը բաղձան գիտնալ թէ ինչ ճամբուլ կրնայ մեղաւոր մարդ երթալ այն պայծառ քաղաքը :»
Քրիսթի ցած ճայնիւ զոր ոչ ոք կրնար լսել ,

«Ես ,» ըստ , «ես կը բաղձամ գիտնալ ,» եւ սկսաւ յառեալ աջօք ունին դնել քարոզչին , որ յառաջ տարաւ խօսքն այսպէս . «Այս օր ,» ըստ , «պիտի սկսիմ օգնութեամբն Աստուծոյ ցուցնել ձեզ այն քաղաքին ճամբան : Ամէնքս մեղաւոր ենք . կորուսած ենք այն վիճակը յորում դրաւ զմեզ ի սկզբան Աստուծած : Մի անգամ եւեթ մեղանչել բաւական է փակել մեզի դէմ վերին հայրենեաց դուռները , իոկ մենք ոչ մի , եւ ոչ հինգ կամ տասն , այլ հաղար եւ բիւր անգամ թերեւս մեղանք , պղծեցինք անթիւ մեղօք մեր հոգիները : Եւ արդ , ասոր դարձան . չկա՞յ արգեօք դարման . չկա՞յ հնար լուալու եւ մաքրելու մեր հոգիները : Կայ , բայց մի միայն դարման , մի միայն հնար , եւ այն է Յիսուսի Քըրիստոսի արիւնը : Անոր Որդւոյն Յիսուսի Քրիստոսի արիւնը կը սրբէ զմեզ ամէն մեղքէ : » Քարոզիչը խօսեցաւ երկար թէ ի՛ նշպէս կրնայ մաքրուիլ եւ սրբուիլ հոգին ի մեղաց Քրիստոսի արեամբ :

«Ազնիւ բարեկամք ,» ըստ , «Քրիստոս Տէրն մեր եկաւ յաշխարհ փրկել զմեզ , եւ յետ տալոյ մեղ բանիւ եւ արդեամբ սքանչելի օրինակ անձնուրացութեան , տուաւ նաեւ իւր անձը մեզի համար մեռնելով մահուամի խաչի ի Գոզգոթա , ուր բացաւ անսպաս աղբիւր լուալ եւ ի մաքրել զմեզ ի մեղաց : Այս աղբիւրը լի է անոր մարմնէն քամուած աստուծածային արեամբ : Որովհեաւ Քրիստոս Որդի է Աստուծոյ , անոր արիւնը յանհունս սկատուական է քան որ եւ իցէ զսի արիւն որ կրնայ մատուցուիլ ի քառութիւն մեղաց : Յսրմէ հետէ Քրիստոս բացաւ այս աղբիւրը , անթիւ մարդիկ եկան լուանալ անկէ

իրենց հոգին , եւ սրբուելով մեղաց ամէն արատէ , եղան սպիտակ քան զիւն : Այսպէս մաքրուած եւ որբուած հոգիք երբ կը թողլուն գաշխարհ եւ կ'երթան վերին հայրենեաց մարգարտեայ դուռներուն առջեւ , պահապանք իոկոյն կը բանան անսնց , քանզի մեղաց արատ մնացած չէ անսնց վրայ :

Հոս քարոզիչը յենլով բեմին վրայ քիչ մը հանգիստ առաւ , յետոյ նայելով ժողովրդեան՝ ըստ , «Օ՛ն , ուրեմն , բարեկամք , եկէք լուանալ ձեր հոգիներն աղբիւրէն զոր բացած է մեզ Յիսուս : Յիսուս չմերժեր երբէք զանոնք որ կը դիմեն առ նա : Դայն որ կու գոյ առ խ՝ բնաւ դուրս պիտի չհանեմ , կ'ըսէ ինքն Քրիստոս : Գանք հիմա մեր անցեալ կիրակուան երդին երկրորդ տանը . եւ կը լոնդրեմ որ ամէնքք կրկնէք զոյն ձեր սիրուերուն մէջ .

Փրկիչ , կու գամ առ քեզ ,
Ովկ գու , Գառն Աստուծոյ .

Մաքրես , փրկիչ ,

Մաքրես , փրկիչ ,

Լուաս զիս արեամբ քո :

Քարոզիս բնաբանին մէջ կայ սպարզ եւ փաքր բառ մը որ ուրախութեան եւ միխթարութեան մասնաւոր եղած է ինձ . այս բառն է ամէն , որով կ'իմացուի ամէն մեղք զոր գործած ենք մաօք , բանիւ եւ գործով : Արդ , Քրիստոսի արիւնը կը սրբէ եւ կը մաքրէ այս մեղաց ամէնը : Զկոյ բիծ կամ տրատ մեր հոգւոյն վրայ զսր չկրնայ մաքրել Յիսուսի իրաւութիւն մեղաց : Յսրմէ հետէ Քրիստոս բացաւ արիւնը : Եթէ ձեր մեղքերը , կ'ըսէ մարգարէն , են իբրեւ կրկին կարմիր , պիտի ըլլան սպիտակ իբրեւ

զմիւն , եւ եթէ են իբրեւ որդան կարմիր , պիտի սպիտականան իբրեւ զասր :

Հիմա , սիրելի ունկնդիրք , երկու բան կայ մեղաւորին համար որոց հոգին աղտեղեալ է մեղօք , կամ լուացուիլ Քրիստոսի արեամբ եւ ըլլալ սպիտակ իբրեւ զմիւն , եւ կամ մնալ այնալէս աղտեղի եւ սեւացեալ : Արդ կը հարցունեմ ձեզ , ի՞նչալէս կը կարծէք թէ են ձեր հոգիներն այս վայրկենիս . աղտեղի եւ սեւացեալ մեղօք , թէ մաքրեալ եւ սպիտակացեալ Ցիսուսի արեամբ : Թող ուրեմն իւրաքանչիւր ոք ձենէ խորհի տնաշառ իւր անձին համար եւ տեսնէ թէ լուացուած եւ մաքրուած է Քրիստոսի արեամբ , թէ է տակաւին մեղօք վարակեալ :

Այս ըսելէն ետքը քարոզիչը դարձեալ կեցաւ քիչ մը , եւ այնպիսի խոր լուութիւն տիրեց աղօթարանին մէջ , որ եթէ ասեղ լինար գետին , պիտի լուէքը ձայնը : Այս միջոցին Քրիսթի պատանեակը կը կրկնէր մտքէն երգին երկրորդ տունը ,

Փրկիչ , կու գամբ առ քեզ ,
Ո՛վ դու , Գառն Սատուծոյ .

Մաքրես , փրկես ,

Մաքրես , փրկես ,

Լուաս զիս արեամբ քո :

Եետոյ քարոզիչն սկսաւ դարձեալ յորդորել զունկնդիրս առանց յապաղելց դիմել Քրիստոսի : «Սիրելիք ,» ըսաւ , «Քրիստոս պատրաստ է ընդունել զմեզ . կեցած է բազկատարած եւ կը սպասէ ձեզ : Աղէ՛ ուրեմն , բարեկամք , եկէք այն աղբիւրը եւ լուացուեցէք Ցիսուսի արեամբ : Աղաղակեցէք ,

Փրկիչ , կու գամբ առ քեզ ,
Ո՛վ դու , Գառն Սատուծոյ .

Մաքրես , փրկես ,
Մաքրես , փրկես ,

Լուաս զիս արեամբ քո :

Երբ կը դառնաք տուն , ծունք գնելով չնորհաց աթուախն առջեւ , խնդրեցէք անոր օգնութիւնը : Խստավանելով ձեր մեղքերը , խնդրեցէք Փրկչէն թողութիւն մեղաց : Եւ դարձեալ վայր մի լուելէն ետքը , «Կ'ուզեմ ,» ըսաւ , «Դարձեալ հարցունել , Պիտի ընէ՞ք ինչ որ ըսի :» «Այս՛ , ես պիտի ընեմ ,» կ'ըսէր Քրիսթի իւր սրտին մէջ :

Եետոյ քարոզիչն ըրտւ համառօտ աղօթք մը , կարդաց առաքելակոն օրհնութիւնը , եւ վերջացունելով պաշտօնն՝ իջաւ բեմէն եւ գնաց կեցաւ եկեղեցւոյն արտաքին դրան քով , ուր կը խօսէր դուրս ելլով անձանց շատերուն հետ անսնց փրկութեանը վրայ , խոստանալով առանձինն աղօթել անսնց իւրաքանչիւրին համար : Թէպէտ շատ յոգնած էր , եւ արդարեւ այնպիսի եռանդեամբ խօսող քարոզչի մը բնական էր յոգնել , կը ջանար սակայն գիտնալթէ ինչ արդիւնք ունեցաւ արդեօք քարոզն ունկնդրաց վրայ :

Աղօթարանէն դուրս ելլովներէն ամանք կ'երթային լուրջ եւ մտախոհ , եւ այսու կը ցուցնէին թէ քարոզը մեծ աղղեցութիւն ըրած էր անսնց : Քարոզիչը բերկրութեամբ կը նայէր այսպիսիներուն , որպէս թէ կ'աղօթէր ի սրտէ որ անպառւղ ըլլար անսնց սրտին մէջ ցանուած բարի սերմը : Այլք , եւ ընդհանրապէս երիտասարդներ , կը թուէին այնպէս

անհոգ , ինչպէս էին առաջ : Երբ ասոնց կը նայէր քարոզիչը , զուարթութիւնը կը փոխուէր ի տիրութիւն . իրեւ թէ կըսէր մտքէն սրատառուչ , «Բա՛րէ , ի զուր ուրեմն ցանուեցաւ երինաւոր սերմն առոնց սիրտերուն մէջ , եւ ալարդիւն ոլիսի մնայ :»

Քարոզչին այսուիս վայրկեան մը վհատել եւ տառակուսելը զարմանալի չէր : Յոգնած մարդ մը , որպիսի էր քարոզիչը , հարկու կը տկարանայ մարմնով , եւ բնական տկարութիւնը կը բերէ շատ անգամ նաև հոգեւոր կամ մտաւոր տկարութիւն , որոց արդիւնք են վհատութիւն , տարակոյս եւ որ ի կարգին :

Աղօթարանէն լուրջ եւ ծանր կերպով դուրս ելողներէն մին չը Քրիսթի : Քրիսթի այս կերպը զրաւեց մասնաւորապէս քարոզչին ուշագրութիւնը մանաւանդ ոս պատճառաւ որ քարոզի ժամանակ Քրիսթի մտագիր ունկնդրութիւնը վրիսուծ չէր քարոզչին հայեցուածէն : Ուստի մինչ կ'անցնէր Քըրիսթի բազմութեան հետ , քարոզիչը կոչեց զնորիեն քով , եւ ծեծելով անոր ուսզ , «Որդեակ ,» ըստւ , «կը յիշե՞ս այս երեկոյեան քարոզին բնաբանը :»

Երբ Քրիսթի բառ առ բառ ըստա բնաբանը , քարոզիչը շատ ուրախանալով , անոր ուրիշ հարցումներ եւս ըստ քարոզին վրայ , եւ ապա հարցուց թէ՝ ով էր : Քրիսթի ճշգր պատասխաններ տուաւ քարոզին վերաբերեալ հարցմանց . իսկ իւր անձին գալով պատմեց համառօտիւ թէ , ոչ հայր , ոչ մայր , եւ ոչ ուրիշ ազգական մը ունենալով երկրի վրայ , կը բնակէր Թրէ Փիլ անուն ծեր մարդու մը քով , որ ծանր հիւանդանալով մերձ էր ի մահ , եւ էր մեծ-

անձկութեան մէջ , վասն զի չէր գիտեր թէ ինչ պիտի ապատահէր իրեն յետ մահու ան , եւ թէ ինչ ձամբավ հնար էր նմա մանել վերին հայրենեաց քաղցր օթեւանը որոց վրայ շատ քիչ աեղեկութիւն ունէր :

Քարոզիչը լսելով զայս՝ ըստ Քրիսթիի , «Ես կու գտմ , եւ կը խօսիմ այն ծերունույն հետ ,» եւ հանելով գրպանէն տեարակ մը՝ գրեց փողոցին անունը եւ տան թիւը ուր կը բնակէր Թրէ Փիլ . յետոյ մըտաւ եկեղեցին ուր ժողովրդէն ոչ մացած էր , եւ ծունդ գնելով խնդրեց ի Տեառնէ նոյն ժամուն լուսալ իւր անդին արեամբ զպատանեակն Քրիսթի որ անոր քով ծունդ դրած էր : Այս անգամ Քրիսթի մեծ ուրախութեամբ կը դառնար տուն , քանզի ունէր Թրէ Փիլի համար բարի լուր : Վազելով կ'երթար համբան , եւ երբ տուն մտաւ , սանդղին աստիճանները ոչ մի մի , այլ երկու երկու ելլելով հասաւ վերնայարկը , եւ մտնելով սենեակը , «Թրէ Փիլ , հայրիկ ,» գոչեց , «աղէկ եղաւ որ այս երեկոյ գացի եկեղեցի . քարոզը շատ գեղեցիկ էր , եւ քարոզիչը պաշտօնէն ետքը սիրով խօսելով ինձի հետ , խօսացաւ գալ տեսնել զեղ , եւ մեր վաղոցին անունը եւ տան թիւը գրեց իւր աետրակին մէջ :»

Թրէ Փիլ որ լսւածոյն լրաց կը սպասէր՝ գոհ չեղաւ այս չտիսվ . «Աղէկ » ըստ , «բայց վերին հայրենեաց վրաց ինչ լուր ունիս :»

«Երին հայրենեաց վրայ ունիմ լուր ,» ըստ Քըրիսթի . «կայ ձամբայ , մի միայն համբայ որ կը տանի հոն , բայց ոչ քեզ եւ ոչ ինձ հնար է երթար այն հայրենիքը , ցորչափ ունինք մեղք , վասն զի մեղք չկրնար մտնել հոն , բայց «արիւնն Յիսուսի

Որդւայն Աստուծոյ կը սրբէ զմեղ ամէն մեղքէ :
Քարոզիչը Սուրբ դիրքէն կարդաց այս խօսքը , եւ
բնաբան ըրաւ զայն իւր քարոզին :

«Որդեակ իմ , Քրիսթի , » ըստ Թրէֆի գոլալով ,
«պատմէ ինձ մի ըստ միոջէ ինչ որ ըստ քարոզիչը :»

«Ահա քարոզիչն խօսքն համառօտիւ , » ըստ Քը-
րիսթի , «Վերին հայրենիքը մոնելու ուրիշ միջոց չը
կայ , բայց միայն արիանն Յիսուսի Տեառն մերսյ .
ուստի պարտինք դիմել առ Յիսուս եւ ինդրել որ
լուսյ զմեղ իւր արեամբ , եւ Յիսուս պատրաստ է
լուալ զմեղ այս դիշեր : Այսպէս ըստ քարոզիչը ,
եւ պատուիրեց եւս անյապալ դիմել առ Քրիստոս :
Կը յիշե՞ս , Թրէֆի , անցեալ կիրակի իրիկուն սոր-
գած էի երգի մը առաջին տունը եւ ըսի քեզ . Եթէ
կամիս , ըսեմ քեզ հիմա անոր երկրորդ տունը :»
Զայս ըսելով մօտեցաւ ծերունայն եւ սկսու ըսել
այն տունը խորին ակնածութեամբ .

Փրկիչ , կու գամ առ քեզ ,
Ով դու Գառն Աստուծոյ ,
Մաքրես , փրկես ,
Մաքրես , փրկես

Լուաս զիս արեամբ քո :

Մինչ Քրիսթի կ'ըսէր զայս , Թրէֆի գողդոջուն
ճայնիւ կը կրկնէր նոյնը բառ առ բառ : Յետոյ
գառնալով Քրիսթիի , «Երանի՛ թէ , » ըստ , «Լուար
զիս Յիսուս իւր արեամբը մեղքերէս :»

«Կը լուայ , կը լուայ , » ըստ Քրիսթի , «Յիսուս
չերժեր երբէք իրեն դիմողները :»

«Բայց ես բալոր կենացս մէջ մեղանչած եմ , » ը-
ստ Թրէֆի , «եւ չեմ կարծեր թէ Յիսուս կը

լուայ զիս հիմա որ ծերացած եմ . ի՞նչ կը կարծես ,
Քրիսթի , միթէ Յիսուս կը լուայ նաեւ ծերերը»

«Այս՝ այս՝ , » ըստ Քրիսթի յուսով եւ վստա-
հութեամբ , «կը լուայ անտարակայս . քարոզիչն
ստէալ կրկնեց զայս , այսպէս կ'ըսէ նաեւ քարոզիչն
բնաբանը . Անոր Որդւայն Յիսուսի Քրիստոսի ա-
րինը կը սրբէ զմեղ ամէն մեղքէ : Բաւական չէ ,
Թրէֆի , այս խօսքը , ‘Ամէն մեղքէ’ , առանց Խըտ-
րութեան :

«Ստուգիւ այսպէս զրուած է , ‘ամէն մեղքէ’ .
Եթէ այսպէս է , ուրեմն բաւական է , » ըստ Թրէ-
ֆի :

Հոս Թրէֆի եւ Քրիսթի լուեցին վայր մի . Խընդ-
րոյն կարեւորութիւնը յափշտակած կը թուէր անոնց
միտքը , եւ կը խորհին լոելեայն :

Յետոյ Քրիսթի սկսու խօսել այսպէս . «Թրէֆի ,
Հայրիկ , Ընդէ՞ր կը գանդապինք . օ՛ն , Երթանք ա-
նոր եւ աղաչենք :»

«Որո՞ւ , » հարցուց Թրէֆի , «Քարոզչի՞ն :»

«Ո՛չ , » ըստ Քրիսթի , «Յիսուսի որ ներկայ է
հոս , այս սենեկիս մէջ . այսպէս ըստ ինձ քարո-
զիչը : Եկու դիմենք առ Յիսուս , աղաչենք , պաղա-
տինք , խնդրենք լուալ եւ մաքրել զմեղ մեր բոլոր
մեղքերէն :» Այսպէս Քրիսթի եւ Թրէֆի ինկան
Յիսուսի ոտքը զոր կը տեսնէին հոգւով իրենց մօտ ,
եւ Քրիսթի սկսու աղօթել այսպէս :

«Ով տէր իմ , Յիսուս , ահա մենք երկոքին դի-
մելով առ քեզ կը խնդրենք որ լուաս զմեղ մեր
բոլոր մեղքերէն , վասն զի այսպէս գրուած է քու
Սուրբ խօսքիու մէջ . Անոր Որդւայն արիւնը կը

սրբէ զմեզ ամէն մեղքէ՝ : Մաքրէ ուրեմն եւ որբէ զմեզ : Դուն ըստի նաեւ թէ, «Զայն որ կու գոյ առ իս՝ բնաւ գուրս պիտի չհանեմ? կ'աղաշենք ուրեմն, մի մերժեր զմեզ հիմա : Մենք կը բաղձանք երթալ վերին հայրենեաց երանելի օժեւանը. հաճէ լուսլ զմեզ այս երեկոյ քու ուրբ արեամբդ եւ ընել մեր հոգիներն սպիտակ քան զձիւն . Ամէն : »

«Ամէն, Տէր Յիսուս, » ըստ նաեւ ծերունին Թրէֆի գողգոջուն ձայնիւ, «Ուս զմեզ, այս պատանեակը եւ զիս, քու քաւիչ արեամբդ. լուս, կ'աղաշեմ, որ քան զձիւն սպիտակ լլանք . Ամէն : »

Ազօթքէն ետքը, Քրիսթի ըստ ծերունւոյն, «Թրէֆի, հայրիկ, հիմա պառկինք, քնանանք խաղաղութեամբ, քանզի չունիմ բնաւ տարակոյս թէ Տէր Յիսուս լսեց եւ ընկալւա մեր աղօթքը : »

Արդարեւ բարերար Փրկիչը որ մօտ էր անոնց՝ լսած եւ ընդունած էր անոնց ջերմեաւանդ աղօթքը, քանզի երբ անկողին կը մանէին, կը թուէր անոնց իւրաքանչիւրին լսել մեղմ ձայն մը որ կ'ըսէր «Քաջակերտէ եւ ուրախ եղիր, ներսուծ են քեզ մեղքերդ : »

ԳԼՈՒԽ Ե0ԹՆԵՐՈՐԴ

ՍԷՅՊԸԼԻ ԶԻՒՆԱՇԱԴԻԿՆԵՐԸ

Քրիսթի արթնցաւ առաւտառուն զուարթութեամբ, քանզի վստահ էր թէ նախընթաց իրիկուան աղօթ-

Քը լսուած էր, եւ ընդունած էր Քրիստոսով կատարեալ թաղսւթիւն մեղաց : Բայց Թրէֆի որոյ կասկածները գեռ փարատած չէին եւ կը տագնապէր, լսաւ Քրիսթի, «Քրիսթի, որդեակ իմ, ես չեմ կարծեր թէ ներոււած են մեղքերս բոլորովին : »

«Ինչո՞ւ այսակս կը տարակուախս », հարցուց անոր Քրիսթի :

«Վասն զի, » ըստ, « գիտեմ թէ շատ չար եմ, հսկիս լի է մեղաց արատաներով. վասն որոյ չեմ կարծեր թէ Յիսուս անոնց ամէնը լուաց եւ մաքրեց երէ կ'իրիկուն : »

«Զիսնդրեցի՞ր Յիսուսէ», ըստ Քրիսթի, «Լսուալ եւ մաքրել հոգիդ այն մեղքերէն : »

«Այս՝ խնդրեցի՞», ըստ Թրէֆի, յուսահատական ձայնով :

«Ո՞չ ապաքէն խոստացած է Յիսուս լուալ իւրին դիմողներուն հոգին » ըստ Քրիսթի :

«Այս՝ խոստացած է», ըստ Թրէֆի :

«Եթէ այդպէս է», ըստ Քրիսթի, «ուրեմն կատարած է իւր խոստումը» :

«Չեմ գիտեր, Քրիսթի, » ըստ Թրէֆի, «որտիս մէջ չեմ կրնար զգալ թէ այդպիսի բան մը եղած է» :

Այսպէս պատանին Քրիսթի լուսոյ մէջ կ'ընթանար ուրախ եւ զուարթ, իսկ ծերունին Թրէֆի դեռ խաւարի մէջ կը խարխափէր : Էի էր երկիւղախառն յուսով. գեռ ստոյգ չէր թէ լուացուած էր իւր մեղքերէն :

Նոյն շաբթուն Քրիսթի դարձեալ գնաց այն թաղը ուր էր Մէյսլըլի առւնը, եւ երբ հասաւ առնը դրանն առջեւ, ուր քանի մ'անդամ կեցած եւ

Հնչեցուցած էր նուագարտնը , տեսաւ որ Մէյլըլ իւր մօրը կետ կ'ելէր գուրս : Փոքրիկ աղջկը տեսնելով զբրիսթի նուագարտնով , հրաման խնդրեց մօրմէն քիչ մը կանք առնուլ մինչեւ որ ինք դարձունէր նուագարտնին դաստակը քանի մը անդամ :

Մայրը հաւանեցաւ , եւ մինչ Մէյլըլ քանի մը անդամ կը դարձունէր նուագարտնին դաստակը , ինք կը կասուէր Քրիսթի կետ : Քրիսթի պատմեց անոր Թրէֆիի վտանգաւոր հիւանդութիւնը , եւ բժշկին խօսքը թէ ամիս մը միայն կրնար ապրել . պատմեց նաեւ Թրէֆիի երկիւլը իւր հոգւոյն փրկութեանը համար : Տիկինը լսելով այս պատմութիւնը , շարժեցաւ ի գութ , աչուըները լցան արտասուօք : Հարցուց թէ ուր կը բնակէին , եւ սորվելով փողոցին անունը եւ տան թիւը՝ նշանակեց իւր տետրակին մէջ :

Այս միջոցին Մէյլըլ խօսեցաւ մօրը ականջէն , եւ երբ մայրն ըստաւ , «Շատ ազէկ ,» Մէյլըլ վաղելով գնաց տուն , եւ փառնջ մը ձիւնածաղկի առնով եկաւ , եւ մօտենալով Քրիսթիկ ըստաւ , «Այս ծաղիկներն իմա են , եւ կ'ուզեմ զրկել զանոնք Թրէֆիի . ի՞նչ կը կարծես , քու ծերունի ընկերդ կը սիրէ ծաղկի , կ'ընդունի՞ ընծաս :»

«Այս , անջուշա կ'ընդունի ,» ըստաւ Քրիսթի :

«Մէյլըլ ,» ըստաւ մայրը , «ես աղօթք մը սորվեցուած եմ քեզ , որ երբ ձիւնածաղկանց նայիս , ըստես : «Սորվեցուր այն աղօթքն այս պատանւոյն :»

Մէյլըլ դասնալով Քրիսթիի , ըստաւ «Քրիսթի , երբ ձիւնածաղկանց կը նայիս , ըսէ մաքէդ , կ'ուտաղիս , եւ քան զձիւն սպիտակ ըլլամ :»

Մինչ Քրիսթի ժամելով կը նայէր անոնց , Մէյլըլի մայրը հարցուց անոր քաղցրութեամբ , «Քըրիսթի , սիտի ընե՞ս այս աղօթքը :»

«Այո՛ , տիկին ,» պատասխանեց Քրիսթի , «այս աղօթքը կը նմանի այն երգին զոր կրկնեցինք անցեալ երեկոյ ես եւ Թրէֆի մեր աղօթքէն առաջ .

Փրկիչ , կու գտմ առ քեզ ,
Ով դու , Գտոն Աստուծոյ .

Մաքրես , փրկես ,

Մաքրես , փրկես ,

Լուաս զիս արեամբ քո :»

Տիկինը լսելով զայս շատ ուրախացաւ , եւ ժամելով ըստաւ Քրիսթիի , «Ուրախ եմ որ սորված էք հոգին մեղաց արատներէն լսւալու եւ մաքրելու մի միայն միջոցը : Ամէն անգամ որ կը տեսնեմ ծիւնածաղկի , կ'ըսեմ մտքէս . «Այսպէս սպիտակ կ'ըլլայ մեղաւորը լսւացուելով Յիսուսի արեամբ :»

Յետ այսորիկ Մէյլըլ եւ մայրը բաժնուեցան Քրիսթիէ , որ այն կողմերը քիչ մը պատելով դարձաւ տուն , որպէս զի ծաղիկները չթումած տանէր Թրէֆիի :

Երբ Քրիսթի տուն գալով մտաւ սենեակը տեսաւ որ քարոզիչը նստած կը խօսէր Թրէֆիի կետ , եւ շատ ուրախացաւ : Քարոզիչը տեսնելով զբրիսթի , ողջոյն տուաւ անոր եւ հարցուց թէ ինչպէս էր , եւ յետոյ յառաջ տարաւ խօսքը , որ էր Յիսուսի մահուան վրայ : «Յիսուս ,» կ'ըսէր , «մեռաւ խաչին վրայ մարդոց համար , եւ ամէն մեղաւոր որ կը լսւացուի անոր արեամբ , կը մաքրուի եւ կ'ըլլայ անարատ :»

«Բայց ես, տէր, » ըստ Թրէֆի տիսրութեամբ, «ես դեռ բոլորովն անկասկած չեմ թէ մեղքերս ներուած են. խաւարը դեռ խափառ փարատած չէ մոքէս. դեռ չեմ կատարեալ երջանիկ: »

«Բարեկամ, » ըստ քարոզիչը, «միթէ սո՞ւտ կ'ըսիմ քեզ: »

«Ո՛չ, տէր, » ըստ Թրէֆի, «կը հաւատամ թէ ճշմարիտ կը խօսիք. խարերայ չէք, քա՛ւ լիցի. ձեր երեսէն յայտնի է այս: »

Այն ատեն քարոզիչը հանեց քսակէն երկու շելն, այսինքն իբր մետասան դահեկան, եւ ըստ Թրէֆիի, «Բարեկամ, այս ստակը բերի քեզ. դուն այս տկարութեամբ չես կարող գործել, եւ չունիս ստակ քու կարեւոր աէտքդ հայթայթելու. առ ուրեմն այս երկու շելնն: »

«Ենորհակալ եմ, տէր, » ըստ ծերունին արտասուակից աչօք: «Այս, ես եւ Թրիսթի, մեծ նեղութեան մէջ ենք այս օրերս: »

«Բայց, կեցի, Թրէֆի, » ըստ քարոզիչը, «ստակ դեռ քուկդ չեղաւ, պարտիս երկնցունել ձեռքդ եւ սռնուլ զայն: »

Թրէֆի երկնցուց դողդոջուն ձեռուքներն եւ առաւ ստակը:

«Թրէֆի, » հարցուց քարոզիչը, «ընծառ առի՞ր, գիտե՞ս թէ առիր: »

«Այո՛, տէր, գիտեմ, » ըստ Թրէֆի, «ահա ձեռքս է: »

Դարձեալ հարցուց քարոզիչը, «Ստոյգ գիտե՞ս թէ առիր պարգեւս: »

«Այո՛, տէր, » ըստ դարձեալ Թրէֆի զարմանա-

լով, «տարակոյս չունիմ թէ առի. չեմ հասկնար ի՞նչ ըսել կ'ուզէք: »

«Հիմտ կը հասկնաս, » ըստ քարոզիչը: «Ինչպէս ես եկայ այս սենեակը, նոյնպէս Տէր Յիսուս եկած է: Ես բերի քեզ պարզեւ, նա եւս բերած է քեզ պարզեւ, բայց անոր պարզեւն յանհունս պատուական է քանի իմ, վասն զի ես քիչ նեղութեամբ շահեցայ այն փոքրիկ գումարը, բայց Յիսուս այդ պարգեւն ընելու համար քեզ տուաւ իւր կեանքը: Ինչպէս ես եկայ քովդ, նոյնպէս Յիսուս եկած է, եւ կ'ըսէ քեզ անձամբ, «Թրէֆի, չե՞ս հաւատապ ինձ. կրնա՞ս կարծել թէ սուտ կը խօսիմ, եւ կը խարեմ քեզ: » Յիսուս ցուցնելով քեզ իւր ընծան կ'ըսէ, ինչպէս ես ըսի, «Թրէֆի, ա՛ռ զայս: » Թըրէֆի, ի՞նչ ընել կը վայելէ քեզ հիմա, ո՞չ ասպարէն պարտիս ընդունել այս աստուածային պարգեւն, ինչպէս ընդունեցար իմ: Արդարեւ գուն աշխատած չես ստանալ զայն, հետամուն եղած չես անոր, բայց Թրիստս զթաղով քու վրադ՝ կու տայ քեզ զայն, ուստի կը մնայ քեզ խոնարհարար երկնցունել ձեռքդ եւ ընդունել: » Այս ըսելին ետքը, հարցուց անոր, «Թրէֆի, գիտե՞ս ի՞նչ է ընծան զոր Յիսուս կու տայ քեզ: » Թրէֆիի միտքն այնպէս զբաղած էր այս բաներուն վրայ խորհելով, որ չկրցաւ պատասխան տալ քարոզչին հարցմանը: Ուստի քարոզիչը յառաջ տանելով խօսքը, «Ընծան, » ըստ, «զոր Յիսուս կու տայ քեզ, մեղաց թողութիւն է. դուն, Թրէֆի, կը բաղձայիր մտնել վերին հայրենեաց երանելի օթեւանը. չե՞ս ընդունիր ուրեմն Յիսուսի պարգեւը: »

«Նատ կը փափաքիմ եւ յօժար եմ ընդունել զայն,» ըսաւ Թրէֆի, «բայց չեմ գիտեր թէ ի՞նչ կերպով պարտիմ ընդունել:»

«Թրէֆի,» ըսաւ քարոզիչը, «իմ ընծառ առնելու համար, խորհեցա՞ր երկար:»

«Ոչ,» ըսաւ Թրէֆի, «իսկայն երկնցայ առի զայն:»
«Այս, այնպէս ըրիր,» ըսաւ քարոզիչը. «արդ պարտիս այնպէս ընել նաեւ Քրիստոսի: Նա եկած է եւ կու տայ քեզ այս պատուական ընծառ. առնելու եռ զայն խոկոյն անոր ձեռքէն առանց վայր մը խորհելու: Երբ այն փոքրիկ նուէրն ըրի քեզ, եթէ դուն ձեռքդ քաշելով ըսէիր, «Ոչ, տէր, չեմ առնուր, արժանի չեմ այս պարգեւին, եւ ոչ կը հաւատամ թէ պիտի տաս ինձ զայն.» Եթէ, կը սեմ, այսպէս ըսէիր, ի՞նչ կը կարծես, հաճոյ պիտի թուէ՞ր ինձ հարժարումկ:»

«Ոչ,» ըսաւ Թրէֆի, «մանաւանդ թէ պիտի վշտանայիր յոյժ:»

«Բայց,» ըսաւ քարոզիչը, «դուն ձիգ նոյնը կ'ընես Յիսուսի: Յիսուս բերած է քեզ պատուական ընծայ մը որտես այնչափ կը բաղձայիր, եւ կ'ըսէ. «Ա՛ռ, Թրէֆի, մի՛ դանդաղիր, ա՛ռ հիմու, իսկ եւ իսկ, ե՛ս կու տամ քեզ զայն:» Իսկ դու կ'ըսես, «Ոչ, Տէր, ես չեմ հաւատար խօսքիդ. չեմ կրնար վատահել քեզ, չեմ կարծեր նաեւ թէ այդ ընծան ինծի համար է, ուստի թող մնայ առ այժմ:» Աշա ասկէ տարբեր չէ զոր դուն կ'ընես:» Այս դիտողութիւններէն ետքը, քարոզիչը զարմանալով, միանգամայն ցաւելով ըսաւ, «Թրէֆի, դուն հաւատացիր իմ խօսքիս, ի՞նչ է պատճառ որ չես կրնար հաւատալ Յիսուսի խօսքին:»

Այս խօսքին վրայ Թրէֆի սարսափեցաւ, եւ յարտապուս փղձկելով չկրցաւ ըսել թառ մը:

Ուստի քարոզիչը դարձեալ ըսաւ. «Թրէֆի, սա միայն հարցունեմ քեզ: Կ'ուզե՞ս եւ կը փափաքի՞ս հաւատալ Քրիստոսի խօսքին եւ վստահել անոր:»

Թրէֆի պատասխանեց լալով, «Այս, տէր, այսուհետեւ չեմ կրնար երկրայել անոր խօսքին վրայ, վստահ եմ բոլորպին:»

«Ուրեմն, Թրէֆի,» ըսաւ քարոզիչը, «Խորհէ որ Յիսուս հիմա հսու է, այս վերնայարկի անշուք սենեկին մէջ, թէ՛ քեզ եւ թէ՛ ինձ մօտ, շատ մօտ: Եթէ յայտնենք անոր մեր վիճակը, կը լսէ մեզ, եւ արգէն տեղեակ է մեր բոլոր ցաւերուն, գիտէ մեր բոլոր փափաքները:»

Յետայ հանելով ծոցէն Սուրբ Գիրք մը՝ ըսաւ, «Թրէֆի, նախ միտ դիր թէ ինչ կ'ըսէ Յիսուս քեզ, որպէս զի ըստ այնմ յայտնես նմա քու վիճակը: Ահա անոր խօսքը. «Հիմա եկէք վիճաբանինք, կ'ըսէ Տէրը. Եթէ ձեր մեղքերը կրկնակի կարմրի պէս են, ձեան պէս պիտի ճերմընան, եւ եթէ որդան կարմրի նման են, ասրի պէս սպիտակ պիտի ըլլան՝ (Ես. Ա. 18): Եւ դարձեալ, «Անոր Որդւոյն Յիսուսի Քրիստոսի արիւնը կը սրբէ զմեզ ամէն մեղքէ:» Քարոզիչը կարդաց այս համարները, եւ ապա դառնալով առ ծերունին՝ հարցուց, «Թրէֆի, հիմա կրնա՞ս չհաւատալ Յիսուսի խօսքին. կը համարձակի՞ս ըսել թէ ուզիղ չէ, կամ թէ սուտ կ'ըսէ քեզ Յիսուս:»

«Քա՞ւ լիցի,» ըսաւ Թրէֆի, «անոր բերնէն սուտ խօսք չելլեր, անոր շրթանց վրայ տեսնուած չէ երբէք սոսութիւն:»

«Ուրեմն, » ըստ քարոզիչը, «եկատ հիմա բանանք անոր մեր սիրտերը, յայտնենք մեր վիճակը։» Զայս ըսելով ծունր դրաւ Թրէֆիի անկաղնցն քով եւ սկսաւ աղօթել. Թրիսթի եւս ծունր գնելով անոր մօտ՝ կ'աղօթէր ի միասին։ Մինչ կ'աղօթէր քարոզիչը, Թրէֆի իւր դազդուժաւն ձեռուըները կուրծքին վրայ գրած կը կենար; Քարազչին աղօթքը շատ պարզ էր, իրը թէ բարեկամի մը հետ կը խօսէր Թրէֆիի վիճակին վրայ։ Թրէֆի եւս մեծ եռանդով կ'աղօթէր՝ կը կնելով քարոզչին խօսքերը։ Երբ քարոզիչը կատարեց աղօթքը, Թրէֆի աւելցուց իւր կողմանէ, 'Տէ՛ր Յիսուս, վստահ եմ քեզ, կը հաւատամ խօսքիդ, կ'ընդունիմ պարգեւդ։'»

Քարոզիչն հարցուց անոր, «Թրէֆի, երբ իմ ընծառ ընդունեցար, ի՞նչ ըրիր։»

«Ծնորհակալ եղայ քեզ, որ այն չնորհքն ըրիր, » ըստ Թրէֆի։

«Այս, » այսպէս ըրիր, » ըստ քարոզիչը, « արդ, չե՞ս փափաքիր մատուցանել խորին չնորհակալութիւն նաեւ այն մեծ պարզելին համար զոր ըրաւ քեզ Յիսուս, այսինքն՝ ներեց մեղքերդ։»

«Այս, » տէր, » ըստ Թրէֆի լուով, « կը փափաքիմ, շատ կը փափաքիմ։»

Քարոզիչը դարձեալ ծունր գնելով, չնորհակալութիւն մատոյց Յիսուսի, որ դժալով այն սղորմելի ծերոյն՝ ներեց անոր մեղքերը։ Թրէֆի, ինչպէս առաջին աղօթքին առենք, նոյնպէս այս անգամ, կը հետեւէր քարոզչին եւ կը կրկնէր անոր խօսքերը։ «Տէր Յիսուս, անբաւ չնորհակալութիւն կը մատուցանեմ քեզ այս մեծ պարզելին համար զոր ըրիր։»

զայս ընելու համար տուիր քու կեանքդ, ո՛վ Տէր իմ, ի սրտէ շնորհակալ ենք քեզ։»

Քարազիչը մինչ կը մեկնէր, ըստ Թրէֆիի, «Թրէրէֆի, գիշուք թէ Սատանան գայ վազիւ քովդ եւ ըսէ քեզ, Ռ'վ թշուառական, գուն հիմա սասեգի՞ւ կը հաւատաս թէ մեղքերդ ներսւեցան. այ ողարմելի, մեղքն այսպէս գիշուտ չներսւեիր։' Եթէ, կ'ըսեմ, այսպէս փորձէ գերեզ Աստանան, ի՞նչ պատասխան պիտի տաս։»

«Սա պատասխանը կու տամ, » ըստ Թրէֆի, «Յիսուս Քրիստոսի արիւնք կը պրէ զմեզ ամէն մեղքէ։»

«Այդ պատասխանը բաւական է, » ըստ քարոզիչը, «Աստանան ասոր դէմ բան մը չկրնար ըսել։ Թրէֆի, սա եւս յիշէ որ, Յիսուս կ'ուզէ որ գուն ոչ թէ պիռ, այլ էծուու թէ թօգաւթիւն եղաւ մեղացդ։ Այլ է գիտնալ բան մը, եւ այլ զգալ, մեծ տարբերութիւն կայ այս երկաւքին մէջ։ Երբ հարցուցի քեզ, 'Լնդաս ասի՞ր, գիտե՞ս թէ ասիր։' Այս, 'ըսիր, 'գիտե՞մ', երբ դարձեալ հարցուցի, «Սայդ գիտե՞ս թէ ասիր, » տարակուսեալ մնացիր, 'Չեմ հասկնալ', ըսիր, 'ինչ ըսել կ'ուզեիս'։ Այսպէս իմա Քրիստոսի պարզեւին համար։ Աներկրայ եղիր որ առած ես. այս է իմնդրայն կարեւոր կէտը։ Հաւափացի՞ր թէ Յիսուս կը ներէ քու մեղքերդ։»

«Այս, » տէր, » ըստ Թրէֆի, «հաւատացի։»

«Եթէ հաւատացիր, » ըստ քարոզիչը ժամելով, «ուրեմն գիտցիր որ ստացար մեղաց թողութիւն։»

«Այս, » տէր, » ըստ Թրէֆի ուրախութեամբ,

«Հիմա ստուգիւ կրնամ ըսել, թէ կը հաւատամ» :
Սնատեն Քրիսթի եկու Թրէֆիի քով եւ ձիւնածազկանց փունջը զոր բերած էր, տուաւ անոր ըսելով, «Թրէֆի, հայրիկ, օրիարդ Մէյլըլ տուաւինձ այս փունջը, եւ պատուիրեց որ երբ նայիմ անոր, ըսեմ մտքէս առ կարճ աղօթքը, «Լուա զիս, եւ քան զմիւն սպիտակ ըլլամ» :

«Թրէֆի, » ըսաւ քարոզիչը, «քան զմիւն սպիտակ, քան զմիւն սպիտակ, ի՞նչ քաղցր, ի՞նչ հաճոյական խօսք» :

Թրէֆի այն սպիտակ ծաղկանց նայելով, «Այս», ըսաւ, «Յիսուսի արեամբ լուացուած մեղաւորը կը մաքրուի, կ'ըլլայ սպիտակ քան զմիւն» :

«Ուրեմն մնաք բարեաւ, » ըսաւ քարոզիչը, եւ մեկնեցաւ: Մինչ կ'իջնէր սանդուղներէն, լսեց ոտնածյան, եւ գառնալով ետին, տեսաւ զբրիսթի որ քանի մը ձիւնածաղիկ ձեռքը, կու գար դէպ ի նա: Երբ Քրիսթի եկու քարոզչին քով, «Կը հաճիք, տէր, » ըսաւ, «առնուլ այս ծաղիկները» : «Շնորհակալ եմ, » ըսաւ քարոզիչը, «Կ'ընդունիմ առնք իբր նշան ձեր սիրոյն» : «Քարոզիչն առաւ ծաղիկները, եւ մինչ կ'երթար դէպ ի առւն, կ'օրէնէր զԱսաւուած, անոր անսահման բարութեան եւ ողորմութեանը համար, քանզի կը տեսնէր այն սերման արդիւնքը զոր ցանած էր կիրակի օրուան քարոզովը. կ'ուրախանար մանաւանդ երբ կը յիշէր այն երկու ողորմուները, զծերունին Թրէֆի եւ զսպատանեակն Քրիսթի, որ լուացուելով արեամբն Յիսուսի էին այնպէս երջանիկ եւ ուրախ եւ եղած էին արդարեւ սպիտակ քան զմիւն: Այսպէս այս ջերմեանդ

պաշտօնէին հաւատըն առ Աստուած զօրացաւ, եւ աւելցաւ յոյսը թէ Տէրը պիտի յաջողէր անոր պաշտօնը:

ԳԼՈՒԽ ՈՒԹԵՐՈՐԴԻ

ԵՐԿՆԻՑ ԲՆԱԿՈՒԹԵԱՆ ԱՐԺԱՆԱՑԵԱԼ

Երբ Թրէֆիի երկիւղը եւ տարակցոր փարատեցան, ամենայն ինչ սկսաւ տարբեր երեւիլ նմա: Մթին եւ տիսուր խցիկն անգամ ուր այնպէս երկար նեղուած էր յուսահատ՝ կը թուէր նմա այնուհետեւ ոիրուն եւ համելի: Թրէֆի էր յուսալից եւ ուրախ, քանզի գիտէր ստուգիւ թէ ներուած էին նմա իւր մեղքերը, եւ կը խորհէր իւր երկնաւոր Հօր վրայ այնպիսի միսիթարութեամբ եւ բերկրութեամբ, ինչպէս կ'ընէ տղայ մը որ ներում ընդունած է իւր հօրմէն:

Նաեւ Քրիսթի կը գտնէր զինք թեթեւցած ծանր մեռէ մը, վասն զի տեսնելով զԹրէֆի խտղալ եւ զուարթ՝ կրնար հանդարտ սրտիւ շրջել փողոցները եւ քիչ մը ստուկ շտկել: Երբ Թրէֆի տուանձին կը մնար սենեակը, կը գիմէր առ Յիսուս եւ կը խօսէր անոր հետ. կը յայտնէր իւր ցաւերն անոր իբրեւ բարեկամի: Թրէֆի կրնար համարձակ դնել իւր բեռն անոր վրայ, վասն զի կը խորհէր թէ, Յիսուս որ կամու տարած էր մարդոց ծանրագոյն բեռը, այսինքն՝ յանձն առած էր տալ անոնց համար իւր կեանքը գրկանք, չէր մերժեր տանել կամաւ ա-

նոնց թեթեւագոյն բեռերը : Այսպէս խորհելով
կը յայտնէր Թրէֆի իւր բոլոր ցաւերն Յիսուսի, եւ
երբ կ'ընէր այսպէս, մեծ ուրախութիւն կը զգար
սրտին մէջ : Թրէֆիի չեղաւ անօգուտ այս, այ-
սինքն՝ ըսել Յիսուսի իւր բոլոր ցաւերը եւ վատա-
հել անոր խոստանցը : Օր մը Քրիսթի բաւական
ժամանակ փողոցները շրջելով, երբ քիչ մը ստակ
շահեցաւ, կէս օրին եկաւ սենեակը տեսնելու հա-
մար ծերը, եւ գտնելով զնա հանդարս, մինչ
զարձեալ պիտի երթար, ոմն բախեց սենեկին դու-
ռը : Քրիսթի բացաւ դուռը, եւ տեսնելով զլէյ-
պըլ եւ անոր մացրը՝ զարմացաւ : Ասոնք ունէին ի-
րենց հետ Թրէֆիի համար ծրար մը, զոր Մէյպըլ
սկսու բանալ : Ծրարին մէջ կար քիչ մը ստակ եւ
ուտելիք : Բայց տիկնը եկած էր ոչ թէ այս նիւ-
թական բաները միայն բերել Թրէֆիի, այլ ընել
անոր քան զսոսա շատ տւելի պատուական բան մը,
այն է խօսել անոր հիւանդ մը միմիթարելու եւ քա-
ջալերելու յարմար խօսքեր, որ իբրեւ աղբերէ կը
բիւէին այս Քրիստոնեայ տիկնող բերնէն եւ լե-
զուէն : Տիկինը նստաւ հիւանդին քով, եւ սկսու
խօսել Յիսուսի վրայ եւ անոր սիրոյն վրայ առ մե-
ջաւորս : Թրէֆի արդէն կը փափաքէր եւ կ'ախոր-
ժէր լսել Յիսուսի վրայ, վասն զի արդէն կրնար
համարձակ ըսել, ո՞նա սիրեց զիս եւ տուտւ իւր
անձն ինձի համար փրկանք :

Տիկինը հանելով փոքր Աստուածայունչ մը գրաւ-
նէն՝ կարդաց անկէ գլուխ մը :

Թրէֆի շատ աղէկ կը հասկնար կարդացուածը,
քանդի տիկինը կը կարդար մեղմ ձայնիւ, բայց յըս-
տակ եւ ծանր :

Մէյպըլ իւր մորը քով նստած էր հանդարտ եւ
միտ կը դնէր ընթերցուածին : Երբ տիկինը լոեց,
Մէյպըլ յանկարծ ելաւ գնաց պատուհանին առջեւ,
եւ գոչելով, «Ահա ձիւնածաղիկներս, » եկաւ հի-
ւանդին քով եւ հարցուց անոր, «Կ'ախորժի՞ս ձիւ-
նածաղիկներէ : »

«Այո՛, օրիորդ, » ըստ Թրէֆի, «չատ Կ'ախոր-
ժիմ, եւ երբ կը նայիմ անոնց, կը յիշեմ այն կարճ
աղօթքը զոր դուն սորվեցուցած ես Քրիսթիի : »
Մէյպըլ հաւատով եւ եռանդեամբ ըսելով այն ա-
ղօթքը, «Լուա զիս, եւ ըլլամ սպիտակ քան ըդ-
ձիւն, » հարցուց զարձեալ ծերունւոյն, «Յիսուս
լոււա՞ց զքեզ իւր արեամբը:»

«Այո՛, օրիորդ, կը հաւատամ թէ լուաց, » ը-
ստ Թրէֆի :

«Ուրախ եմ, » ըստ Մէյպըլ, «վասն զի հիմա
կրնաս ժառանգել քաղցր հայրենիքը. » յետոյ դառ-
նալով իւր մօրը՝ հարցուց անոր, «Հիմա այս բա-
րեկամը կրնայ երթալ վերին հայրենեաց քաղցր
օթեւանը : »

«Այո՛, » պատասխանեց մայրը, «այս բարեկամը
եւ Քրիսթի հիմա գտած են մի միայն ճանապարհը
որ կը տանի վերին հայրենեաց քաղցր օթեւանը : »

Երբ այս բարեկամաշտ ալիկնը կ'ըսէր այս խօսքը,
սրտին ուրախութենէն զսուարթացաւ անոր գեղեցիկ
դէմքը . «Բա՛րէ, » գոչեց հիացմամբ, «ի՞նչ մեծ
բերկութիւն պիտի ըլլայ զիրար տեսնել երկինաւոր
Հօր չնորհաց գահուն առջեւ յերկինս . » եւ դառ-
նալով Թրէֆիի, «Բարեկամ, » ըստ, «դուն չե՞ս
բաղձար տեսնել զՅիսուս :

«Այս՝ տիկին, »ըստ ծերունին . «Յիսուսի օրհնեալ երեսը տեսնել մանաւանդ շատ քաղցր եւ հաճոյ պիտի ըլլայ: Երբ քայս կը յիշեմ, կ'սկսիմ մրմթջել ուրախութենէս, մանաւանդ որ ինձի համար մօտ է ժամանակն այն երանաւէտ տեսութիւնը վայելելու: »

«Երանի՛ թէ, »ըստ տիկինը, «մօտ ըլլար նաեւ իմ մեկնելուս ժամանակը: Ո՞րչափ կը փափաքիմ երթալ վերին հայրենեաց քաղցր օթեւանը եւ տեսնել զթիսուս, բայց պարտիմ սպասել կոչմանս, եւ ըսելով միշտ, «Եղիցին կամք քո: Կատարել կենացս մնացեալ օրերուն մէջ ինչ գործ որ յանձնուած է ինձ: »

Այս ըսելով ելաւ տիկինը, եւ հրաժարելով թրէֆիէ եւ Քրիսթիէ, մեկնեցաւ իւր փոքրիկ դսաեր հետ: Քրիսթի խկոյն գնաց պատուհանին առջեւ եւ կը նայէր անոնց ետեւէն: Տիկինը եւ դուսարը մտան կառքը որ կը սպասէր անոնց: Կառքը հասնելով փողոցին ծայրը՝ եղաւ աներեւոյթ, բայց Քրիսթի տակաւէին կը նայէր:

Թրէֆի եւ Քրիսթի անցուցած չէին երբէք այնպէս երջանիկ եւ քաղցր օրեր, ինչպէս այն եօթնեանքը: անդադար փառք կու տային շնորհաց եւ ողորմութեան համար զոր ըրաւ անոնց Աստուած:

Երբ կիրակի եղաւ, Քրիսթի ուրախութեամբ գընաց եկեղեցի: Քարոզիչը ներս մտնելով երբ տեսուա զբիսթի բեմին առջեւ, ժամուեցաւ ուրախութենէն:

Որովհէտեւ այն օրուան քարոզն արդէն յիշուած երդին երբորդ ան վրայ էր, նայն երգը երգուեցաւ դարձեալ, եւ որտէս զի լաւ հասկցուէր քարոզը, քարոզիչը կրկնել տուաւ երբորդ տունը,

Տէր, այժմէն զիս ըրէ
Քեզ սիրելի որդեակ.

Տէր, զիս պահէ

Տէր, զիս պահէ,

Զըլլամ քեզ խեռ զաւակ:

Երդէն ետքը, քարոզիչը բնաբան ընելով իւր քարոզին Պօղոս առաքելցն սա խօսքը, «Դոհանալով Հօր Աստուծմէ, որ արժանացուց զմեզ լուսոյ մէջ բնակող սրբոց վիճակին մասնակից ըլլալու» (Կող. Ա. 12), կրկնեց զայն երկրորդ անգամ, որպէս զի ունկնդիրք լաւ ըմբռնէին անոր խմաստը: Քրիսթի ջանաց միտքը պահել բնաբանը՝ պատմելու համար թրէֆիի:

Այս բնաբանը դնելէ եւ կրկնելէ ետքը զայն, քարոզիչն սկսաւ իւր քարոզն այսպէս. «Այս երեկոյ, » ըստ, «պիտի խօսիմ եւ ցուցնեմ ձեզ թէ ի՞նչ է արժանի ըլլալ մասնակցել՝ կուսոյ մէջ բնակող սրբոց վիճակին: » Սրդ, սրբոց վիճակը, սիրելիք, այն «ալայծառ քաղաքն» է որ յիշուեցաւ սյս երգին առաջին տան մէջ, եւ զոր կ'անուանենք նաեւ «Բաղցր հայրենիք: » Մենք գացած չենք հոն, գիտենք սակայն թէ Եփառւս պատրաստած է հոն օթեւաններ անոնց համար որ սիրելի կ'ըլլան անոր՝ լուացուելով անոր արեամբը եւ սրբուելով: Այն օթեւանք պատրաստած ըլլալով այսպէս սրբուելոց համար՝ կը կոչուին «վիճակ սրբոց: » Կա՞ն արդեօք ձեր մէջ, սիրելիք, այն օթեւաններուն, այն սրբոց վիճակին արժանացեալք: Գիտեմ թէ դուք ձեր երկրաւոր բնակարաններուն մէջ կատարեալ հանգիստ չունիք: Կան որ մուժ եւ աղաւեզի թա-

զեր կը բնակին։ Զէք փափաքիր ուրեմն ունենալ լաւագոյն բնակարան։ Յիսուս երկնային օթեւաններ պատրաստած է իւր սիրելիներուն։ արդ կատարած էք դուք այն օթեւանները ժառանգելու , սրբոց վիճակին մասնակից ըլլալու , սպայմանները։»

Այս հարցման վրայ քարոզիչը լրելով՝ անձկութեամբ կը նայէր ժողովրդեան , եւ բաւական ժամանակ այսպէս կենալէն ետքը , յառաջ տարաւ խօսքն այսպէս . «Բարեկամք , եթէ երթաք աղբիւրը զոր Յիսուս բացած է , եւ հոն բոլորով ողբատիւ աղաչէք եւ ըսէք , 'Լուս զիս , որ ըլլամ մաքուր եւ սպիտակ քան զծիւն' , կընաք ըլլալ մասնակից սրբոց վիճակին։»

Երբ Քրիսթի լսեց այն խօսքը , «Լուս , եւ քան զծիւն սպիտակ ըլլամ ,» զոր սորված էր փաքրիկ աղջկանէն Մէջլըլէ , յիշելով ձիւնածաղիկները՝ ժպտեցաւ :

Բայց Պատուելի Վիթըն , այս էր քարոզին անոնք , յառաջ կը տանէր իւր քարոզը : «Այս իրիկուն ,» ըսաւ , «խօսքս ուղղեալ է մանաւանդ անոնց որ դիմած էն առ Յիսուս , դրած էն իրենց մեղաւոր սիրտն անոր խաչին տակ եւ լուսուած էն անոր քաւիչ արեամբը :» Քրիսթի լսելով զայս կ'ըսէր մտքէն , «Փառք Աստուծոյ որ ես եւ Թրէֆի արժանացանք այս օրհնութեան :» Քարոզիչը միշտ յառաջ տանելով խօսքը , «Սիրելիք իմ ի Քրիստոս ,» կ'ըսէր , «դուք ունիք փառաւոր ժառանգութիւն յերկինս , վասն զի լինելով որդիք թագաւորաց թագաւորին՝ եղած էք ժառանգ անոր երկնային թագաւորութեանը : Զեր բարերար Փրկիչը Քրիս-

տոս որ համբարձու յերկինս՝ պատրաստած է հոն ձեզի համար գեղեցիկ բնակարաններ , ուստի դուք եւս , մինչդեռ յաշխարհի էք , սրարտիք պատրաստել ձեր անձերն այն փառաց աշխարհին : Թագութեայն անդրանիկ որդին , Կալէսի իշխանը , իւր ծննդեան վայրիկնէն յաջորդ է թագաւորական գահուն . բոլոր Անգղիա իրաւամբ անոր ժառանգութիւնն է : Բայց որպէս զի ըլլայ յարմար եւ արժանի այն մեծ ժառանգութեան , եւ կարենայ ստանալ զայն , մանկութենէ հետէ կը կրթուի : Եթէ Կալէսի իշխանն անփոյթ ըլլայ ուսման եւ ոչինչ համարի կրթութիւնը , կը մնայ տղէտ եւ ապիկար . իրաւամբ ժառանգ է այն գահուն , բայց չկամարուիր թագաւորելու յարմար եւ արժանի : Ճիշդ այսպէս է սրբոց համար պատրաստուած երկնային ժառանգութիւնը : Մէնք , վերստին ծնանելով ի Հոգւայն , կ'ըլլանք որդիք թագաւորաց թագաւորին , Աստուծոյ , ուստի եւ ժառանգ երկնային թագաւորութեան : Բայց որպէս զի յարմար գտնուինք այնպիսի փառաւոր ժառանգութեան , պարտինք պատրաստել զմեզ տատէն այն վիճակին , մերկանալ հին մարդը , ատել մեղքը եւ սորվիլ սիրել ինչ որ սուրբ է եւ բարի : Ինչպէս մեր բարքը եւ վարքը պարտի ըլլալ մաքուր , ուղիղ եւ անստղիւտ աշխարհի առջեւ , նոյնպէս մեր սիրաերը պարտին սուրբ եւ արդար Աստուծոյ առջեւ ըլլալ անարատ , եւ մեր խորհուրդները եւ փափաքներն՝ համաձայն անոր սուրբ կամաց :»

Մտունալու չենք սակայն թէ , չէ դիւրին գործ սրբել մեղօք շաղախեալ մարդը եւ ընել յարմար

երկնից ժառանգութեան : Այս նորոգումը գործ է աստուածային կարողութեան միայն : Խնդրենք ուրեմն Աստուծմէ զՀոգին Սուբր որ մաքրէ եւ նորոգէ մեր սիրտերը : Դուք դիմեցիք առ Քրիստոս լուալ զձեզ ի մեղաց եւ սրբել, եւ նա իւր անհուն բարութեամբը ողորմեցաւ ձեզ եւ լուաց զձեզ ի մեղաց եւ արժանացուց մասնակից ըլլալ սրբաց վիճակին : Բայց Յիսուսի արեամբ լուացուելով մարդ իսկ եւ իսկ չըլլար կատարեալ եւ սուրբ : Դուք դեռ չեք համարուիր յարմար այն վերին ժառանգութեան : Հոգւոյն Սրբոյ հզօր ազգեցութեամբ պիտի զարդանաք տակաւ, մինչեւ ըլլաք կատարեալ : Զեր սրտին չար միտումները պարտին միշտ տկարանալ եւ նուագիլ որ ըստ օրէ, նա մանաւանդ ժամէ ի ժամ : Հոգեւոր եւ սուրբ խորհուրդներ եւ փափաքներ պարտին փոխանակել զանոնք : Պարտիք ատել մեղքն, ինչպէս կ'ատէր Յիսուս, եւ սիրել սրբութիւնը, ինչպէս կը սիրէր նա . բայց այսպէս ընել պիտի սորվիք տակաւ, մինչեւ ստուգիւ յարմար ըլլաք ժառանգել երկնից թագաւորութիւնը :

«Սա եւս պարտ է ձեզ գիտնալ, որ ձեր բարութեամբ եւ արդարութեամբը չէ որ կը ստանաք երկնից թագաւորութեան ժառանգ ըլլալու իրաւունքը : Եթէ ես կրթուիմ կալէսի իշխանին պէս, եւ ըլլամ հարիւրապատիկ աւելի իմաստուն եւ բարի քան զնա, չեմ կրնար ստանալ իրաւունք նստելու Անգղոյ գահը :

«Սրդ, բարեկամք, երկնային թագաւորութեան ժառանգ ըլլալու իրաւունքը Քրիստոսի Տեառն մերոյ առանձին պարգեւն է : Ոչ ոք կրնայ ստանալ

այն իրաւունքը իւր գործերով կամ առաքինութիւններով : Այլ իրեւ պարգեւ կը չնորհուի այն անոնց որ կը հաւատան ի Քրիստոս եւ կը լուացուին անոր արեամբը : Պարտիմ յիշեցունել ձեզ նաեւ սա քաջալերական ճշմարտութիւնը թէ, որոց որ կը պարգեւէ Յիսուս այն առանձին չնորհքը, կը սրբացունէ նաեւ զանոնք : Որք միանգամ լուացուած են արեամբն Յիսուսի, կը ջանան հանապազ վարել սուրբ եւ անստովիւս կեանք : Կը զգուշանան դարձեալ պղծելէ մեղօք իրենց հոգին զոր Յիսուս անգամ մը լուաց ի մեղաց, մաքրեց եւ ըրաւ սպիտակ քան զձիւն : Ոչ սպաքէն այս է ձեր փոյթը եւ փափաքը : Տեսէք ի՛նչ ըրաւ Յիսուս ձեզի համար : Մինչ դուք չէիրեր զնա, նա սիրեց զձեզ, եւ կամաւ յանձն առաւ զմահ, որպէս զի լուաց զձեզ իւր արեամբ : Սրդ կրնա՞ք կամ կ'ուզէ՞ք ընել ոյսուկետեւ այնպիսի բաներ որ գիտէք թէ հակառակ են Յիսուսի կամացը եւ կը բարկացունեն զնա : Կա՞յ արդեօք հոս ձեր մէջ այնչափ ասկերախտ ոք որ համարձակի դարձեալ տրամեցունել եւ վատացունել իւր Փրկիչը եւ բարերարը : Զեմ կարծեր թէ կայ հոս մեր մէջ այնպիսի ոք, կը յուսամ մանաւանդ թէ իւրաքանչիւր ոք ի ձէնջ պատրաստ է ըսել ի սրտէ,

Փրկիչ, կու գամ առ քեզ,

Ով դու, Գառն Աստուծոյ.

Մաքրես, փրկիս,

Մաքրես, փրկիս,

Լուսա զիս արեամբ քո :

Կը յուսամ նաեւ թէ դուք ամէնքդ, մաքրուելով

Հոգւոյն Սրբոյ շնորհօք, յարմար պիտի ըլլաք ժառ-
ռանդ ըլլալու երկնից թագաւորութեան: Եթէ օդ-
նութեամբն Աստուծոյ, այս ըլլաց ձեր վիճակը,
պիտի չթողուվիք երկար ատեն ձեր այժմու մութ եւ
անջուք տանց մէջ, այլ երբ ժամանակը գայ, կամ
լաւ եւս ըսեմ, երբ առնուք երկնաքաղաքացւոյ
կերպարանք, Յիսուս պիտի զրկէ իւր հրեշտակը
տանել զգեղ առ նա: Կը յուսամ թէ ձենէ ոմանք
յետ սակաւու պիտի տեսնեն Յիսուսի լուսաւոր ե-
րեսը, կան նաեւ որ թերեւու բաւական ժամանակ
պիտի մնան յաշխարհի, որպէս զի լու կրթուխն եւ
պատրաստուին: Ատայն ո՞րն եւ ըլլայ, անոնք որ
շնորհօքն Յիսուսի որդիք են մեծ թագուորին՝ պի-
տի երթան իրենց Փրկչին քով, եւ պիտի ժառան-
գեն երկնային, սուրբ եւ փառաւոր թագաւորու-
թիւնը: »

Սրդ, բարեկամք, ի՞նչ կը խորհիք. կ'ուզէ՞ք, կը
փափաքի՞ք երթալ յերկինս: »

Քարոզիչն այս հորցմասմբ վերջացուց քարոզը, եւ
ժողովուրդը, լուռ եւ մտախոհ, սկսաւ արձակուիլ:

Քրիսթի եւս ելաւ երթալ, բայց ուզելով տեսնել
քարոզիչը, կեցաւ դրան քով, մինչեւ եկաւ նա,
եւ տեսնելով զՔրիսթի, մօտեցաւ եւ հարցուց ա-
նոր նախ, թէ ինչպէս էր Թրէֆի. յետոյ հարցուց
քարոզին դիմաւոր կէտերէն զոմանս, քանզի կը
կարծէր թէ քարոզը չէր այնչափ պարզ մինչեւ ի-
մանալի ըլլալ անուս պատանւոյ մը: Երբ տեսաւ
սակայն թէ Քրիսթի հասկցած էր քարոզին էական
մասերը, շատ ուրախ եղաւ, մանաւունդ որ, Քրիս-
թի լաւ ըմբռնած ըլլալով քարոզը, կրնար պատմել

եւ իմացունել նաեւ Թրէֆիի: Արդարեւ Քրիսթի
դեռ պատանի էր, կարող չէր հասկնալ շատ բան,
բայց աստուածուստ ուսեալ պատանի մը կրնայ շատ
բան հասկնալ: Քրիսթի անուս պատանի էր, բայց
որովհետեւ շնորհք գտած էր Ասաւուծմէ, Հոգին
Սուրբ բացած էր անոր սիրաը հասկնալ կենաց
խօսքը, ուստի եւ էր քարոզչին համոր պաշարեր
դաշտ մը: Երբ Աստուած կը պատրաստէ մարդուն
սիրաը կենաց խօսքին, եւ խօսքը սրախն, քարոզ-
չին պաշտօնը կը նմանի քաջ մշակեալ արտի մէջ ցա-
նող սերմանահանի գործին: Ինչպէս սերմանահանին
ուրիշ բան չմնար ընել այնպիսի արտի մէջ, բայց
միայն առնոււ պարկէն սերմն ափով եւ ցանել,
նոյնպէս Աստուծոյ հզօր զօրութեամբը կակլացեալ
սրտի համար ուրիշ բան չունի ընել քարոզիչը, ե-
թէ ոչ առնոււ Աստուծոյ խօսքին շտեմարանէն հո-
գեւոր սերմը խոնարհութեամբ եւ աղօթիւք, եւ
ցանել միայն: Այսպէս ցանուած սերմանք իշնալով
պարարտ տեղ կու տան առաստ արդիւնք:

Մինչ Պատ. Վիլթըն կ'երթար իւր բնակարանն
այսպիսի խորհուրդներով զբաղեալ, յիշելով Սուրբ
գրոց սա խօսքը, «Զորոյ սիրաը բացաւ Տէր ու-
շացրութիւն ընել Պօղոսի խօսքերուն, » խնդրեց ի
Տեառնէ եռանդեամբ, «Ով Տէր, բաց նաեւ իմ ուն-
կնդրացս սիրտերը, յառաջ քան իմ ելլելս ի բեմ,
որպէս զի սերմանք զորս ես կը սերմանեմ տկարու-
թեամբ՝ տան պատով քո հզօր զօրութեամբդ: »



ԳԼՈՒԽ ԻՆՍԵՐՈՐԴ

ԹՐԵՖԻՆԿԸ ՄՏՆԷ ԵՐԿԱՎՅԻՆ ՀԱՆԳԻՍԸ

Թրիսթի եկաւ տուն և այն գիշեր պատմեց Թրէֆիի Պատ . Վկլթընի քարոզը , զոր Թրէֆի լսելով՝ ըստ , «Քրիսթի , որդեակ , կարծեմ թէ մեկնելուս ժամանակը շատ մօտ է : Տէր Յիսուս պիտի կոչէ զիս ընդ հուղ :

«Մը՝ այդպէս խորհիր , Թրէֆի հայրիկ , » ըստ Քրիսթի , «կը յուսամ յԱստուած , թէ դեռ բաւական ժամանակ պիտի ապրինք ի միասին :

«Ոչ , որդեակ , » ըստ Թրէֆի , «ամիսը կը լրանայ , եւ ինձ կը թուի թէ շատ մօտ եկած եմ՝ Քաղցր հայրենեաց՝ , գրեթէ կը տեսնեմ անոր դրան վրայ քանդակուած լուսեղջն գիրերը . անոր պատկերը նկարուած է մտացս մէջ :

Քրիսթի չկրցաւ պատասխան տալ , եւ վայր մի լուռ կենալին ետքը , սկսաւ լալ ողբազին : Թրէֆի գնելով ձեռքը Քրիսթիի գլխուն վրայ կ'ուզէր հանդարտեցունել զնա , թէպէտ ինք եւս կու լսր , եւ չկրցաւ խօսել : Բայց լուսեթիւնը քան որեւիցէ խօսք աւելի կը միսիթարէ վշտացեալ սիրտը , եթէ է կարեկցութենէ , եւ ոչ անհոգութենէ : Այսպիսի էր Թրէֆիի լուսեթիւնը : Զիարդ եւ իցէ , երկոքին եւս մնացին անբարբառ բաւական ժամանակ , մինչեւ Թրէֆի քիչ մը հանդարտելով , սկսաւ խօսել այսպէս : «Քրիսթի , որդեակ , չե՞ս փափաքիր որ ես ընդունուիմ երկնային օթեւանը :

«Այո՛ , կը փափաքիմ , հայր , » ըստ Թրիսթի , «միայն կը խորհիմ թէ չկա՞յ ինձ արդեօք հնարքեղի հետ երթալ վերին հայրենիքը : »

«Որդեակ , » ըստ Թրէֆի , «կարծեմ թէ Տէր Յիսուս կ'ուզէ որ դուն տակաւին ժամանակ մը մնաս աշխարհի վրայ եւ գործես անոր գործը : Բայց զիս կը կոչէ , քանզի ես չունիմ այլ եւս կարողութիւն . դուն դեռ պատանի ես եւ առայգ . քեզի համար հիմա է գործելու ժամանակ : Այնայէս չէ՞ , Քրիսթիւ :

«Այո՛ , այնայէս է , » ըստ Թրիսթի : Բայց խորհելով թէ դեռ շատ տարի պէտք էր որ Թրէֆիի պէս ծերանար , կը տրտմէր , վասն զի երկար ժամանակ զրկեալ պիտի մնար արքայութեան փառքէն :

«Քրիսթի , որդեակ , » հարցուց դարձեալ Թրէֆի , «չե՞ս ուզեր մնալ յաշխարհի եւ աշխատել ժամանակ մը Յիսուսի գործին մէջ , եւ ցուցնել արդեամբ երախտագիտութիւնդ առ նա փոխանակ անոր սիրոյն առ քեզ :

«Այո՛ , մտադիւր , » պատասխանեց Քրիսթի :

Յայնժամ Թրէֆի , թէպէտ տկար էր , յանկարծ զօրանալով ելաւ նստաւ անկողնոյն մէջ , «Բա՛րէ , » գոչեց , «իցէ թէ եւ ինձ տրուէր պատեհութիւն գործով ցուցընել սէրը զոր ունիմ առ Քրիստոս : Տարի մը միայն անոր գործին մէջ աշխատելու համար յօժարութեամբ կու տայի ինչ որ ունիմ , սիրելի նուագարանս անգամ : Բայց , աւա՛լ , մինչ Քրիստոս վասն իմ կամու յանձն առաւ զմահ խաչի , ես շաբաթ մը միայն ունիմ յայտնելու անոր սէրս եւ երախտագիտութիւնս : Քրիսթի , մեծ ցաւ է ինձ , որ մինչեւ ցարդ չունեցայ պատեհութիւն արդեամբ

յայտնելու սէրս առ նա , եւ իբրեւ ապերախտ պիտի ելլեմ անոր առջեւ : »

Հիմա Քրիսթիի էր կարգը քաջալերել զԹրէֆի , ուստի ըստ անոր , « Հայրիկ , մի կենար , գնա առ Տէր Յիսուս , բաց սիրտդ եւ յայտնէ անոր այս ցաւդ . գիտեմ թէ իբրեւ արդիւնք սիրտի ընդունի Յիսուս քու փափաքդ : »

Ցայնժամ Թրէֆի վերցուց աչուըները վեր դէպ յերկինս , եւ խոնարհութեամբ եւ եռանդեամբ աղօթեց այսպէս , « Ով Տէր Յիսուս , կը սիրեմ զերեզ երանի թէ յայտնելու համար քեզ սէրս եւ չնորհակալութիւնս , գոնէ ժամանակ մի կարող ըլլայի ծառայել քեզ , բայց գիտես որ հիւանդ եմ եւ անկար , շաբաթ մը միայն կրնամ ապրիլ , սպառած է զօրութիւնս , եւ անհնար է ինձ մտնել քու ծառայութեանդ մէջ : Եթէ անցեալ կենացս գոնէ մի մասը դարձեալ չնորհուէր ինձ , կը նուիրէի զայն ամբողջ քու ծառայութեանդ եւ գործիդ՝ յայտնելու համար գործով սէրը զոր ունիմ առ քեզ : Կ'աղջեմ , նայելով սրտիս , հաճէ ընդունել փափաքս , Ամէն : »

Թրէֆի այս աղօթքն ընելէն քիչ ետքը պառկեցաւ եւ քնացաւ : Իսկ Քրիսթի նստած էր տրամութեամբ վառարանին մօտ : Քրիսթիի մի միայն բարեկամն աշխարհի վրայ էր Թրէֆի , կորուսանել զնա շատ ծանր կը թուէր անոր : Երբեմն թանձր մառախուղ մը կը պատէ զմեզ , եւ կը հրամայուի մեզ անցնել այն մառախուղէն : Ատոյդ է որ այսպիսի ժամանակ չվառանալ չէ հնար , բայց հաւատացեալը յառաջ կ'երթայ ըսելով , « Եղիցին կամք քո : »

Քրիսթի մինչ էր այս տիրութեան մէջ , յիշեց

խրատը զոր Թրէֆի տուած էր անոր քիչ մը յառաջ , եւ սկսաւ աղօթել , « Ով Տէր Յիսուս , օգնէ ինձ որ ուստիեմ կեանքս անցունել քու ծառայութեանդ մէջ : Զօրացուր զիս նաեւ որ կարող ըլլամ համբերել վշտին զոր կու տայ ինձ բաժնուիլս Թրէֆիէ : »

Այս աղօթքն ընելով բաւական միախարուեցաւ Քրիսթի , եւ հանդարտ սրտով մոտաւ անկողին եւ քնացաւ :

Քրիսթի առաւօտուն կանուխս ելաւ , եւ տեսնելով զԹրէֆի աւելի տկար , չուզեց թողուլ զնա եւ երթալ : Բայց որովհետեւ ստակը մօտ էր սպառել , ըստ խնդրոյ Թրէֆիի առաւ նուագարանը եւ գընաց , բայց չկրցաւ երկար գուրսը մնալ : Նախ որոշեց երթալ հնչեցունել նուագարանը Մէյլըլի տան առջեւ , որպէս զի եթէ տեսնէր զՄէյլըլ եւ անոր մայրը , իմացունէր անոնց Թրէֆիի հիւանդութեան ծանրանալը : Երբ հասաւ այն տան առջեւ , վերցուց աչուըները դէպի սպառէզզը եւ պատուհանները , եւ չտեսնելով զՄէյլըլ եւ ոչ այլ ոք , սկսաւ հնչեցունել իսր սիրելի եղանակը « Բաղրը հայրենիք : » Բայց այն ինչ սկսած էր դարձունել նուագարանին դաստակը , Մէյլըլ վազեց եկաւ Քրիսթիի քով , չէր սակայն ուրախ եւ զուարթ ինչպէս ուրիշ անքամներ , այլ ախրութեամբ ըստ Քրիսթիի , « Քրիսթի , մի հնչեցուներ այսօր նուագարանդ , մայրս հիւանդ է , նուագարանին ձայնը թերեւս ցաւ տայ անոր գլխոյն : »

Քրիսթի իսկոյն դադրեցուց եղանակն ըսելով , « Ի՞նչ կ'ըսես , ծա՞նր հիւանդ է մայրդ : »

« Այս , ծանր հիւանդ է , » ըստ սպառիկը , « Հայրս մեծ անձկութեան մէջ է անոր համար , նաեւ մեր

դայեակն արգելեց մեզ խաղալ, եւ լսեցի որ կ'ըսէ՛ր
խոհարարին, «Մեր Տիկնոջ հիւանդութիւնը շատ
վտանգաւոր է : » Զայս ըսելով Մէյալը՝ սկսաւ լոլ
դառնապէս :

Երբ Քրիսթի տեսաւ թէ Մէյալը կու լսր, շատ խռո-
վեցաւ, բայց բուռն ընելով իւր անձին՝ ջանաց միսի-
թարել զնա, «Մի՛ լսր, օրիորդ, » կ'ըսէր, «Տէրն
ողորմած է : » Բայց ի վախճանի չկրնալով բռնել
զինք, սկսաւ արտասուել : Երբ Քրիսթիի արտօս-
րէն մեծ կաթիլ մը ինկաւ Մէյալին սպիտակ բազ-
կին վրայ, աղջիկը վերցուց գլուխը եւ նայելով ա-
նոր երեսը, —

«Քրիսթի, » ըսաւ, «կարծեմ մայրս ԴՔաղցր
հայրենիք՝ պիտի երթայ. Երա՛նի թէ ես եւս եր-
թայի անոր հետ : »

Քրիսթի յոգևոց հանելով, «Երա՛նի թէ ես ես, »
ըսաւ. «Բայց հիմա չեն բանար ինձ դուռը, դեռ
երկար ժամանակ մնալու ես հոս : »

Այս միջոցին դայեակը կոչեց զՄէյալը, եւ Քրիս-
թի տրտում եւ տիսուր դարձաւ ետ : Արդէն ամե-
նայն ինչ տիսուր կ'երեւէր Քրիսթիի . բոլոր բնու-
թիւնը կը թուէր անոր տիսուր, սեւ ամպեր պա-
տած էին երկնից երեսը եւ արեւելեան սաստիկ
հողմը որ կը վչէր՝ կը դողացունէր զնա : Ինք տա-
րակուսած էր, Թրէֆի հիւծեալ եւ տկարացեալ կը
կենար մահուան սեմին վրայ, Մէյալը մայրը ծանր
հիւանդ էր, եւ Մէյալը ի սուգ եւ ի թախծութիւն
համակեալ: «Բա՛րէ, » գոչեց սրտառուչ, «ի՞նչ պիտի
ըլլամ աշխարհու մէջ որ այսպէս լի է ցաւօք եւ հեծու-
թեամբք. միթէ բոլորովին մոռցա՞ւ զիս Աստուած : »

Այսպէս կը խօսէր Քրիսթի ինք իրեն, եւ չկար ոք
որ միսիթարէր ողորմելի պատանին :

Այսպիսի տիսուր խորհուրդներով Քրիսթի դար-
ձաւ սենեակ Թրէֆիի քով. բայց երբ մօտեցաւ սե-
նեկին դրան, լսեց ներսէն քաղցր ձայն մը որ հան-
գարտեցուց անոր խոռվեալ սիրտը : Այս էր անոր
ծանօթ եւ բարեկամ քարոզչին ձայնը :

Երբ ներս մտաւ Քրիսթի, ուրախ եղաւ որ Թրէ-
ֆի իւր անկողնոյն մէջ նատած զուարթութեամբ միտ
կը դնէր Աստուծոյ խօսքին զոր քարոզիչը կը կար-
դար անոր ի Սուրբ գրոց : Կարդացուած համարն
էր, «Խաղաղութիւն կը թողում ձեզ, իմ խաղա-
ղութիւնն կու տամ ձեզ. ոչ ինչպէս աշխարհս կու
տայ, կու տամ ես ձեզ. ձեր սիրտերը չմառվին եւ
չվախնան : » (Յով. Ժ. 27 :) «Թրէֆի, » ըսաւ
քարոզիչը, «այս խօսքը շատ յարմար է քեզ, կը
յուսամ թէ սիրեցիր զայն : »

«Այո՛, տէր, » ըսաւ Թրէֆի, «թէ՛ ինձ եւ թէ՛
Քրիսթիի համար շատ պատշաճ եւ շատ սիրելի է այդ
համարը : Այս օրերս Քրիսթի մեծ անձկութեան
մէջ է : »

Քարոզիչը դնելով ձեռքը Քրիսթիի ուսին վրայ,
հարցուց . «Քրիսթի, քո՞ւ անձկութիւնդ ինչու
համար է : »

Քրիսթի առանց պատասխան տալու նետուեցաւ
Թրէֆիի անկողնոյն մէջ եւ սկսաւ լալ :

Քարոզիչը զթալով այս անոք եւ անտէրունչ որ-
բին, գնաց քովը եւ իբրեւ մայր գորովալից գրկեց
զնա, եւ ըսաւ, «Քրիսթի, որդեակ, եկու եր-
թանք Տէր Յիսուսի եւ ոլտամենք անոր քու ցա-
7

ւերդ , » Եւ սկսաւ աղօթել : Յիշեց նախ անձկութիւնը զոր ունէր Քրիսթի իւր կենացը համար , վասն զի ըլլալով արդէն որբ ի հօրէ եւ ի մօրէ , եւ չունենալով զայլ ոք բաց ի Թրէֆիէ , զայն եւս պիտի կորուսանէր ի մօտոյ . յետոյ խնդրեց Քրիստուէ ըլլալ անոր բարեկամ եւ պաշտպան : «Ո՛վ Տէր , » ըստ , «այս պատասնեակը չունի զոք որ հոգ տանի անոր , բայց կը խնդրեմ զգացուր անոր որ դուն հաւատարիմ եւ մշտնջենաւոր բարեկամ ես անոր : »

Արեւը մտած էր , երբ քարոզիչը մեկնեցաւ : Թրէֆի յագնած ըլլալով քնացաւ , բայց Քրիսթի վառարանին քով առանձին նստած , կը խորհէր քարոզին կարճ բայց եռանդուն աղօթքին վրայ , մինչ թուեցաւ անոր թէ մեղմ ձայն մը կ'ըսէր սրտին խորերէն , «Սիրտդ չխռովի , հաւատա Աստուծոյ : » Քրիսթի լսելով այս միախթարութեան ձայնը՝ հանդարտեցաւ , եւ մտնելով անկողին քնացաւ : Բայց կէս գիշերուն մօտ արթնցաւ Թրէֆիի ձայնէն , «Քրիսթի , որդեակ , Քրիսթի : » Քրիսթի խիզյն ելաւ եւ հարցուց , «Ի՞նչ կայ , հայրիկ : » «Ո՞ւր է , » ըստ Թրէֆի , «Հին նուագարանս : » «Ահա հսու է . ի՞նչ կ'ուզես , » ըստ Քրիսթի : «Կ'ուզեմ լսել , » ըստ Թրէֆի , «իմ սիրելի եղանակս , «Քաղցր հայրենիք : »

«Թրէֆի , հայրիկ , » ըստ Քրիսթի , «Հիմա գրեթէ կէս գիշեր է , եթէ հնչեցունեմ նուագարանը , մարդիկ ի՞նչ պիտի ըսեն : »

Թրէֆի պատասխան չտուաւ , եւ Քրիսթի ճրագը վառելով , զնաց անոր քով եւ գտաւ զնա բոլորովին փոխուած : Հիւանդ ծերունին կկոցեալ աչուընե-

րով , հիւծուած եւ դեղնած երեսով , առած էր այնպիսի ահարկու տեսիլ մը որ նմանը տեսած չէր Քրիսթի բոլոր կենացը մէջ :

Արդարեւ գիւրին չէր Քրիսթիի պէս անփորձ պատառնւոյ գիշեր ժամանակ կենալ առանձինն հոգեվար ծերունւոյ մը քով : Քրիսթի տեսնելով զԹրէֆի այնպէս ահարկու , չէր գիտեր թէ ինչ ընէր . վազեց զնաց պատուհանը , վերցուց աչուըներն յերկինս , բայց ամէն կողմ մութը պատած էր , ոչ այլ ինչ կը տեսնէր , բայց միայն պայծառ աստղ մը ընդ որ յառեալ կը նայէր , եւ յանկարծ թուեցաւ տնոր թէ ձայն մը կու գար աստղէն , «Քրիսթի , մի խըռովիր , սիրտդ չյուզի : » Քրիսթի աղաղակելով սրտէն , «Փրկիչ իմ , Յիսուս , օգնէ ինձ , » դարձաւ հիւանդին քով . որ դարձեալ խնդրեց անկէ հնչեցունել «Քաղցր հայրենիք» երգին եղանակը : Քրիսթի տեսնելով թէ Թրէֆի դեռ ողջ էր , հանդարտեցաւ քիչ մը , եւ առնով նուագարանը սկսու հնչեցունել յիշեալ եղանակը :

Մինչ Քրիսթի կը դարձունէր նուագարանը , ծերունին բացաւ աչուըները եւ միտ կը զնէր : Երբ եղանակը վերջացաւ , Թրէֆի կոչելով զՔրիսթի իւրեն քով ըստ , «Քրիսթի , որդեակ , ահա դուռը բացուեցաւ , եւ ես ահա կ'երթամ , դուն յառաջ տար նուագը : »

Բայց , ինչպէս արդէն ըստած ենք , Թրէֆիի նուագարանն ունէր կարգաւ չորս եղանակ որոց մին էր յիշեալ երգին եղանակը , եւ ամէն անգամ միւս երեքն ետքը կու գար կարգն այս եղանակին : Քըրիսթի այս եղանակէն ետքը , արագ կը դարձունէր

նուագարանը՝ դարձեալ այն եղանակին գալու հասմար : Մինչ Քրիսթի կը հնչեցունէր միւս երեք եղանակները , Թրէֆի որ կարեւոր չէր համարեր զանոնք՝ ցած ձայնիւ կ'աղօթէր , յաճախ կրկնելով , «Լուա զիս եւ ըլլամ սպիտակ իրբեւ զժիւն , այո՛ , սպիտակ քան զջիւն : »

Վերջապէս երկրարդ անգամ կարգը եկաւ Թրէֆիի սիրելի եղանակին , եւ մինչդեռ վերջացած չէր եղանակը , Թրէֆի հիւծեալ եւ մաշեալ թողուց զաշխարհ , եւ անցաւ վերին հայրենեաց սահմանը , մտնելով անոր սակի դուռնէն ի լուսեղջն սրահս անմահութեան : Իսկ պատանեակն Քրիսթի մնաց այս արաւասուաց հովտին մէջ անտէրունչ :

ԳԼՈՒԽ ՏԱՄՆԵՐՈՐԴ

ԶԿԱՑ ՏՈՒԽ ԵՐԿՆԱԽՈՐ ՏԱՆ ՊԷՍ

Առաւետուն տան վարի յարկի մեծ սենեակը բնակողներէն ումանք սկսան հարցունել իրարու , «Ի՞նչ էր կէս գիշերուան մէջ այն ձայնը : » Ումանք կ'ըսէին , «Հովի ձայն էր . » այլք կ'ըսէին , «Ոչ , նուագարանի ձայն էր . կ'երեւի թէ վերը առաստաղի յարկը բնակող ծերը կ'զրօնուր իւր նուագարանւ : » Իսկ տանուտէր տիկինը կը պնդէր թէ այս անհնար էր , վասն զի ծերը նուագարանաւ զրունաւ կարող չէր , ըստ բանի բժշկին , արդէն մեռած էր նա եւ կամ մեռնելու մօտ : Ի վերջոյ , ի թանհածելոյ ումանց , տանուտէր տիկինը որոշեց ելլեւ

վեր Թրէֆիի սենեակը եւ ստուգել իրը , բայց երբ գնաց բախեց դուռը , երկար ժամանակ ձայն չառնով , համարձակեցաւ բանալ դուռը եւ մտնել ներս : Այն ինչ ներս դրած էր կինը ոտքը , տեսաւ որ Թրէֆի մեռած էր , եւ Քրիսթի պատանեակը ծերունեոյն անկողնոյն քով , գլուխն անոր սառուցեալ ձեռաց վրայ , եւ արտասուրքը երեսին վրայ չորցած , կը քննանար : Այս տիսուր տեսարանէն խռովեցաւ տիկինը , այլայլեցաւ երեսին գոյնը , եւ այնպէս սսակաց , որ մարմնոյն բոլոր մազերը քըսամեցան : Այս միջոցին Քրիսթի արթնցաւ , բայց չկրցաւ իսկոյն ուշաբերել . չէր գիտեր թէ ուր էր , եւ ոչ թէ ինչ պատահեցաւ գիշերը . ապշած կը նայէր կնոջ երեսը : Յետոյ ուրեմն սթափեցաւ , եւ յիշելով զիշերուան պատահարը՝ սկսաւ լալ :

Տանուտէր տիկինը շարժեցաւ ի գութ Քրիսթիի լացէն եւ ողբէն , բայց որովհետեւ բիրտ էր ի բնէ , չէր գիտեր թէ ինչպէս պարտ էր միսիթարել վշտացեալ մը , ուստի թողուց զպատանին այնպէս եւ գնաց : Քրիսթի չվիրաւորուեցաւ անոր այս տմարդութենէն , քանզի միսիթարութիւն չէր սպասէր անպէս :

Քիչ ետքը Քրիսթի գնաց իմացուց Թրէֆիի մահը ծանօթ դրացւոյ մը , որ յանձն առաւ գալ սպասել մեռելին քով , մինչեւ Քրիսթի երթար լուր տալ քարոզչին :

Երբ Պատ . Վիլթըն իմացաւ Թրէֆիի մահը , մեծապէս ի գութ շարժեցաւ Քրիսթիի վրայ որ այնպէս անոր եւ անպաշտան մնացած էր , եւ ծունր կրկնելով առաջի չնորհաց աթոռոյն՝ յանձնեց զնա Թիսուսի , այն բարերար եւ հաւատարիմ բարեկամին

որ անբաժին էր անկէ : Քրիսթիի մեկնելէն ետքը , քարոզիչը դարձեալ ալօթեց՝ չնորհակալ ըլլալով Փրկչին , որ իրեն պէս անարժան մեղաւոր մը միջոց ըրաւ այս որբ պատահնեցն դարձին եւ փրկութեանը : Քարոզիչը շատ կ'ուրախանար խորհելով թէ, թէպէտ Քրիսթի մնաց յաշխարհի անոք եւ անօգնական , ունէր սակայն մտերիմ բարեկամ մը որ վերին հայրենեաց սակեղէն սեմոց վրայ կը սպասէր անոր , քանզի բարեպաշտ պաշտօնեան գիտէր եւ կը հաւատար թէ ծերունին թրէֆի պիտի չմոռնար երբէք զՔրիսթի :

Երբ Քրիսթի եկաւ խմացունել քարոզին թրէֆիի մակը , քարոզիչը սենեկին մէջ կը պատրաստէր կերակի երեկոյին համար քարոզ մը վերին հայրենեաց վրայ , թրէֆիի յերկինս փոխուելուն լուրն առաւել եւս զօրացուց քարոզին խորհուրդները , եւ ընդարձակեց , բարձրացուց անոր գաղափարները վրապա երկրին հանգստեան եւ երանութեան վրայ :

Կիրակի երեկոյ երբ Պատ. Վիլթըն մտաւ եկեղեցի , կը փափաքէր մանաւանդ տեսնել զՔրիսթի , եւ տեսնելով զնա բեմին առջեւ՝ շատ ուրախացաւ : Բայց թշուառ պատանեակն այս անգամ չէր այնպէս զուարթ ինչպէս յառաջագոյն , այլ գունատ , տիսուր եւ զլսակոր : Երգին ժամանակ քարոզիչը կը գիտէր զՔրիսթի խանդաղատանօք , վասն զի կը տեսնէր որ հէք պատանին կու լար , եւ հանդերձին թեզանեաւ կը սրբէր արտօսրը որ կը վազէր այտերէն : Երբ սկսաւ քարոզը , որոյ բնաբանն էր , «Սոքա են որ կու գան մեծ նեղութենէ , եւ լուացին իրենց հանդերձները , եւ սպիտակացուցին զանոնք արեամբ

դառին , վասն որոյ Աստուծոյ աթոռոյն առջեւ են , եւ կը ծառայեն անոր զցայգ եւ զցերեկ անոր տաճարին մէջ» (Յայտ. է . 14 , 15) ; Քրիսթի վերցուց գլուխը , եւ միտ կը դնէր հիացմամբ եւ հաճութեամբ :

«Այս երեկոյ ,» ըսաւ քարոզիչը , «նպատակս է խօսել ձեզ վերին հայրենեաց եւ անոր բնակիչներուն , այն է փրկեալ հոգւոց մեծ բազմութեան վրայ : Սրբոց օթեւան է երկինք , որոյ սակեղէն փողոցներն են բոլորովին սուրբ . ամենեւին արատ չտեսնուիր հոն . հոն ոչ չարութիւն կայ եւ ոչ չարագործ , նաեւ բնակչաց հանդերձներն են սպիտակ փայլուն իբրեւ լոյս , եւ կը մնան այնպէս յաւիտեանս յաւիտենից , վասն զի սուրբք լուացուած են արեամբ Գաուին , եւ երբէք չեն աղտեղեր զիրենք , ուստի եւ արժանի-են կենալ միշտ Աստուծոյ աթոռոյն առջեւ :

Արդ , ազնիւ ունկնդիրք , մի մոռնաք որ այն երանաւէտ երկրին մէջ ընդունուելու համար կարեւոր հարկ է հագնել արդարութեան այն սուրբ եւ լուսեղէն հանդերձները : Ոչ վասն զի բարի էք , կամ վասն զի չէք չար իբրեւ զայլս , կրնաք յուսաւ ընդունուիլ հոն :

Եթէ ստուգիւ կը փափաքիք ընդունուիլ այն երանելի երկիրը , հարկ է ձեզ լուացուիլ արեամբ Գաուին . քան զայս ուրիշ հնար չկայ :

Անգամ մը չնորհուեցաւ Յովհաննու առաքելոյն տեսնել այն փառաց երկիրը , եւ փրկեալ հոգւոց մեծ բազմութիւնը որ է հոն , եւ լսել անոնց երբք , Այն օրէն մինչեւ ցարդ անհամար հոգիներ

գացին խառնեցան այն ժեժ բազմութեան մէջ . ա-
մէն օր , ամէն ժամ , ամէն ըոպէ հոն գացողներ
ովակաս չեն : Մարգարտեայ դրունք խսկոյն կը բա-
ցուին ամենուն որ լուացուած են արեամբ Գառին ,
կը տրուի անոնց հագնել մաքուր եւ սպիտակ բե-
հեղներ . անոնք ոսկեղին փողոցներէն անցնելով
կ'երթան Աթոռոյն առջեւ , եւ միանալով այն մեծ
բազմութեան հետ կ'սկսին երգել , 'Ամէն . օրէնու-
թիւն եւ փառք եւ իմաստութիւն եւ գոհութիւն եւ
պատիւ եւ զօրութիւն եւ կարողութիւն մեր Աս-
տուծոյն յաւիտեանս յաւիտենից : Ամէն :

Եւ արդ , բարեկամք , կը փափոքի՞ք եւ դուք
միանալ այն մեծ բազմութեան հետ : Աշխարհ լի է
մեղօք , մահ եւ խաւար կը թագաւորեն աստ . կ'ու-
զէք մնալ միշտ այսպիսի աշխարհի մէջ : Զեմ գի-
տեր ո՛ր իմաստուն մարդ կ'առնու յանձն թողուլ
երկնային փառաց քաղցր հայրենիքը եւ մնալ այս
մահուան խաւարին ձորոյն մէջ : Եթէ կը փափաքիք
եւ կը ջանաք այս բանաէն ելլելէն ետքը երթալ
երկնային բնակարանը , մի յապաղէք , եկէք առ
Փրկիչն Յիսուս որ լուայ զնեղ մեղաց աղտեղութե-
նէ , մի գուցէ մեռնելով ի մեղս ձեր՝ զրկեալ մնաք
յաւիտեան այն փառաց աշխարհէն :

Հանգուցեալ ծերունի մը որոյ հետ անցեալ շաբ-
թու առիթ ունեցայ խօսել երկնային հայրենեաց
վրայ՝ կը հաւատամ թէ այս օր իւր առաջին կիւրա-
կէն կ'անցունէ հոն այն լուսոյ եւ փառաց երկրին
մէջ :

Այս խօսքին վրայ խոր լուութիւն եղաւ Աղօթա-
րանին մէջ . եւ Քրիսթի կ'ըսէր մտքէն , «Անտարա-

կյս Թրէֆիի համար ըսաւ զայս քարոզիչը :

Թարովիչը յառաջ տարաւ խօսքն ըսելով . «Հան-
գուցեալ ծերունին , իրեւ մարդ , վարակեալ էր
մեղօք , բայց հաւատալով Փրկչին խստմանը՝ եկաւ
առ նա , լուացուեցաւ անոր արեամբը , եւ մաքրուե-
լով յաղոյոյ մեղաց՝ եղաւ սպիտակ իրեւ զգիւն :
Տէրը որ առատ է ողորմութեամբ՝ զրկեց իւր հրեշ-
տակն անցեալ գլշեր , առաւ այս վաստակեալ ծե-
րունին իրեն քով եւ հանգոյց զնա յօթեւանս ար-
դարոց . եւ որովհետեւ լուացուած եւ մաքրուած
էին անոր հոգւոյն արատները , մարգարտեայ դը-
րունք երկնից բացուեցան անոր , եւ ընդունուե-
ցաւ նա ի ներքս , եւ հիմա այն մեծ բազմութեան
հետ կը մատուցանէ փառք եւ գոհութիւն Գառին :

Թող իւրաքանչիւր ոք ձենէ ընէ իրեն սա
հարցումը . Եթէ յաջորդ կիւրակէ իմ մահուանս
լուրը եւս տրուի քարոզին , կարող պիտի ըլլայ
արդեօք նա եկեղեցւոյ բեմէն տալ սոյն վկայու-
թիւնը նաեւ ինծի համար : Կրնա՞ս , Քրիստոնեայ
բարեկամ , յուսալ վստահութեամբ թէ , երբ այն օր
հոս զինուորեալ եկեղեցին գովարանէ զԱստուած ,
եւ դու ի վերին հայրենիս Աստուծոյ աթուոյն առ-
ջեւ պիտի գովարանս զԱստուած՝ յաղթական ե-
կեղեցւոյ հետ : Սիրելիք , այս կարեւոր խնդրոյն
լուծումը կախեալ է սա երկու կէտերէն : Իւրա-
քանչիւր ոք գիտնալու է նախ թէ ճշմարտապէս
լուացուած , մաքրուած եւ սրբուած է Յիսուսի ա-
րեամբ . երկրորդ՝ ունենալու է ստոյդ վկայութիւն
յանձին թէ գացած է Փրկչին ոտքը եւ լսած է ա-
նոր բերնէն , 'Որդեակ , թողեալ են քեզ մեղք քո' :

Յետոյ քարոզիչը յորդորեց ունկնդիրները ծանրութեամբ փնտուել այս հարցմանց պատասխանը իւրաքանչիւր իւր խղճին մէջ : «Տա՞ր Աստուած , » ըստ , «որ տեսնէի զձեղ զամենեսին շնորհաց աթոռոյն առջեւ : Երբ իւր անհուն ողորմութեամբն առնու զիս իրեն քով , Հոն պիտի փնտուեմ զձեղ ամենքդ , եւ կը յուսամ թէ պիտի գտնեմ :

Այլ եւս չեմ յերկարեր խօսքս այս երեկոյ : Սիրոս յուղեալ է յոյժ : Երանի՛ թէ դուք ամենեքին ըլլայիք Գառին արեամբը լուացեալ եւ սպիտակացեալ իրեւ զձիւն : Երանի՛ թէ իւրաքանչիւր ոք ձենէ կարող ըլլար ըսել . «Ո՛վ Տէր , կը սիրեմ զքեզ , կը փափաքիմ ծառայել քեզ , մինչեւ իսկ կեանքս տալ քեզի համար : » Երանի՛ թէ կարող ըլլայիք ճշմարտութեամբ եւ խղճի մտօք ըսել ,

«Ի հանդերձ ձիւնազարդ
Մտնեմ փրկելոց քով .

Անբիծ , անպարտ ,

Անբիծ , անպարտ ,

Այն երկիրն ապահով : »

Քարոզիչն այսպէս վերջացուց քարոզը . եւ մինչ բազմութիւնը կ'ելէր Ալզօթարանէն , Քրիսթի չելաւ տեղէն , այլ կը նստէր մտախոհ , ձեռուըները երեսին վրայ : Երբ քարոզիչը եկաւ անոր քով եւ դրաւ ձեռքն անոր ուսին վրայ մեղմով , Քրիսթի վերցուց գլուխը , եւ անոր երեսը նայելով ըստ , «Կը փափաքիմ երթալ երկնային օթեւանը ուր գտնին մայրս եւ Թրէֆի , » եւ սկսաւ լալ :

Պատուելի Վիթըն անոր փոքրիկ ձեռքք բռնելով , «Քրիսթի , որդեակ , » ըստ , «Տէր Յիսուս չկամիր

արտաքսել զքեզ մարգարտեայ դուռներէն եւ թողուալ այս արտասուաց ձորին մէջ : յարմար ժամանակին զքեզ եւս կ'առնու ներս , բայց կը կամի որ ժամանակ մը աշխատիս իւր գործին մէջ մինչեւ գայ այն օրը : Եթէ կու տաս սիրով եւ յօժարութեամբ քու անձդ անոր գործին եւ կը ծառայես անոր , աւելի մեծ ուրախութեամբ կ'երթաս սրբոց երանելի բնակարանը : » Յետոյ ծունը դնելով աղօթեց , եւ յանձնեց զՔրիսթի խնամոց նորա որ Հայր է որբոց , Ալզօթքէն ետքը Քրիսթի բաւական փոխուած կ'երեւէր , անոր կսկիծը մեղմացած էր եւ սիրոց հանդարտաւած : Սրդարեւ աղօթքն է շնորհաց հզօրաւ գոյն միջոցներէն մին զոր սահմանած է Աստուծոյ ողորմութիւնը մանաւանդ վշտահար անձանց համար :

Ընթերցող , եթէ դու եւս Քրիսթիի պէս ցաւոց եւ վշտաց մէջ ես , դիր Տէրովը առջեւ քու բոլոր ցաւերդ : Եթէ ես յոգնած եւ բեռնաւորուած , նա կը հանգուցանէ զքեզ : Եթէ բարեկամներդ թողած են զքեզ , նա միշտ կը մնայ քեզ հաւատարիմ :

Քրիսթի բաժնուելով քարոզչն , գարձաւ սենեակը , բայց այս անգամ չունէր զոք որուն պատմէր քարոզը եւ երգը , ինչպէս ըրած էր անցեալ կիւրակէ երեկոյ : Թրէֆի արդէն փոխուած էր յաշխարէէս , անոր սառուցեալ եւ անկենդան գիսակը միայն կար սենեկին մէջ : Քրիսթի վայրիկ մի շփոթեալ կեցաւ սենեկին դրան առջեւ , չէր համարձակեր մտնել ներս , բայց երբ խորհեցաւ թէ Յիսուս անոր հետ էր , բացաւ դուռը , մտաւ ներս աներակիւզ , եւ տեսնելով որ հանգուցեալ ծերունւոյն

դէմքը որպէս թէ կը ժպտէր , վաղեց գնաց պատուհանին առջեւ , եւ վերցունելով աչուըները երկնից կամարին վրայ սփռեալ աստեղաց , սկսաւ խորհել այսպէս . «Արդեօք հիմա թրէֆի ի՞նչ կ'ընէ վերը , ի՞նչ մեծ բախտ է այսպիսի մթին եւ անշուք վերնայարկէ փոխուիլ յերկինս : Ի՞նչ երանելի վիճակ : Արդեօք թրէֆի բան մը կ'ըսէ՞ Յիսուսի ինծի համար : » Մինչ Քրիսթի կը խորհէր այսպէս երկնային հայրենեաց վրայ , ծունր գնելով պատուհանին առջեւ ըրաւ սա համառօտ աղօթքը . «Ո՛վ Տէր Յիսուս , ողսորմէ ինձ : Ո՛վ , Տէր , կ'աղաւեմ , ա՛ռ եւ զիս քու քովդ . առիր մայրս երկնային օթեւանը , նաեւ զթրէֆի , ա՛ռ եւ զիս , Տէր , ա՛ռ եւ զիս . Ամէն : »

ԳԼՈՒԽ ՄԵՏԱՍԱՆԵՐՈՐԴ

ՄԻԱՅԱԿ ՑԱՇԽԱՐՀԻ

Դագաղը եւ յուղարկաւորութեան կառքը զոր ունէր եկեղեցին աղքատաց համար՝ զրկուեցան երկուշաբթի օր , եւ թրէֆիի մարմինը տարուեցաւ գերեզմաննոց : Որովհետեւ թրէֆի չունէր բարեկամներ որ գային անոր յուղարկանորութեանը , պատանեակն Քրիսթի կատարեց նաեւ այս վերջին պարագը , երթալով միայնակ կառաց ետեւէն : Երբ մարդուն հոգին երկինք կը փոխուի հրեշտակաց ձեռօք եւ կը խառնուի փրկելոց մեծ բազմութեան մէջ Աստուծոյ աթոռոյն առջեւ , անշունչ մարմնոյն թո-

զումը երկրի վրայ , թէ՛ չքեղ ըլլայ եւ թէ՛ անշուք , ամեննեւին ազդեցութիւն չըներ անոր յաւիտենական երանութեանը : Թրէֆի , ազատելով աշխարհիս ցաւերէն եւ նեղութիւններէն , կը հանգչէր յերկինս՝ յագենալով Աստուծոյ փառաց լււսով . ուստի անոր անշուք թաղումը չէր կրնար ոչ յաւելուկ եւ ոչ նուազեցունել անոր երջանկութիւնը :

Կառապանը կատարելով իւր գործը ետ դառնալու համար վաղ , այնպէս արագ կը վարէր կառքը , որ Քրիսթի ստիպուած էր վազել կառքին ետեւէն : Մինչ այսպէս տագնապատ կ'երթար Քրիսթի , ճամբան հանդիպեցաւ ուրիշ ննջեցելոյ . բայց ասոր յուղարկաւորութիւնը ծանր եւ փառաւոր էր : Կառքն էր մեծաշուք եւ զեղեցիկ յոյժ , եւ կ'երթար հանդարտ , եւ անոր ետեւէն ուրիշ վեց կառքի մարդկամբ , որ շատ տիսուր կ'երեւէին , ումանք նաեւ կ'արտասուէին , մանաւանդ փոքրիկ օրիորդ մը , որոց տիսուր կերպարանքը մեծ ազդեցութիւն ըրաւ Քրիսթիի :

Այս փոքրիկ օրիորդն էր Մէյալլ , որ գլուխը իւր հօրը ուսովն վրայ գրած՝ արտում եւ անմխիթար կը նայէր կառքին պատուհանէն դուրս :

Քրիսթի ըսաւ մոռքէն . «Կարծեմ թէ Մէյալլի մօր յուղարկաւորութիւնն է այս . այս տիկինը ծանր հիւանդ էր , մեռած է անտարակոյս : Բա՛րէ , Աստուծուած իմ , ո՛րչափ լի է ցաւօք եւ հեծութեամբ աշխարհս : »

Այսպէս այս երկու ննջեցեալք տարուեցան գերեզման . անոնց հոգեղէն նշխարներն ամփափաւեցան ի հող , եւ կարդացուեցաւ անոնց վրայ վճիռը ,

«Հող էիր, եւ ի հող դարձցիս : » Բայց հոգիք նոցա
անցած էին ի վեր, անդր քան զաւման ցաւոց եւ
վշտաց, եւ արժանացեալ յաւէրժ երանութեան :
Սոքա երկոքին, Թրէֆի եւ տիկինը, իբր երեք օր
առաջ, գրեթէ ի մի եւ ի նոյն ժամու թողած էին
իրենց երկրաւոր բնակութիւնը, Թրէֆի իւր վեր-
նայարկի մթին սենեակը, եւ Մէյալի մայրն իւր
փառաւոր տունը, հանդիպած էին իրարու վերին
հայրենեաց մարդարաեայ դրանց առջեւ, եւ որով-
հետեւ երկոքին եւս լուացուած եւ մաքրուած էին
արեամբ Գառին, այն մարդարաեայ դրունք խսկյն
բացուած էին անոնց, եւ ինքեանք մանելով ներս
եւ տեսնելով բարերար Փրկիչը՝ լցուած էին ան-
սպատում խնդութեամբ :

Յետ մահուան Թրէֆի, տանուտէր տիկինը վար-
ձու տուաւ վերնայարկի սենեակն ուրիշի, եւ Քրիս-
թի ստիպուեցաւ ելլել անկէ, բայց յաջողեցաւ
հրաման առնուել տիկնոջէն պառկել գետնայարկի
մեծ սենեակը :

Որտէնեաւ Թրէֆի բաւական ժամանակէ հետէ
անկարող եղած էր հատուցանել սենեկին վարձքը,
տանուտէր տիկինն առաւ անոր կարասիները, էին
նուագարանը միայն մնաց Քրիսթիի, քանզի Թրէ-
ֆի, մեռնելէն շաբաթ մը առաջ, կոչելով զՔրիսթի՝
անոր տուած էր նուագարանը կտակաւ, ըսելով,
«Քրիսթի, որդեակ, հոգ առ այս նուագարանիս .
ի յիշատակ իմ սիրոյս պահէ զայն, եւ մի տար ու-
րիշի : Երբ կը հնչեցունես մեր սիրելի եղանակը, 'Ռ'
հայրենիք, քաղցր հայրենիք, ' յիշէ զիս եւ մայրդ,
յիշէ նաեւ որ մենք այն քաղցր հայրենիքն ենք :

Յետ մահուան ծերունւոյն, Երբ առաջին անդամ
փողոց պիտի երթար Քրիսթի նուագարանու, մեծ
գժուարութիւն զգաց : Դիւրին չէր անոր ընել զոյս
առանց յուզման, ինչպէս եղաւ իսկ : Երբ հնչեցուց
կարգաւ առաջին երեք եղանակները եւ կարգը ե-
կաւ չորրորդին, այն է՝ եղանակին «Ռ' հայրենիք,
քաղցր հայրենիք, » չկրցաւ բռնել զինք, սկսաւ լոլ:
Փողոցի մարդիկ որ ունենդիր էին անոր՝ աեսնելով
որ Քրիսթի այսպէս յանկարծ դագրեցունելով նուա-
գարանը կու լոր : Կը զարմանային, զգիսնալով
պատճառը : Քրիսթի միայն գիտէր թէ ընդէր կ'ար-
տասուէր այնպէս դառն : Երբ Քրիսթի սկսաւ հնչե-
ցունել այն եղանակը, յանկարծ յիշեց թէ իւր մի
միայն բարեկամը զոր ունէր յաշխարհի՝ ննջած եւ
փոխուած էր յաշխարհէ ի վերին հայրենիս, նոյն-
պէս մայրը յառաջ քան զնո, եւ ինք մնացած էր
յաշխարհի որբ եւ անպատճան : Մինչ այսպէս կը
խորհէր սրտառուչ, յանկարծ վերցուց աչուցներն
յերկինս, եւ խնդրեց օգնութիւն Յիսուս :

Թրէֆիի մահուանին իրեւ մի շարաթ ետքը Քը-
րիսթի որոշեց երթալ տեսնել փոքրիկ օրիսրդը, Մէյ-
պըլ, քանզի Մէյալի տիսուր դէմքը զոր տեսած
էր յուղարկաւորութեան օրը՝ գրեթէ միշտ անոր
աշաց առջեւն էր : Իբրեւ զմեզ վշտացելոց վշտա-
կից ըլլալ՝ մեզ եւս օգտակար է : Քրիսթի կը խոր-
հէր թէ ինք եւս շատ պիտի միսիթարուէր, եթէ
երթար եւ տեսնէր զՄէյպըլ, եւ լսէր անկէ, թէ
ինչպէս եւ երբ փոխեցաւ անոր մայրն աշխարհէս :

Արդ Քրիսթի գնաց արտարձանը ուր էր Մէյ-
պըլի մեծ եւ գեղեցիկ տունը, բայց երբ մօտեցաւ

տանը , անդեցաւ մեաց : Տանը պարտիզին գեղեցիկ ծաղիկները կը չողային արեգական ճառագայթներէն , եւ թռչունք ծառերուն վրայ կ'երգէին քաղցրաձայն , բայց խոր լսութիւն եւ տիսրութիւն կը տիրէր տանը մէջ : Ոչ ոք կ'երեւէր պատուհաններուն առջեւ , որ ծածկուած էին վարագոյրներով :

Քրիսթի բաւական ժամանակ պարտիզին առջեւ կենալով նայեցաւ վեր , եւ չտեսնելով մարդ՝ սկսաւ հնչեցունել նուագարանը , յուսալով թէ տղյոյք առնլով նուագարանին ձայնը , թերեւս գային դուրս . բայց եկող չեղաւ : Յոյսը կտրելով գնաց հնչեցուց խոհանոցին դրան զանգակը : Կին մը գլուխը դուրս հանելով խոհանոցին պատուհանէն , հարցուց թէ ինչ կ'ուզէր :

«Կրնա՞մ , » ըստ Քրիսթի , « տեսնել զօրիսրդ Մէյլը՛ : »

«Այո՞ , » ըստ տիկինը , « կրնաս տեսնել , եթէ երթաս Գաղիա ։ »

«Գաղիա՞ , » ըստ Քրիսթի :

«Այո , Գաղիա , » ըստ գարձեալ կինը , « քանզի մեր տէրը Գաղիա գնաց լնտանեօք . Հոն պիտի անցունէ ամառը : » Զայս ըսելով դոցեց կինը պատուհանը եւ գնաց ներս :

Քրիսթի քանի մը բոլէ կենալով լոիկ դրան տուշեւ , գարձաւ ետ արամած՝ ի զուր գալուն համար այնչափ երկայն ճամբայ ամառուան այն տաք օրը : Քրիսթի նուագարանը շալկած կ'երթար վշտագին , խորհելով թէ մայրը վաղուց թողած էր զնա որբ , մեռած էր նաեւ թրէքի , իւր հին բարեկամը , ինչու նաեւ Մէյլըի մայրը : Անոնք մտած էին իրենց յա-

վատենական հանգիստը , իսկ այն երկու տղայք զորս այնչափ կը սիրէր՝ մեկնած էին օտար երկիր : Սյապիսի տիսուր խորհուրդներով նեղեալ , նաեւ սաստիկ յոգնած , տեսաւ թէ պիտի չկրնար օրուան տօթակէզ ժամերուն շրջել փողոցները նուագարանով , տատի որոշեց երթալ տուն , թէպէտ դեռկանուխ էր : Զիարդ եւ իցէ գարձաւ տուն , եւ այն ինչ ներս զրած էր ոտքը մեծ սենեկին դուռնէն , տիկին Հուայթ , այս էր տանուտէր տիկնոջ անունը , կ'աւլէր սենեակը , եւ նեղանալով ըստ Քրիսթիի , «Դուրս ել , գուրս ել , այս ժամանակ չեմ կրնար ընդունել զքեզ ներս : » Քրիսթի սաստիկ վշտանալով , իսկոյն ելու զնաց տունէն : Բայց սրովկետեւ շատ յօգնած էր եւ չունէր կարուցութիւն քալելու , գնաց տանհճին փողոց մը եւ բարձր պատի մը շուքին տակ նստաւ : Զիրնալով սակայն հոն եւս հանգիստ գտնել , քանզի դող մը եւ սաստիկ գլխացաւ եկաւ անոր վրայ , եւ կը նեղուէր չարաչար : Քիչ մը առաջ սաստիկ չերմութիւն կ'զգար մարմնոյն մէջ , հիմա սկսաւ մնել եւ գողալ , ուստի գնաց նստաւ արեւոս անկիւն մը , բայց այս եւս օգուտ չըրաւ . երթալով կ'աւելնար դողը : Քրիսթի դեռ հիւանդացած չէր , եւ չէր գիտէր թէ ինչ եղաւ իրեն , եւ ինչ պատճառաւ կը ցաւէր զլուխը : Այսպէս մեաց հոն մինչեւ երեկոյ , եւ երբ արեւն սկսաւ մարը մտնել , ճամիւայ ելու եւ հազիւ կրցաւ գալ տուն , մինչ տիկին Հուայթ կը պատրաստէր սեղանը մեծ սենեկին մէջ երեկոյեան ճաշուն համար : Երբ Քրիսթի մտաւ ներս , տիկինը քիչ մը հաց տուաւանոր , բայց Քրիսթի հիւանդ էր , եւ չունէր ա-

խորժակ , ուստի առանց բան մը ուտելու գնաց
պառկել սենեկին մէջ անկիւն մը , եւ քնացաւ :

Երբ արթնցաւ քիչ մը ետքը , տեսաւ սենեկին
մէջ բազմութիւն մարդկան որ կ'ուտէին , կը խմէ-
ին , կը խօսէին եւ կը ծիծաղէին բարձրաձայն : Քը-
րիսթի այլ եւս չկրցաւ քնանալ ոչ միայն անոնց ա-
զաղակին , այլ եւ յիշոցներէն եւ անհամեստ խօ-
սակցութենէն որ զզուելի էրն Քրիսթիի զգաստ
լսելեաց :

Քրիսթի ունէր սաստիկ ցաւ գլխոյ , կը զգար թէ
ծանր հիւանդ էր : «Երանի թէ , » կ'ըսէր մտքին ,
ոքնէր ոք զիս առանձին խցիկ մը ուր պառկէի հան-
դարտ , ազատ այս մարդոց աղմկին , յիշոցներէն եւ
անալարկեցտ ցուցերէն : Ո՛վ թրէ ֆի , թրէ ֆի , ի՞նչ
երջանիկ ես հիմա . ո՛րչափ տարբեր է քաղցր հայ-
րինիքն ուր դուն կը գտնուիս արդ՝ այս սենեկէս ,
եւ ո՛րչափ տարբեր են այն երանելի հոգիները ո-
րոց հետ ես հիմա՝ այս ցոփ եւ տնզգայ ամրուխէն
որմէ կը նեղուիմ այսչափ : Զկայ , չկայ տեղ մը
նման այն հայրենեաց , վայ ինձ որ դեռ հեռու եմ
անկէ : »

Այսպէս անցուց Քրիսթի այն գիշերը :

ԳԼՈՒԽ ԵՐԿՈՏԱՍԱՆՆԵՐՈՐԴԻ

ՔՐԻՍԹԻՒ ՅԱԶՈՂՈՒԹԻՒՆԵՐ

Ի գաղիւն մինչ տիկին Հուայթ կը պատրաստէր
առաւօտեան ճաշը , սենեակը վարձողներէն մին
հարցուց անոր , «Այս տղան ի՞նչ ունի : » «կար-
ծեմ , » ըսաւ ուրիշ մը , ասաստիկ տենդ ունի . Քը-
նոյն մէջ կը խօսէր ստէպ իբրհւ զառանցեալ : Ակ-
ռայիս ցաւէն եւ ասոր անդադար խօսեէն , աչքս
բուն չտեսաւ զրեթէ բոլոր գիշերը : »

Ի՞նչ կ'ըսէր քունին մէջ , » հարցուց երրորդ մը :

«Այլ եւ այլ բաներ , կամ մանաւանդ երազներ , »
ըսաւ մարդը որոյ ակռան կը ցաւէր . «զոր օրինակ ,
պայծառ քաղաք , յուղարկաւորութիւն , ծիւնածա-
ղիկ եւ ուրիշ աստնց նման ցնորք . անգամ մը ե-
լաւ ոտք եւ սկսաւ երգել : Դուք ի՞նչպէս չլսեցիք : »

«Ես իսկոյն քնացայ , » ըսաւ ընկերը , «վասն զի
շատ յոգնած էի , եւ առաւօտ էր երբ արթնցայ :
Բայց ի՞նչ էր տղուն երգը : »

«Նուագարանին եղանակներէն , » ըսաւ միւսը ,
«կարծեմ ոս եղանակը , Ո՛հ հայրենիք , քա՛ղցր հայ-
րինիք : Այնչափ կը հնչեցունէ նուագարանը ցորեկ-
ները փողցէ փողց պտտելով , որ եղանակները
տպաւորուած են անոր մտքին մէջ , մանաւանդ այս
երգին եղանակը , այնակէս որ քնոյ մէջ անգամ
մտքէն չերթար : »

«Տիկին , » ըսաւ ուրիշ մը տանուտէր կնոջը , «ե-
թէ այս տղան տենդ ունի , պարտիս հանել զնա
այս սենեկէն . ապա թէ ոչ ի վտանգի ենք ամէնքս
բոնուելու այն ախտէն : »

Երբ սենեկին մարդիկը գացին՝ իւրաքանչիւր իւր գործին, տիկին Հուայթ արթնցուց զՔրիսթի, որ աշուըները բացաւ եւ կը նայէր տիկնոջ երեսը, բայց ճանչցաւ զնու, քանզի կորուսած էր ըզգայութիւնը։ Տիկին Հուայթ ահսնելով որ ծանր հիւանդ էր պատանին, կը խղճէր տունէն գուրս հանել զնա այնպէս հիւանդ, ուստի սանդղին տակ փոքր եւ մութ սենեկի մը մէջ անկողին պատրաստեց, եւ տարաւ պառկեցուց հոն հիւանդ պատանեակը։»

Քանի մը օր Քրիսթի կենաց եւ մահու մէջ կը տատանէր. կորուսած ըլլալով զգայութիւնը՝ չէր գիտակ ոչ անձին եւ ոչ տանուտէր տիկնոջը որ ստէպ կու գար անոր քով։ Բայց այս անզգայութեան մէջ անգամ, երբեմն երբեմն կը մրմնջէր, «Ո՛ հայրենիք, քաղցր հայրենիք։» Տիկին Հուայթ կը զարմանար որ Քրիսթի, թէ պէտ այնպէս անըզգայ, կը կրկնէր յաճախ այն բառերը։ Զէր գիտեր տիկինը թէ Քրիսթի հոգին, այն վտանգաւոր հիւանդութեան մէջ անգամ, կը փափաքէր երկնային հայրենեաց։

Քրիսթի սկսաւ տակաւ ապաքինել։ Տենդէն ազատեցաւ, եւ կրնար նստել անկողնոյն մէջ, բայց թշուառ պատանին ուրիշ այցելու չունէր բայց միայն տանուտէր տիկինը, որ երբեմն երբեմն կու գար տեսնել զնա, քանզի շատ զբացեալ էր։ Այսպէս Քրիսթի սափուած ըլլալով մնալ առանձին, այն մութ խցկան մէջ՝ շատ կը նեղանար։ Սենեկին փոքրիկ պատուհանէն ոչ երկնք կը տեսնէր եւ ոչ ուրիշ տեղ, բայց միայն աղօտ լոյս։ Դուրս ելլելու

կարտղ չէր, եւ չունէր բարեկամ որ գոնէ երբեմն գար տեսնել զնա, ուստի տրտութեամբ կը նստէր անկողնոյն մէջ։ Այս տիսուր տուանձութիւնն արդարեւ անտանելի պիտի ըլլար այս որբ պատանեկին, եթէ չտնենար ուրիշ աներեւոյթ բարեկամ մը, այն է զՔրիստոս իւր Փրկիչը, զոր հոգւոյ առօք կը տեսնէր միշտ իրեն մօտ։ Այս հաւատարիմ բարեկամը, բաւական էր, իւր հոգեւոր ներկայութեամբ, միսիթարել զնա եւ զօրացունել։ Իւր այս ախուր օրերուն մէջ Քրիսթի շատ անգամ կը յիշէր սա խօսքը զոր Պատ. Վիլթըն կարգացած էր անոր անգամ մը Յովհաննու Աւետարանէն, «Զեր սիրտերը չխոռովին. հաւատացէք յԱստուած, եւ յիս հաւատացէք։» Ցիկելով այս խօսքը կը մսոնար տմէն վիշտ, եւ կը միսիթարուէր մեծապէս։

Մեծ ցու էր սակայն Քրիսթիի, որ իւր սիրելի քարոզիչը չեկաւ տեսնել զնա գոնէ անգամ մը այն ժանր հիւանդութեան տաենք։ Նաեւ մեծ սենեկին վարձուորներէն ոչ ոք եկած էր անոր. տիկին Հուայթ եւս որ յաճախ կու գար՝ ձանձրացած կը թուէր։

Օր մը կէս օրէն ետքը Քրիսթի թեթեւ ջերմ զգալով՝ երբ մտաւ անկողին եւ կը խորհէր այս բաներուն վրայ, սրտին նեղութենէն գրեթէ տկամայ յոզւոց հանելով գոչեց այսպէս, «Տէր Թիսուս, կ'աղացեմ, դրէկ ինձ այցելու մը։»

Այն ինչ ըրու Քրիսթի այս կարճ աղօթքը, Պատուելի Վիլթըն բանալով սենեկին դուռը մտաւ ներս։ Քրիսթի տեսնելով քարոզիչը իսկոյն երկնցուց ձեռքը դէպ դէպ ի նա եւ սկսաւ լալ ուրախութենէն։

«Կու լա՞ս , Քրիսթի , » ըստ Պատուելի Վիլթըն , «չէ՞ր փափաքեր տեսնել զիս : »

«Այո՛ , տէր , » ըստ Քրիսթի , «կը փափաքէի եւ կը սպասէի , բայց որովհետեւ չերեւցաք , մնացի յուսահատ եւ արտում , եւ հիմա տեսնելով զձեզ կու լամ ուրախութենէս : »

Պատուելի Վիլթըն իմացուց Քրիսթի թէ ընդէր չիրցաւ գալ : «Քրիսթի , » ըստ , «չէի գիտեր թէ հիւանդ ես , եւ չէի կրնար գիտնալ , քանզի հոս չէի : Անցեալ շաբթու մէջ դարձայ քաղաք , եւ երէկ իրիկուն չտեսնելով զքեզ աղօթարանը , հարցուցի դռնապանին , եւ լսելով թէ իմ մեկնելէս ետքը եկած չիր աղօթքի , փութացայ գալ տեսնել զեհզ անձամբ եւ իմանալ պատճառը : »

Քրիսթի տեսնելով թէ Պատուելի Վիլթըն մոռցած չէր զնա՝ միսիթարուեցաւ , եւ զուարթացան երեսները :

Պատուելի Վիլթըն միսիթարելէ եւ իրատելէ ետքը զՔրիսթի՝ հանելով զրապանէն նամակ մը , ըստ , «Քրիսթի , բարեկամ մը գրած է ինձ այս նամակը քեզի համար . դուն չես ճանչնար գրողը , բայց կը ճանչնաս անոր աղջիկը , Մէյսլը , հիմա լսէ գրուածը քեզի համար : » Զայս ըսելով քարոզիչը կարդաց նամակը որոյ պատճէնն էր այս .

«Առ Պատ . Վիլթըն .

«Սիրելի տէր ,

«Այզի Քօրդ պանդոկը , փողոց Բէրոի , աղքատ պատանի մը կայ , Քրիսթի անուն , հօրէ եւ մօրէ որբ , որ կը պատէի ծերունի նուագածուի մը սենեակը : Կը լսեմ թէ ծերունին մեռած է քանի մը

չաբաթ առաջ : Հանգուցեալ կինս կը սիրէր այս պատանին . եւ գուստորս Մէյսլը յաճախս կը յիշէ զնա : Պատանին թերեւս մնացած է հիմա անուք եւ անուբեք : Եթէ փնտուելով գտնէք այս որբ պատանին եւ յանձնէք զնա բարեպաշտ գերդաստանի մը խնամոց , որպէս զի հոգացուի իբրեւ որդի , մեծ չնորհք կ'ընէք ինձ : »

«Ահա կը դնեմ նամակիս մէջ փոխանակագիր մը պատանեւոյն կերակրոյ եւ դպրոցի ծախուց համար : Թողլ երկու կամ երեք տարի երթաց դպրոց մը , յետոյ , եթէ տեսնուի թէ ունի փափաք աշխատելու Քրիստոսի գործին մէջ , ունիմ գիտաւորութիւն զնել զնա բարձրագոյն դպրոց մը , որպէս զի կարենայ քու թեմիդ աղքատներուն մէջ շրջել , քարոզել եւ մեկնել Սուրբ զիրքը : Այսպէս կը խորհէր եւ կը փափաքէր հանգուցեալ սիրելի կինս , եւ մինչ կենդանի էր , որոշած էր այդ որբ պատանին տալ կըթել եւ դաստիարակել իւր ծախիւք : Ես զիտնալով զայս եւ կամելով կատարել անոր փափաքը , որոցեցի պատանեւոյն ապրուստի եւ դաստիարակութեան ծախին հոգալ :

«Կը յուսամ թէ սիրով կ'առնուք յանձն այս աշխատութիւնը , քանզի չուզեցի թողուլ այս գործը մինչեւ իմ գարձս , թերեւս ուրիշ գործերով զբաղի պատանին , եւ դժուարին ըլլայ ինձ գտնել զնա : Իմ տիկնոջս վերջին այցելութիւնը եղաւ այս պատանեւոյն եւ անոր բարեկամ ծերունեւոյն վերնայարեկ այն մութ սենեկին մէջ : Այսպէս ի սէր բարեմշատակ կնօշս , եւ մանաւանդ ի սէր մեր մտրդաւէր Փրկչին որ կ'ըսէ , «Որովհետեւ այս իմ եղբայր-

ներուս փոքրագոյններէն միոյն ըրիք , ինձ ըրիք , »
նուիրական պարտք կը համարիմ ինձ այս որբ եւ
անաէր պատանւոյն ալլրուստին եւ դաստիարակու-
թեան հոգն առնուլ իմ վրաս : Ողջ լերուք :

Հաւատարիմ բարեկամ ձեր

ձերԱ.Տ ԼԻՆՏԵՑ»

«Տեսա՞ր հիմա , Քրիսթի , » ըսաւ քարոզիչը , վ' նչ
մեծ շնորհք ըրաւ քեզ Յիսուս :

«Այս՝ , կը տեսնեմ , » ըսաւ Քրիսթի , « կը տես-
նեմ նաև որ ճիշդ էր Թրէֆիի խօսքը : »

«Մը խօսքը , » հարցուց քարոզիչը :

«Ես արդ ծերացած եմ , կ' ըսէր Թրէֆի , » պա-
տասխանեց Քրիսթի , « Յիսուսի համար աշխատելու
կարողութիւն չունիմ , ուստի եւ Յիսուս կը կոչէ
զիս յերկինս , բայց գուն գեռ երիտասարդ ես ,
Յիսուս ունի գործ քեզ յանձնելու , եւ գուն կրնաս
եւ պարտիս կատարել զայն : »

«Այս , » ըսաւ քարոզիչը , « շատ ճշմարիտ է այս ,
եւ աշա՛ Յիսուս կը կոչէ զեեզ իւր փառաւոր գոր-
ծին : Մատուցանենք անոր մեր շնորհակալութիւնն
այս մեծ բարութեանը համար : »

Քարոզիչը ծունդ դնելով ազօթեց , եւ այն ինչ
ըսած էր Ամէնը , Քրիսթի ոկսաւ կրկնել ազօթքը ,
«Ով Տէր Յիսուս , կը գոհանամ քենէ եւ շնորհակալ
եմ որ հաճեցար շնորհել ինձ այս միջոցը , որով կա-
րենամ պատրաստուիլ աշխատելու քու գործիդ մէջ :
Ով Տէր , ես ուրախութեամբ կը մնամ աշխարհիս
վրայ , արքայութեան մարդարանեայ դուռաներէն
գուրո՞ աշխատելու համար ժամանակ մը քու գոր-

ծիդ մէջ , սրակէս զի կարող ըլլամ արդեամբ ցուց-
ել սէրս առ քեզ . Ամէն :

Մինչ կը մեկնէր քարոզիչը , ըսաւ Քրիսթիի ,
«Քրիսթի , շատ գոհ եմ , բարի է փափաքդ , գործէ
Յիսուսի գործը , նա յարմար ժամանակին կ' լնդու-
նի զեեզ եւս այն մարդարանեայ դուռաներէն ներս :

«Այս՝ , այս՝ , » ըսաւ Քրիսթի ուրախութեամբ ,
«Յիսուս օր մը պիտի առնու եւ զիս իրեն քով կե-
րին քաղցր հայրենիքը : »

ԳԼՈՒԽ ԵՐԵՔՏԱՍԱՆԵՐՈՐԴ.

ՔՐԻՍԹԻ ԱՇԽԱՏՈՒԹԻՒՆԸ ՏԷՐՈԶԸ ԳՈՐԾԻՆ ՄԷՋ

Ամարտւան ատք օր մը կէս օրէն ետքը Քրիսթի
կերթար գէպ իւր առաջին բնակութեան տունը որ
կը կոչուէր Այլի : Մինչ կ' անցնէր նեղ , աղաքի եւ
փոշոտ փողոցէն , խաղացող աղքատ եւ անկիրթ
տղայոց աղաղակը կը գոռացանէր օղը , այնպէս որ
անցնողին ականջները կը խլանային : Երբ Քրիսթի
Սուրբ գիրք կարդալու եւ մեկնելու գործով կը
շրջէր տուները , աւելի կը սիրէր երթալ իւր նախ-
կին տունը , քանզի նշանաւոր անցքեր կապած էին
անոր սիրտն այն տան : Մօրը մեռնելին ետքը այն
տունն էր առաջին բնակարանն ուր համարձակեցաւ
մտնել եւ պատկիլ զրանը մէջ : Հոն լսելով իւր հան-
գուցեալ մօր սիրելի երգին եղանակը , «Ո՛ հայրե-
նիք , քաղցր հայրենիք , » գիշերը սոտնլով սահ-
գուղներէն վեր ելած էր ունկնդիր ըլլալու , մինչ
Թրէֆի կը հնչեցունէր այն եղանակը իւր նուագա-

բանով։ Այս առթիւ բարեկամացած թրէֆիի եւ
այնչափ ժամանակ ապրած էր անոր հետ։ Զէր
մոռնար մանաւանդ թրէֆիի վերջին գիշերը, երբ
ինք հնչեցուցած էր եղանակը «Ո՛ հայրենիք, քաղ-
լիք հայրենիք։» Զէր անցնէր օր, օր Քրիստի
ցը հայրենիք։» Զէր անցնէր օր, օր Քրիստի
ցնուագէր այս սիրելի եղանակն այն հին նուագա-
ռանաւ։ Բատ կտակին թրէֆիի, Քրիստի մինչեւ
ցարդ պահած էր խնամով հին նուագարանը, զո՞ր
երբեմն երբեմն կը հնչեցունէր, յիշելու համար այն
անցեալ դէսկերը։ Նաեւ Մէյլըլ գալով յայցելու-
թիւն Քրիստիի, չչի մեկներ սենեկին առանց քա-
նի մը անգամ դարձունելու նուագարանին գաստա-
կը, նորոգելու համար իւր մտաց մէջ անցելոյն
կը, Մէյլըլ ամուսնացած ըլլալով Պատ-
յիշտակները։ Մէյլըլ ամուսնացած ըլլալով Պատ-
յիշտակների հետ օր խնամակալ կարգուած էր
Քրիստիի նոր պաշտօնին վրայ, ընդհանրապէս կը
կոչուէր Տիկին Վիլյէր, բայց Քրիստի կ'ընտրէր
մանաւանդ կոչչել զնա Օրիորդ Մէյլըլ, եւ այնպէս
կը կոչչեր զնա շատ անգամ։ Երբ Քրիստի հիւանդ
կը տեսնէր տուներուն մէջ որոց յայցելութիւն կ'ը-
կը տեսնէր տուներուն մէջ որոց յայցելութիւն կ'ը-
կը, կու գար խմացունել ափկին Վիլյէրի, որ փա-
նէր, կու գար իմացունել ափկին Վիլյէրի, որ փա-
նէր, կու գար իմացունել ափկին Վիլյէրի, որ փա-
նէր, կու գար իմացունել ափկին Վիլյէրի, որ փա-

շաւ, քանզի տեսած էր զնա շատ տարիներ ա-
ռաջ նոյն սենեկին մէջ։ բայց շատ տարբեր պա-
րագաներու մէջ, ուստի հարցուց անոր, «Քրիստի,
կը յիշե՞ս որ անգամ մը տեսնուած ենք ոյս սենե-
կին մէջ։»

«Այո՛, կը յիշեմ,» ըստ Քրիստի, «շատ աղէկ
կը յիշեմ նաեւ մեր խօսակցութիւնը երկնային հայ-
րենեաց վրայ, ուր մենէ երկուք արդէն գացին
հանգչել։»

«Այո՛», ըստ տիկին Նիլյէր սրբելով արտօսրը
որ կը վազէր աչուըներէն։ «նոքա գացին վերին
քաղցր հայրենիքը, եւ մեզ կ'սպասեն հոն։»

Արդէն շատ տարիներ անցած էին, եւ այն վեր-
նայարկի հին եւ միթին սենետակն աւելի հնացած եւ
անշքացած էր։ Պատուհանին փեղկը փտած ինկած
էր, ապակիներէն տանք կոտրած էին, եւ անոնց
տեղ թուղթ փակուած էր, գետնի տախտակներն
անգամ փտած եւ խախտած էին, միով բանիւ սե-
նեկին տմէն դի գրեթէ աւերակ էր։ Քրիստի գնաց
հիւանդ կնոջ քով օր նոտած էր վառարանին քով
աթուի վրայ, եւ սկսաւ խօսել անոր հետ, բայց
սենեկին միւս կողմը խաղացող չորս տղայոց ձայնը
չէր թողուր հասկանալ կնոջը խօսքը։

Քրիստի հարցուց անոր, «Տիկին, այս օր ի՞նչ-
պէս էք, բաւական աղէ՞կ էք։»

«Ոչ, տէր,» ըստ հիւանդ ափկինը, «աղէկ չեմ
եւ չունիմ յոյս թէ աղէկ պիտի ըլլամ։»

«Ըրի՞ք ինչ որ պատուիրեցի ձեզ,» ըստ Քր-
իստի։

«Այո՛, տէր,» ըստ հիւանդ կինը, «շատ ան-

գամ կրկնեցի , բայց որչափ կը կրկնեմ , այնչափ
աւելի թշուառ եւ ողորմելի կը գտնեմ զիս :

«Քրիսթի , » ըստ տիկին Վիլյէլը , «Ի՞նչ էր ուս-
տուերդ :

«Սորվեցուցի անոր սա կարճ աղօթքը , «Շնորհէ՝
ինձ , Տէր , զՀոգիդ քո Սուրբ , որ ճանչցունէ ինձ
ճշգիւ իմ վիճակս' . եւ պատուիրեցի օրը քանի մը
անգամ կրկնել զայն , » ըստ Քրիսթի :

«Տէր , » ըստ հիւանդ լինը , «կը թուի ինձ թէ
Աստուած լսոծ եւ ընդունած է աղօթքս , քանզի
ես ցարդ չէի գիտեր թէ այսչափ մեծ մեղաւոր
եմ : Երբ կը նստիմ գիշերը անկողնոյս մէջ , եւ ցո-
րեկն այս վառարանին առջեւ , միշտ կը խորհիմ մե-
ղաց քրայ , եւ որչափ կը խորհիմ այնչափ աւելի
կը համազուիմ թէ եմ մեղաւոր :

«Տիկին , » ըստ Քրիսթի , «ես այսօր ուրիշ ա-
ղօթք մը բերի ձեզի համար , եւ որպէս զի դիրաւ
ուսանիք զայն , գրեցի թուղթի վրայ մեծամեծ
տառերով : Այս աղօթքը կարծ եւ դիրին է ա-
ռաջնոյն պէս , ահաւասիկ կարդամ . «Շնորհէ ինձ ,
Աստուած իմ , զՀոգիդ քո Սուրբ , որպէս զի յայտ-
նէ ինձ թէ ինչպիսի Փրկիչ է Յիսուս : Բերնուց
սորվեցէք եւ ըրէք այս աղօթքը եռանդեամբ : Աստ-
ուած լսեց ձեր առաջին աղօթքը . կինաք յուսուլ
թէ պիտի լոէ նաեւ այս երկրորդը : Եթէ Աստուած
իւր անհուն բարութեամբը լու եւ ընդունի ձեր այս
երկրորդ ինդիբը եւ յայտնէ ձեզ թէ ինչպիսի Փրկ-
իչ է Յիսուս , կը փարատի ցաւը զոր կը զգուք ձեր
որտին մէջ ձեր մեղացը համար , քանզի կը գիւտնաք
թէ Յիսուս ոչ միայն պատրաստ է ներել ձեր մեղ-

քերն , այլ եւ անոնց պատիժը իւր վրայ առած է
կամաւ :

Անատեն հիւանդ կինը քանի մը անգամ կրկնեց
աղօթքը զոր Քրիսթի սորվեցուց : Յետոյ տիկին
Վիլյէլը հանեց իւր զրապանէն փոքրիկ Աստուածա-
շունչ մը , որ թէեւ փառաւոր կազմուած էր ոսկե-
զօծ եւ շատ գեղեցիկ , երկար ժամանակ զործած-
ուած ըլլալով , մաշած եւ զեղնած էր : Այս առա-
ջին անգամ չէր որ կը կարգացուէր այն Սուրբ մա-
տեանը վերնայարկի սենեկին մէջ : Իբր հնգետասան
տմօք յառաջ Մէյալը մայրը բերած էր այն Աս-
տուածաշունչը եւ կարգացած էր Թրէֆիի անկող-
նոյն քով , երբ նա հիւանդ կը պառկէր : Մէյալը
շատ կը սիրէր այս պատուական յիշատակը որ մօր-
մէն էր մնացած եւ զոր ընդհանրապէս կը կրէր հե-
տք , եւ լսւանցներուն վրայ նշանակուած համարնե-
րը կը կարգար յաճախ մեծ զւարճութեամբ : Մէյ-
ալը կարգաց հիւանդ կնոջ ականջին այն համարնե-
րէն մին զորս նշանակած էր մայրը , եւ էր այս ,
«Անոր Որդւայն Յիսուսի Քրիստոսի արիւնը կը սրբէ
զմեզ ամէն մեղքէ :

Մէյալը , կամ որ նոյն է , տիկին Վիլյէլը , այս
համարը կարգաէն եաքը , կը պարզէր եւ կը հաս-
կցունէր հիւանդ կնոջ Յիսուսի յօժարութիւնն ի
փրկել զմեղաւորս որ կը գիւմեն առ նա , նաեւ ա-
նոր արեան բաւականութիւնը ջնջելու ամէն մեղք :
Մինչ տիկինը կը խօսէր , հիւանդը միտ կը դնէր ու-
շի ուշով : Քրիսթի արտասուելով ըստ , «Տիկին Վի-
լյէր , Սուրբ զրաց մէջ չկայ համար մը զոր այն-
չափ սիրեմ որչափ այս : Պատանեկութեանս ա-

տեն, երբ երկրորդ անգամ գացի Պատուելի Վիլ-թընի քարոզին, քարոզն այս բնաբանին վրայ էր, եւ ես մեծ հաճութեամբ կը լսէի եւ ուրախ էի յոյժ: Քարոզին ետքը փութով եկայ այս սենեակը, եւ պատմեցի Թրէֆիի ինչ որ լսած էի:

Տիկին Վիլյյէր եւ Քրիսթի վերջացունելով իրենց խօսքը, յանձնեցին հիւանդն Աստուծոյ եւ մեկնեցան: Մինչ կ'իջնէին սանդուղներէն, «Եթէ ժամանակ ունիս,» ըսաւ Քրիսթի, «եկու մանենք տիկին Հուայթի քով որ հիւանդ պառկած է վարի յարկը, եւ կարծեմ շատ չապլիր:

«Շատ աղջկ, մտնենք,» ըսաւ տիկին Վիլյյէր, եւ բախեցին գուռը: Մանուկ տիկին մը բացաւ գուռը, եւ երկու հիւրք մտան ներս եւ գացին տիկին Հուայթի քով որ սենեկին մէջ անկիւն մը պառկած էր: Հիւանդը բացաւ աչուըները, եւ երբ տեսաւ զՔրիսթի, ուրախանալով ըսաւ, «Բարի հեկիք!» Տիկին Հուայթ շատ ծերացած էր, եւ արդէն շատ տարի առաջ թողած էր սենեակներ վարձու տալու գործը:

«Քրիսթի,» ըսաւ տիկին Հուայթ, «շատ ուրախացայ տեսնելով զքեզ,» աչքս գուռն էր եւ միշտ ժամերը կը համրէի:

«Տիկին Հուայթ», ըսաւ Քրիսթի, «այս որ տիկին Վիլյյէր եւո հկաւ տեսնել զձեզ:

«Տիկին,» ըսաւ տիկին Հուայթ, «մեծապէս շնորհակալ եմ ձեր այցելութեանը համար. Քրիսթի ըսած էր ինձ թէ կ'ուզէիք գալ տեսնել զիս:»

«Տիկին Հուայթ, գուք շատ ժամանակ է կը ճանչնաք զՔրիսթի, այնպէս չէ,» հարցուց տիկին Վիլյյէր:

«Այո՛, տիկին,» պատասխանեց ծեր տիկինը՝ «Երբ Քրիսթի առաջին անգամ եկաւ իմ տունս, հին հանդերձներով աղքատ պատանի էր: Տեսնելով որ կը գողդողար ցուրտէն, ներս առի զնա: Քրիսթի չէր նմանէր տղայոց զորս կը ճանչնացի. համեստ էր եւ բարի: Երբ կը տեսնէի զնա անօթի, քիչ մը հաց կու տայի անոր:

«Այո՛, տիկին Հուայթ,» ըսաւ Քրիսթի, «մեծ բարիք ըրած էք ինձ:»

«Կը ցաւիմ որ,» ըսաւ տիկին Հուայթ, «ըրած չեմ ինչ որ կրնայի եւ արժան էր ընել: Ես սեղանին տւելորդ հացերէն տուած եմ ձեզ, բայց գուք հիմա կը բերէք ինձ կենաց հացը: Ես կու տայի ձեզ մանր կտորներ որ չէին բաւական յագեցունել ըզձեզ, իսկ գուք կը բերէք ինձ հիմա հաց մը որ իմ բոլոր կարօտութիւնս կը լնու եւ կ'աւելնայ եւս:»

«Քրիսթի,» ըսաւ տիկին Վիլյյէր, «շատ ուրախ եմ որ լսեցի զայս. սիրելի Փրկչին առջեւ շնորհք գտած էք, ձեր աշխատութիւնը պիտի չըլլայ անոգուտ:

«Անօգո՞ւտ, ի՞նչ կ'ըսէք,» գոչեց տիկին Հուայթ, «Քրիսթի ջանքն օրհնուած եւ արդիւնաւոր եղած է: Բազումք դարձան այս թաղիս մէջ անոր միջոցաւ, եւ ամէնքը փառք կու տան Աստուծոյ որ դրաւ ձեր եւ ձեր հօրը սրտին մէջ տալ կրթել եւ ուտարատուել այս երիտասարդն այս օրհնեալ գործին համոր: Մանաւանդ ես պարտիմ առաւել քան զամենեսին շնորհակալութիւն մատուցանել առ Հայրն երկնաւոր որ ինծի պէս տգէտ եւ մեղաւոր կորուսելցն փրկութեան միջոց ըրաւ զնա: Քրիսթի

շատ անգամ գալով իմ քովս , կը կարդար Առւրբ գիրքէն եւ կը մեկնէր ինձ : Այսպէս բացուեցան հոգւոյս աչուղները , եւ տեսայ որ կորուսեալ մեղաւոր եմ :

Բայց տեսայ միանգամայն եւ հասկցայ որ Յիսուս կարող եւ կամեցող մեծ Փրկիչ է ներել եւ քաւել ամէն մեղք : Հիմա կը հաւատամ թէ Տէր Յիսուս ներած է իմ բոլոր մեղքերս , վասն որպէս չեմ երկըն-ջիր մահուանէ , եւ կ'ըսեմ համարձակ :

«Ի հանդերձ ձիւնազարդ ,

Մանեմ փրկելոց քով ,

Անրիծ , անպարտ ,

Անրիծ , անպարտ ,

Այն երկիրն ապահով՝ »

«Քրիսթի ,» ըստ ավկին Վիլյէր , «կը տեսնեմ որ տիկին Հուայթ քաջ գիտէ այդ երգը : »

«Այս , գիտէ ,» ըստ Քրիսթի , «հանգուցեալ Թրէֆիի պէս , ավկին Հուայթ եւս շատ կը սիրէ այս երգը : »

Այսպէս բաւական ժամանակ խօսելէ ետքը , ավկին Վիլյէր գնաց իւր տունը , եւ Քրիսթի իւր գործին : Քրիսթի մեծ փութով կը քննէր եւ կը կարդար ստէպ Սուրբ գիրքը , եւ որչափ յառաջ գնաց , տեսաւ . եւ համոզուեցաւ թէ այն է ամէն կարգի մարդոց վիճակին յարմար մի միայն զիրքը , վասն զի կ'աւետէ թողութիւն գատապարտեալ մեղաւորին , կը խօստանայ հանգիստ խոնջելոց , կը պարգևէ միխթարութիւն վշտացելոց , եւ կենաց հաց սովելոց հոգեւորապէս : Ուստի լի նախանձով եւ եռանդեամբ կը վազէր կ'երթար ամէն տեղ , տեղական մարդոց հոգեւորապէս :

Խանութ , սրճարան եւ կամ հրապարակ , ուր կըրնար գտնել թշուառ , աղքատ եւ լքեալ , հիւանդ կամ վշտացեալ մարդիկ , կը կարդար անոնց Աստուծոց խօսքը , եւ կ'աշխատէր դարձունել զնոսա իրենց մոլար ձանապարհէն : Ընդհանրապէս դուռ մը բախելէն առաջ կը կենար դրան առջեւ եւ կ'ընէր սա կարծ աղօթը . «Ով Տէր Աստուծ , դուն գիտես ամէն մարդու սիրտը , բաց եւ պատրաստէ հասքնակաղներաւն սիրտը որ սիրով եւ յօժարութեամբ լսեն եւ լնդունին խօսքդ , օգնէ եւ ինձ եւ զիրբերանս անոնց վիճակին յարմար խօսքեր , որպէս զի կարենամ յայտնէլ անսնց զքեզ որ Հայրդ ես սիրոյ եւ ողորմութեան : »

Աստուծած լսելով անոր աղօթքը , կ'օրհնէր եւ պաղաքեր կ'ընէր անար աշխատութիւնը : Բազումք որ բոլորսին անտեղեակ էին Քրիստոսի , լուսաւորուեցան Աստուծոց խօսքին միջոցաւ զոր Քրիսթի կը կարդար եւ կը սպարզէր , եւս աւելի բազումք ծշմարտապէս ապահովեցին եւ դարձան : Քրիսթի շատ համբաւուեցաւ այն թաղին մէջ եւ մօտերը , այնպէս որ հիւանդներ կը զրկէին եւ կը հրաւիրէին զնա գալ եւ կարդար անոնց Սուրբ գիրք . նաեւ շատեր որ ձախողութեան կամ փորձանաց հանդիպած էին , կ'երթային անոր սենեակը , եւ խօսելով անոր հետ կը միխթարուէին տղայք անգամ կը սիրէին զնա : Այսպէս Քրիսթի շատ անգամ զբաղեալ էր օրն ի բուն , մերթ Սուրբ գիրք կարդալով , մերթ հիւանդաց այցելութիւն ընելով , եւ մերթ վշտահար մարդոց հետ խօսելով , այնպէս որ երեկոյին գրեթէ միջտ յոգնած կ'երթար տուն : Բայց երբ կը

յլշէր թէ ինչպէս Թրէֆի իւր վերջին օրերը կը խորհէր անձկութեամբ թէ ի՞նչ համարձակութեամբ պիտի երեւնար իւր Տէրովը առջեւ առանց երբէք ծառայութիւն մը ըրած ըլլալու անոր, կ'առաջադրէր եւս տւելի ջանալ եւ աշխատիլ, քանզի այն օրերն անգամ որ տւելի յսդնած էր, չէր մոռնար սա խօսքը, «Կու գայ գիշեր երբ ոչ ոք կրնայ գործել»:

Օր մը Քրիսթի ըստ սովորութեան գնաց յա, ցեւթիւն աղքատաց տուները եւ կարդաց անոնց Սուրբ գիրքն եւ տղօթք ըրտւ անոնց հետ, եւ ապա դարձաւ իւր սենեակը, բայց այն ինչ մտու տանը դուռնէն ներս, լսելով իւր սիրելի եղանակը, «Քաղցր հայրենիք», » որ կու գար իւր սենեկէն, նեղացաւ, քանզի յարգելով Թրէֆիի վերջին կտակը, չէր թողաւր որ այլ ոք գոլչէր նուագարանին, տանուտէր տիկնոջ որդիքն անգամ գիտնալով թէ Քըրիսթի այնչափ հոգ ունէր այն նուագարանին, չին համարձակեր մօտենալ նուագարանին եւ դարձունել անոր դաստակը մինչ Քրիսթի հոն չէր: Արդարեւ ինքն իսկ Քրիսթի երբեմն կը ինչպար որ այնչափ փոյթ կը տանէր այն հին նուագարանին, բայց երբ կը խորհէր թէ յուշարար յիշատակ էր այն իւր նախկին վիճակին եւ Թրէֆիի ընկերակցութեանը, աւելորդ չէր թուէր անոր այս փոյթը: Այս պատճառաւ երբ տունը մանելով լսեց նուագարանին ձայնը, եւ փութով կը վազէր վեր, տանուտէր տիկինը սանդղին վրայ հանդիպելով անոր՝ ըստ, «Բաւական ժամանակ է որ մարդ մը կ'սպասէ ձեզ:» Զայս լսելով Քրիսթի տւելի աճապարանօք կ'ելլէր

սանդղէն վեր, եւ մտնելով սենեակը, երբ տեսաւ հոն իւր բարեկամն զՊատ. Վիլթըն որ չնորհօքն Աստուծոյ միջոց եւ պատճառ եղած էր անոր գարձին՝ աւզուծ մնաց ուրախութենէն:

Պատուելի Վիլթըն որ շատ տարիներէ հետէ Անգղիոյ մկջ քաղաք մը կը վարէր քարոզչի պաշտօն՝ տեսած չէր զՔրիսթի, եւ այս անգամ որ եկած էր տեսնել իւր նախկին ժողովուրդը, կամեցաւ այս պատեհութեամբ տեսնել նաեւ զՔրիսթի: Ի՞նչ խանդակաթ տեսարան էր այս երկու բարեկամուց հանդիպելն իրարու:

Որպէս թէ հայր մը եւ որդին կը տեսնէին զիրար շատ տարիներ ետքը: Պատ. Վիլթըն եւ Քրիսթի բաւական ժամանակ խօսեցան իրարու հետ երկար: Պատուելի Վիլթըն տեսնելով հին նուագարանն՝ ըստ, «Քրիսթի, կը տեսնեմ որ նուագարանը դեռ ձեր գովակ է:»

«Այս, տէր, » ըստ Քրիսթի, «հնար չէ ինձ զատուել անկէ. Թրէֆիի յիշատակն է այս նուագարանը. երբ կը հնչեցունեմ եղանակը, 'Ո հայրենիք, քաղցր հայրենիք', կը յիշեմ զԹրէֆի: Ի՞նչ մեծ երանութիւն վայելած է արդեօք Թրէֆի ի վերին հայրենիս այս անցեալ հնգետասան տարուան մէջ:»

«Քրիսթի, » ըստ Պատ. Վիլթըն, «մի մոռնաք որ գուք եւս շատ կը փափաքէիք երթալ ի վերին հայրենիս:»

«Այս, տէր, » ըստ Քրիսթի, «հիմա եւս շատ կը փափաքիմ, բայց որովհետեւ Թրիստոսի գործը շատ է աշխարհիս վրայ, կը ցանկամ մնալ հոս եւ

աշխատիլ անոր գործին մէջ քանի մը տարի եւս ,
եթէ Տէրը հրաման տայ , եւ այնուհետեւ երթալ :
Շատ անգամ արտասուաց հեղեղներ կ'իջնեն աչուը-
ներէս , երբ կը տեսնեմ իրեւ զիս բանական մար-
դիկ հազարներով , որ կը քալեն կտրտեան եւ կոր-
ծանման ճամբուն մէջ եւ չեմ կրնար օգնել անոնց :
կը թուի ինձ թէ իմ բոլոր աշխատանքս այնպէս է ,
ինչպէս կաթիլ մը ջուր Ովկիանոսի քով :

«Ճշմարիտ է , Քրիսթի , » ըստ Պատ. Վիլթըն ,
«Յիսուսի համար ընելու շատ գործ կայ , մինչ մենք
հազիւ հազարէն մին ընելու կարող չենք , մեր
պարտքն է սակայն գործել եւ աշխատել ըստ կա-
րողութեան եւ ըստ պատեհութեան զոր Աստուած
կու տայ մեզ : Եթէ կրնանք ընել զայս հաւատար-
մութեամբ , Քրիստոս Տէրն մեր պիտի ընդունի մեր
աշխատութիւնը եւ ըսէ մենէ իւրաքանչիւրին հա-
մար , Այս ծառայս ըրաւ ինչ որ կարող էր ընել : »

Յետոյ Պատուելի Վիլթըն եւ Քրիսթի , ծունր
զնելով աղօթք ըրին Պատուելի Վիլթըն յլշեց մաս-
նաւորապէս զՔրիսթի իւր աղօթքին մէջ . խնդրեց
Աստուծմէ օրհնել անոր ջանքը եւ աշխատութիւնը
եւ ընել զնա գործի եւ միջոց դարձի եւ փրկու-
թեան այն քաղաքին մէջ գտնուած մեղաւորաց բազ-
մութեան :

ԳԼՈՒԽ ԶՈՐԵՔԱՍԱՆԵՐՈՐԴ

ՎԵՐՁԱԿԵՍ ՔԱՆՑՈՐ ԲԱԿԱՐԱՆ ԵՐԿՐԻ ՎՐԱՅ

Պատուելի Վիլթըն պիտի քարոզէր կիւրակէ երե-
կացին այն փոքրիկ մատրան մէջ զոր թողած էր իրը
հնգետասան ամօք յառաջ , ուստի Քրիսթի եւս այն
երեկոյ հսն եկաւ կանուխ : Բայց այս անգամ անոր
վիճակը շատ տարբեր էր : Իրը հնգետասան տարի
առաջ Քրիսթի էր թշուառ եւ տգէտ պատանի . հին
հանդերձներով , շատերուն անծանօթ , այնպէս որ
եկեղեցին ներս մտնելու անգամ չչը համարձա-
կեր , ուր հիմա ծանօթ էր նա շատերուն , եւ կը
վայելէր պատիւ եւ յարգ : Քրիսթի ընդհանրապէս
ոովոր էր կանուխ գալ եկեղեցի եւ ծառայել ժո-
ղովրդեան : Ծերոց ձեռուըներէն բռնելով կը նստե-
ցունէր զանոնք իրենց տեղը , օտարներուն կը ցուց-
նէր տեղ , անձկութեամբ կը նայէր ամէն կողմ տես-
նել թէ եկած էին այն մարդիկ զորս հրաւիրած էր
շաբթուն մէջ գալ եկեղեցի : Եթէ կը տեսնէր եկե-
ղեցի եկողներուն մէջ փոքրիկ տղայ մը հին եւ պա-
տառուտուն հանդերձներով , կը յիշէր խկոյն թէ ինք
եւս այնպէս եկած էր եկեղեցի առաջին անգամ իրը
հնգետասան տարի առաջ , ուստի կ'երթար փութով
տղուն քով եւ քաղցրութեամբ կը խրատէր զնա եւ
կը միսիթարէր , եւ ինչ օգնութիւն որ կարող էր ը-
նել՝ կ'ընէր :

Երբ Պատուելի Վիլթըն մտնելով եկեղեցին տե-
սաւ որ Քրիսթի զուարթ եւ լուրջ կը շրջէր ժողո-
վրդեան մէջ , ոմանց տեղ կը ցուցնէր , այլաց հետ
քաղցրութեամբ կը խօսէր եւ կու տար ժողովրդեան

փոքր երգարաններ , փառք տուաւ Աստուծոյ այն մեծ բարութեան եւ ողորմութեան համար զ՞ո՞ր ըրած էր այս երիտասարդին :

Պաշտօնն սկսաւ աղօթիւք եւ երգօք . ապա Պատուելի Վիլթըն բնաբան դնելով Մատթ . իթ . 4 համարն , «Ամենայն ինչ պատրաստ է , » սկսաւ քարոզ : Նախ կարդաց հարսանեաց առակը , եւ մեկնեց թէ ինչ կը նշանակէր այն , եւ ինչ էին հրաւերելոց հրաժարելուն պատճառանքը : Ապա յառաջ տարաւ խօսքն այսպէս , «Աստուծած եւս պատրաստած է մեզ ընթրիք մը . Յիսուս զոհուած է մեզի համար եւ ամենայն ինչ պատրաստ է : Քաւութիւն եւ թողութիւն մեղաց , փրկութիւն , կեանք եւ երջանկութիւն յաւիտենական , ամենայն ինչ պատրաստ է : Հայրը կեցած է ընդունել զիեզ սիրոյ համբուրիւ . Հոգին Սուրբ կը թախանձէ զմեզ յանձն առնուլ հրաւերը . այսպէս Աստուծոյ կողմանէ ամէն պատրաստութիւն եղած է : »

«Արդ , սիրելի բարեկամք , այս աստուծային ընթրեաց հաղորդ ըլլալու համար մեզ եւս կը մնայ ընել բան մը : Բառած է , «Եկէք , » ապա պարտիմք երթաւ : Ուրիշ բան չպահանջուիր մենէ , բայց միայն երթաւ : Ընթրիքը փառաւորապէս պատրաստուած է , եւ Աստուծած կը հրաւերէ եւ սիրով եւ ուրախութեամբ պիտի ընդունի գացողները , եթէ միայն երթան : Ով ծարաւիներ , եկէ՛ք , կենաց ջուրը պատրաստ է , եկէ՛ք , գուք ամենեքին որ քաղցեալ էք , եկէ՛ք , ահա՛ Քրիստոս ինք կու տայ մեղաց հացը : Ո՞վ մեղաւորք , որոց հոգիները ձեզ կենաց հացը : Ո՞վ մեղաւորք , որոց հոգիները սեւցած եւ աղտեղած են մեղօք , եկէ՛ք , Յիսուս

կը լուանայ զձեզ Հոգևով Արբով եւ կ'ընէ զձեզ մաքուր եւ սպիտակ իրեւ զմիւն : »

«Եթէ ունիք կամք գալու , պարտիք գալ հիմա , քանզի բնաբաններ կ'ըսէ , «Ահա , ամենայն ինչ պատրաստ է : » Պիտի գայ ժամանակ , որ եթէ ուզէք եւս գալ , անօգուտ պիտի ըլլայ , քանզի անցած պիտի ըլլայ ժամանակը : «Հիմա՛ է օր Քրիստութեան : » Ուստի պարտիք գալ հիմա՛ , այս օր , այս գիշեր , նա մանաւանդ հո՛ս , այս ժամուս անյատպաղ : »

«Արդ , սիրելիք , կ'ուզեմ հարցունել ձեզ , ունիք բանաւոր պատճառ . չընդունելու այս փառաւոր կոչունքը եւ մերժելու Յիսուսի հրաւերը : Տեսէ՛ք , ահա՛ , ամենայն ինչ պատրաստ է : Ամենողորմն Աստուծած է ամէն բան զոր մարթ էր ընել ձեր Քրիստութեան համար . պատրաստ կայ ձեր ամենուն համար թողութիւն , յաւիտենական երսոնութիւն եւ երինային բնակարան : Զէ՞ք փափաքիր բազմել յընթրիս հարսանեաց Գառին բոլոր որբոց հետ : »

«Բա՛րէ , Աստուծա՞ծ իմ , ի՞նչ օրէնեալ եւ չքնազ տեսարան պիտի ընծայէ այն սեղանը : Յովհաննէս առաքեալ , ի մէջ այլց սքանչելեաց , տեսաւ նաեւ այս երկնոցին ընթրիքն ընդ աղօտ , բայց այնչափն անդամ այնտէս շքեղ եւ փառաւոր էր որ հիացուց զնա , եւ հրեշտակը կեցուց զնա եւ ըստու . «Դրէ՛ , Երանելի են անոնք որ կոչուած են յընթրիս հարսանեաց Գառին : »

«Եղբայր , վատա՞հ ես թէ գու եւս այն երանելի անձանց մին ես . ստուգապէս լուացուեցա՞ր արեամբ Գառին : Հրուերուեցա՞ր յընթրիս հարսանեաց

Գառին : Այս հարցմանց ձենէ իւրաքանչիւրն Ե՞նչ պատասխան կրնայ տալ, չեմ զիտեր, բայց ոս կ'ըսեմ թէ, եթէ հիմա չէք կրնար ըսել ինձ, «Այս՝» Ի՞նչպէս պիտի կարենաք պատասխան տալ վերջին օրն Անոր որ զիտակ է որտի ամէն գաղտնեաց : »

Քարոզիչն այսու բանիւք վերջացուց քարոզվ , եւ ժողովուրդն ոկտու արձակուիլ, բայց ոմանք չելան, այլ մնացին իրենց տեղը եւ ոկտան խորհել մտադիւր իրենց հոգեւոր վիճակին վրայ : Պատուելի Վիլթըն երբ բեմէն իջաւ եւ կ'երթար, նախկին ծանօթները եկան անոր եւ ողջունեցին զնա :

Պատուելի Վիլթըն տեսնելով զբրիսմի շատ յոդնած իւր պաշտօնին մէջ, առաջարկած էր անոր երթալ իրեն հետ եւ հանգչել քանի մը օր : Ուստի երկուշաբթի օր ի միասին ճամբար ելան երկաթուղեաւ, եւ գեղեցիկ պարտէվներէ եւ անտառներէ անցնելով գացին այն քաղլուքը ուր կը բնակէր յայնձամ Պատ . Վիլթըն :

Թէ ինչ եղաւ այս ճանապարհորդութեան արդիւնքը, յայտնի կը տեսնուի նամակէն զոր Քրիստի գրեց առ Պատ . Վիլթըն այն ճանապարհորդութենէն գառնի մը ամիս ետքը :

«Խոստացայ զրել ձեզ մեր որալիսութեան վրայ : Ինձ կը թուի թէ քիչ կը գտնուի աշխարհի վրայ ընտանիք մը այնպէս երջանիկ որսիսի է մերը : Հատուր վար վասոք կու տամ Աստուծոյ որ ինձի յարմար զոր վասոք կու տամ Աստուծոյ որ ինձի յարմար զոր կը նամակ մը գտայ ձեր քաղլաքը ուր եկայ քիչ մը օգնական մը գտայ ձեր քաղլաքը ուր եկայ քիչ մը ժամանակ հանգչելու : Հիմա ունիմ երկրի վրայ տեղ մը զոր կը նամակ կոչել քաղցր բնակարան : Երբ յոդնած գառնով գործէս երեկոյին կը տեսնեմ կինս անապատով գտնած կատարած է ապասել հաւատով եւ յուսով վերին մարդու հայրենեաց՝, որ է երկնաւոր եւ յաւիտենական տուն ճշմարիտ երջանկութեան : »

որ ամէն բան կատարած կը սպասէ ինձ, սիրոս կը լցուի անպատում ուրախութեամբ ո՞նչի հետ երկուքս կը նստինք սեղան եւ կը վայելենք Սատուծոյ պարգեւը քաղցր եւ օգտակար խօսակցութեամբ : Նէլի կը հարցունէ ինձ թէ ուր գտցի եւ զով տեսայ : Մեր երկուքին փափաքը մի է . կ'ուզենք առաջնորդել զմեղաւորս առ Քրիստոս, վասն որոյ ի միասին ծունը դնելով կ'ալջինք որ օրուան մէջ ցանուած սերմերն օրհնուին Աստուծմէ : »

«Մեր անակը, թէ եւ փոքր, բայց իրեւ բնակարան, շատ սիրուն եւ զուարձալի է : Տիկին Վիլթէր յառաջ քան մեր հասնելն հոս պատրաստած եւ զարգարած էր զայն, մեր սեղանն անգամ դրսւած էր : Տիկինը դրած էր սեղանին մէջտեղ մշտագալար միտենւոյ եւ ձիւնածաղկանց գեղեցիկ փունջ մը , զոր ինքն էր կապած : Այս փունջն յիշեցուց ինձ ձիւնածաղկիները զորս բազում տարիներ առաջ տուած էր ինձ օրիորդ Մէյզըլ, նաև աղօթքը զոր սորվեցուցած էր ինձ այն տաեն օրիորդը՝ ելած չէր մաքս, այսինքն, կուա զիս , եւ ըլլամ սպիտակ երեւ զիււն՝ : »

«Միրելի Պատուելի Վիլթըն , ի վախճանի հարկ կը համարիմ յիշել հոս յուրախութիւն ձեր , որ , թէ ես եւ թէ նէլի , որչափ եւ գոհ ենք եւ կ'ապրինք երջանիկ մեր այս երկրաւոր տան մէջ իրեւ յառժամանակեայ բնակութեան , մեր երկոսունց եւս ջերմ փափաքն է ապասել հաւատով եւ յուսով վերին մարդու հայրենեաց՝, որ է երկնաւոր եւ յաւիտենական տուն ճշմարիտ երջանկութեան : »

Քաղաք մը կայ պայծառ,
Դուռներն են գոց մեղաց.

Մարդ պիղծ եւ չար,
Մարդ պիղծ եւ չար,
Ոչ երբէք հոն գընաց :

Փրկիչ, կու գամ առ քեզ,
Ովզ դու, դառն լսոտւծոյ,
Մաքրես, փրկիս,
Մաքրես, փրկիս,
Լուսս զիս արեամբ քո :


Տէր, այժմէն զիս ըրէ
Քեզ սիրելի որդեակ .


Տէր, զիս պահէ,
Տէր, զիս պահէ,
Չըլամ քեզ խեռ զաւակ :

Ի հանդերձ ձիւնազարդ
Մտնեմ փրկելոց քոլ.
Ամիջծ, անպարտ,
Ամբիծ, անպարտ,
Մընամ հոն ապահով :

| | | |
|---------|--|----|
| Գլուխ 1 | Հին նուագարանը | 1 |
| » 2 | Քրիսթիի յանձնուած աւանդը | 7 |
| » 3 | Թերեւս ամիս մը կ'ապրի..... | 12 |
| » 4 | Մէյպըլ առաջին անգամ նուագարան կը հնչեցունէ | 20 |
| » 5 | Երկնային քաղաքն ուր ոչ մեզք կը մտնէ եւ ոչ մեղաւոր | 26 |
| » 6 | Մի միայն ճանապարհ վերին հայրենեաց | 55 |
| » 7 | Մէյպըլի ձիւնածաղիկները | 46 |
| » 8 | Երկնից բնակութեան արժանացեալ..... | 57 |
| » 9 | Թրէֆի կը մտնէ երկնային հանգիստը | 68 |
| » 10 | Զկայ տուն երկնաւոր տան պէս | 76 |
| » 11 | Միայնակ յաշխարհի..... | 84 |
| » 12 | Քրիսթիի յաջողութիւնը | 91 |
| » 13 | Քրիսթիի աշխատութիւնը Տէրովք գոր- ծին մէջ | 97 |







Hm

Wf

82

SOS.

D

2013

